

宋

會

要

全唐文

宋會要

# 上佐良

宋以諸州府長史司馬別駕為上佐官太祖開寶四年  
六月詔廣南偽命官送學士院試書判取稍優者授上  
佐令錄簿尉八年四月教坊使衛得仁乞補外官中書  
擬上州司馬太祖曰此輩止宜於樂部中遷轉上佐官  
不可輕授乃補太常寺太樂局令太宗至道元年七月  
以峽路渠州教練使范仁辯等十二人並為諸州上佐  
蜀盜之起范仁辯等嘗出私廩以助縣官又糾合義族  
以全城邑轉運使以聞故有是命真宗景德元年三月  
詔三班使臣年七十五以上者借職授支郡上佐奉職

殿真授節鎮佐上不願者放歸鄉里仁宗天聖二年六月八日詔諸州攝助教樂和等三十三人元是年老經學舉人先朝閱其衰老無成特與此名俾霑賦祿令其有請可並除叅軍九年六月上封者言近日上佐官多擅離本處赴闕進狀妄有披訴及僥望恩澤詔自今副使上佐官文學叅軍等不得擅離本處委所在官吏覺察犯者寘其罪仍令登聞鼓院不得收接所進文狀十年三月五日詔舉人緣恩澤授上佐文學助教叅軍者聽從便出入時鄆州文學戚元成者舉進士授此官貧凍不能濟州以詞制散官不聽他適與負犯授者一例竊管州將言其事持有是詔景祐四年二月二十七日

詔應因公事授上佐文學叅軍十年已上無過願逐便者逐處以名開時洪州別駕劉藏器累經赦宥乞從逐便因有是詔慶厯二年六月補新授諸州長史文學田庭堅等五人為三班奉職王好言等十八人為借職劉易等十四人為下班殿侍三班差使初進士諸科特奏名人既授以逐州長史文學而願試方畧武藝乃命翰林學士蘇納等考其中格者補之五年十一月詔尚書刑部應貶官人經恩叙授諸處行軍司馬副使上佐官司士文學叅軍願不之任者聽之皇祐二年十一月五日詔應慶厯六年以前因應舉殿前恩澤授諸州司士長史文學助教見年六十以下精神不至昏昧者並許



朝臣三人同罪保明奏舉赴銓投下文字試判三道依  
言邊事試中人注權入官其攝助教與注諸州叅軍每  
官只得同罪奏舉兩人仍於舉狀內開坐已舉過人數  
姓名重結罪以聞仍令銓司置簿拘管候舉主數足勘  
會施行 兩朝國史諸州有司馬長史文學叅軍助教  
士人或有特恩而授皆不釐務亦有以負犯人為之者  
流外則止除別駕司馬神宗熙寧九年三月二十七日  
中書門下言應應舉授試國子四門助教人欲令流內  
銓作長史文學條例施行從之 淳熙元年十一月七  
日詔寧國府長史俞召虎改除明州長史司馬蘇諤改  
除明州司馬各通理前任月日

以皇子魏王愷  
移鎮四明故也

二年二

月二十二日詔直祕閣明州長史俞召虎除直徽猷閣

以職事修三年十月十九日詔明州長史莫濟除祕閣

舉故也修撰司馬陳延年除直祕閣以興修東錢湖灌溉民田

齊賜紫延四年五月二十三日詔明司馬陳延年令再

任以皇子魏王愷言延年練建効勞故六月十二日詔

明州長史輩湘除直敷文閣以皇子魏王愷言七年二

月十二日詔明州長史蘇訥除大理少卿司馬陳蒼舒

除司封郎官以皇子魏王愷

亮結局故也

宋會要

掌書郎幕職官

國初兩使各置推判官節度置掌書記觀察置支使餘  
州置判推官各一人太平興國六年詔諸道節度州依  
舊置支使資考休科同掌書記以經學及諸色人任無  
出身人充書記支使不並置國初楊國華為之廳存子  
城之南

全唐文

宋會要

幕職官

太祖乾德二年七月詔曰管記之任資序頗優自前藩鎮爲人多自初官除授自今歷職兩任已上有文學者即許節度使觀察留後奏充三年三月詔諸州長史今後或有須藉人代判者許於幕職內擇公幹者充不得更任代判從之五代以來領節旌爲郡守者多武臣皆不知書所至必自置吏稱代判以委州事因緣不法初革其弊太宗太平興國四年八月以贊善大夫十五員充諸州節度判官韋亶鳳翔唐正白襄州孔憲滄州張蔚陳州張利涉徐州楊舜舉廬州呂祐之兗州武元穎

曹州周巨源鄆州孟上交壽州韓國華相州王化基揚  
州鄭歸昌密州張至邢州張鄧宿州太宗以宿州戎幕  
闕官選朝士補之俾分理事且試其才六年十月詔諸  
道節度州依舊置觀察支使一員資考俸料並同掌書  
記自今吏部除擬以經學及諸色入仕無出身人充凡  
書記支使不得並置雍熙四年三月以檢校秘書監黃  
夷簡為倉部員外郎充許王府判官檢校秘書少監慎  
守禮為膳部員外郎充諸王府掌書記二人皆倣偽命  
官倣為朝累封至許王因命為屬官四月以水部員外  
郎耿振為楚州團練使振先任三司職心勞得疾俾從  
優逸故有是命端拱元年三月以六宅使何承矩知滄

州節度副使事時米信在鎮不知書為人粗暴故令承  
矩領州事淳化四年九月十一日詔諸道州府新除行  
軍防團副使上佐文學叅軍及禁錮人等宜令轉運司  
自今本州闕官仰次補承乏以責其効俾之自新或勤  
幹有聞當再與叙用其行軍副使並先上聞取旨五年  
十二月太常丞武允成除成都節度副使仍預公事允  
成太平興國元年進士迨此年七十八視聽不衰帝嘉  
其壯健而已延恭特命以優之真宗咸平二年九月審  
官院言諸處兩使判官闕於得替通判中依例差充從  
之三年四月十日詔諸州行軍司馬節度防團副使上  
佐司士文學叅軍非特許簽書者不得掌事十五日河

東轉運使范正辭上言請自今幕職州縣官到任半年  
令長吏通判具能否以聞從之是月詔川峽幕職州縣  
官並二年注替景德元年十月國子博士張紳大理評  
事祕閣校理劉均分知天雄軍節度觀察判官事紳受  
命乘傳督河北軍糧時參知政事王欽若判天雄軍府  
上言奏辭故以命之三年七月令審官院選京官一員  
知西京留守判官事以知留守司邊肅請置此官代通  
判巡行屬縣故也大中祥符四年六月以祕書少監直  
祕閣黃夷簡為檢校祕書監充平江軍節度副使不簽  
書公事夷簡以疾在假者累年復丁母憂表乞散秩還  
鄉故有是命天禧元年六月以武昌軍節度副使邊肅

知光州以救叙也時刑部言肅元犯真宗曰肅在邢州  
時北戎侵擾屢詔棄城入保肅能固守頗著誠效雖坐  
賊廢亦累經赦故特有是命二年九月流內銓請以自  
今軍監判官更不兼通判從之四年正月詔桂廣州幕  
職自今增注及五員仍選有吏幹勤事者帝以桂廣嶺  
南大藩而轉運勸農使多委二州幕職鞠治獄訟詳公  
事故命增員以備差遣仁宗天聖二年二月河北緣邊  
安撫都監張炎成言雄州廣信安肅軍保州五處最  
是窮邊內保州雄州廣信軍凡承文北界公牒演用文  
字迴報須畧言典故乞自今吏部銓選進士及第有公  
器者充判官或推官凡有往來公牒專令相度迴答從



之四年六月二日中書門下言今後奏舉人及常選人  
內經入考已上合入令錄雖未赴任特與職事者乞並  
除節度觀察推官仁宗問舊例如何王曾對曰自来初  
等職官俸入太簿緣已彼保舉與兩使推官則稍似外  
陟從之五年十二月廣南路西運司高言融二州欲乞  
各除推官一員流內銓言自来高州置司戶參軍一員  
兼錄參司法事融州置司理司戶參軍二員兼錄參司  
法事若置推官即少得合入之人注擬今相度高融二  
州請依舊只令司戶參軍兼知逐州推官廳公事從之  
六年六月以無為軍巢縣主簿梅鼎臣權鳳翔府觀察  
推官候回日與初等職事官資叙從知府周寔之舉也

七年十月上封者言河北緣邊州軍所置幕職多經學出身不惟公事因循至書斷案牘統繆文理辭語不能曉會緣多武臣知州軍若朝廷行下文字州府關報不能辨白則或訪問他人又緣邊州軍承受外地公文或失詳明便成漏泄欲望自今逐州軍職官各取進士出身有舉薦者一人充詔吏部銓選注八月十四日詔節度行軍司馬簽書州事者位在幕職之上自今負犯人更不除授時行軍司馬石待問簽書州事乞定著位事下禮院叅議議者以今之行軍司馬皆過犯叙除不可準於典故遂有是詔哲宗正史職官志幕職官掌助理郡政分案治事其簿書案牘文移付受催督之事皆分

掌之凡郡事與守倅通簽書神宗熙寧七年四月二十一日詔諸州軍器物料並置庫選職官或曹官一員兼監九年六月十三日詔流內銓河州簽判今後不依名次選差合入職官人充元豐三年十二月二十七日夔州路轉運司言南平軍止有通判一員無職官本軍兩縣一鎮六寨堡事務繁多欲乞依嘉州例置職官一員兼監鑄錢監從之六年二月二十五日詔陝西路帥臣所在職官不許監司差出從知慶州趙鼎請也政和二年三月二十七日荆湖南路轉運司言桂陽監簽判乞依熙豐法復置從之三年十一月一日詳定一司敕令所看詳舊幕職州縣官今後直郎以下其就任改官之

人自改官日理任等除元祐法合行則去外今以熙豐舊法參酌修立下條諸承直郎以下應就任改官者理任自改官日即願通計前後月日滿三年罷者聽仍不理為任從之高宗建炎元年十二月二十三日詔降指揮諸州軍府司錄依舊為簽書判官廳公事諸路除舊有簽判官自合存留司錄改充餘州司錄並令減罷訪聞舊無簽判處却存留司錄充簽判令都省劄下吏部遍牒諸州軍依元降指揮改正仍行下轉運司取會所轄州軍改正減罷員闕類聚申尚書省如有違戾按劾以聞紹興十年八月十四日詔右承務郎邢孝寬添差婺州簽判任滿更不差人以皇后親弟故也十三年四

月十七日詔化州簽判任滿賞格今後依本州幕職官例與理不依名次家便差遣一次二十一年三月五日詔南恩封新梅州各置簽書軍事判官一員二十四年正月二十五日詔潮州添置軍事判官一員三十年十月二日信陽軍教授陳端彥言通化軍係極邊如遇守臣在假以次官係選人充軍事判官難以權郡乞將通化軍見置軍事判官改差簽判欲乞差注承務郎以上官從之十一月八日臣寮言忠州萬州渠州珍州茂州開州梁山軍懷安軍石泉軍大安軍其間多控蠻獠既無通判且不差簽判以次官盡是選人乞依通化軍將見置判官改差簽判除本官俸錢合幫助其餘請給增

損不多儻遇闕守則以通攝不必鄰郡差官從之三十一年六月二十四日吏部言京西南路安撫轉運提刑提舉常平茶鹽司奏通化軍判官元係兼司法今來改置簽判有司法令職事欲依判官例令簽判帶行兼管從之孝宗隆興元年十月三十日四川安撫制置等司奏仙井鹽已復還州額知州合自朝廷差除其軍事判官乞依忠州等例改為簽書判官廳公事本部勘當欲依所乞從之二年二月十日梅州言右宣教郎梅州簽判黃民瞻乞參照欽廉州簽判任滿賞格修立施行吏部照得梅州簽判係承紹興三十一年指揮創置稟闕欲乞參照本州推官等任滿合得賞格比類與減二年

磨勘占射差遣一次修立成法施行從之乾道元年二月十五日潼川府路兵馬鈐轄轉運提刑司申普州係選人充判官緣遇守臣有關若候選差鄰部通判權攝所差官未到間郡東委有妨闕乞依諸州無通判處改差簽判吏部勘當欲依所申從之三年十二月一日廣南西路轉運司申建武軍象梧潯柳貴化州通判闕並無京朝官願就乞注職官資序人一次詔令吏部行下本司將遂州軍簽判闕如無應格人願令職官兼權十六日權發遣和州胡昉奏本州判官係是江淮宣撫司一時奏辟即無承受再降復置指揮明文兼無為安豐軍判官職事見係錄參兼管今來欲乞將判官窠闕依

舊省罷令錄叅兼管從之五年九月二十五日利州路  
安撫提刑轉運司奏提劍州元係軍事州今上皇帝舊  
額藩邸已准推恩陞為普安軍今是節鎮乞將軍事推  
官員闕改作普安軍劍州節度推官從之七年二月十  
九日詔龍州見任簽判竇闕改作職官十一月二十七  
日准西路安撫提刑淮南西路轉運司奏逐州乞復置和  
州判官一員兼司法光州郎推一員兼吏使並從之令  
吏部使闕淳熙元年十二月六日詔涪州復置軍事推  
官一員以准西諸司言本州極邊自  
省罷兼職官闕事廢故也二年十二月二十  
五日詔邵州許添置軍事判官一員同推官分管簽廳  
當直司職事以守臣丁雄飛言簽廳止有推官一員且



無司戶乞依衡永州例添差判官或司戶一員故也四年二月二十三日詔荆南府依舊為江陵府兼判節度推官以荆南繁銜吏部侍郎周必大言選人有兩使職官如節度推判官合從軍額察推及支使則從州府名姑以行朝言之寧海是軍名凡簽判及節推則以寧海軍入銜臨安是府名凡察推支使則以臨安府入銜此定制也近有從事郎李敏用歸正恩例添差荆南節度推官合從軍額其奏鈔內却帶荆南府三字其前有差過從政郎郭世華已是如此蓋緣前後除本府守節或作江陵府或作金南府而不知荆南是節鎮江陵却是府號差云失於釐正至淳熙元年有司又不照兩使職

官自有分別誤作勘會稱江陵府幕職州縣官窠闕內  
有節推一員係作荆南節度推官繫銜其餘曹縣官計  
二十四處並稱江陵府遂謂荆南即無軍額亦無指揮  
分別欲作一體稱呼殊不知荆南不稱軍猶太原府謂  
之河東揚州謂之淮南襄陽府謂之山南東道成都潼  
川府謂之劍南東西川也當時事下湖北安撫司本司  
不知節鎮行移自來多有軍額遂乞依倣建康等體例  
就以荆南府為名所有節度推官自來專從軍額難冠  
以府字合行改正故有是詔二十六日吏部言廣南燕  
判窠闕破格曉示滿半年以上如無官額就差欲具申  
都省行下逐路運司使闕人若逐路再滿半年又無定

差別官乞本部再行破格出闕召官指射如本部再破格曉示滿半年又無官願就却具申月是施行從之以廣南西路轉運司奏邛勝貴州建武軍高化州等簽判乞破格定差職官資序一次下部指定故有此請六月八月七日詔新州復置推官一員兼措置鑄錢從守臣施溫舒請也十五年六月十九日吏部言乞依利州路轉運司所乞將金州洋州蓬州大安軍簽判闕注第任知縣資序次酬獎改官合入知縣應選年未六十人如經使兩季別無應格人就第三季許破格差注初任知縣資序應選有舉主年未六十人其破格定差官到任任滿更不推賞如定差日却有本等人願就即先注本

等人從之十一月十三日夔州路轉運司言忠州簽判  
闕官半年以上乞許令本司將上件闕如某注日無本  
處應格人就破格差使初任知縣資序次第第二任監當  
資序人仍銓量差注如同日有應格人就先差應格人  
仍乞立為定制如見任人過滿榜及兩季以上無應格  
人就依此破格差注從之淳熙十六年四月二十一日  
四川安撫制置使趙汝愚言四川京官簽判員闕多有  
闕官去處照得通判供給錢從條支給八十貫止是成  
資解罷簽判供錢四十貫却於三十箇月為任其簽判  
責重祿薄又須兩年半方得解罷比之通判優劣大不  
相侔是致京官曾歷知縣者便自經營通判軍監差遣

更不願就簽判窠闕乞將四川諸州軍無通判止有京  
朝官簽判去處並聽成資為任從之紹熙元年十二月  
二十四日臣僚言二廣諸州多無通判其簽判實任通  
判職事比年以來廣西定擬簽判之闕多有恩科廕老  
之人欲乞行下廣西轉運司應今後定擬諸州簽判稍  
加審擇不許差年六十以上昏眊之人從之三年四月  
十一日詔省罷蘄州推官從本州請也開禧元年四月二十  
三日臣僚言乞行下諸路應簽廳職事不許以勢干請  
或未免兼攝者不得已簽廳為名支破俸給庶幾惟有  
所歸職有所分不至重為民病其或玩習為常減視憲  
度令提刑司覺察以奏重賜鑄降以為不安職守者之

戒從之嘉定元年八月六日詔茂州添置推官一員以  
知茂州楊思成言州舊有教授司戶各一員教授兼  
廳職事與司戶同佐郡政實賴裨贊因制置司經畫  
茂兩州歲計省罷教授員闕見今在州文吏止有司  
戶倉庫獄訟叢於厥身雖有精力亦恐有所不及乞  
省併雜宗閭同知關一員添置推官故有是命二年  
二月十四日詔潯州推官司戶更不注恩科人並作  
破格許初官注授從守臣之請也五月十六日臣僚言  
監司有幹官州郡有職官以供簽廳之職使幹官  
職官得其人固自能舉職或非才不能勝任者則  
按刺易置之可也今乃不然差兼簽廳者動輒三  
兩員或四五員其為冗費與添差

何異是朝廷徒有罷添差之名而無添差之實也 乞  
將諸路及州郡所差兼簽廳官並行住罷令回本任各  
共乃職所有復置創置名闕自今並行免差從之三年  
十一月十七詔天水軍添置判官一員以天水軍軍事  
判官入銜令制置司於經任有材幹選人內奉辟五年  
八月十四日荆湖北路轉運司言信陽軍係是極邊小  
壘止有信陽羅山兩邑戶口無多獄訟稀少既有專官  
司理院一獄係省部差注而又有軍院卻無正官乃以  
判官兼之其判官階銜即不帶兼上件獄官止帶兼司  
法且既兼司法即合檢斷獄事既自勘鞫而又自檢斷  
豈無妨嫌乞省罷吏部勘當信陽軍判官既兼司法檢

斷難以又兼軍院鞫勘委以職事相妨及本軍錄參自來無此窠闕其軍院見得不係省額所置合行省罷詔信陽軍添置司戶一員兼錄事參軍堂差一次以後令吏部依條使闕十二月一日廣西諸司言賀州判官推官乃簽書之一職爾曩者正緣郡小力微省罷通判改注簽判少寬郡計今已有簽判而推官窠額猶存如中州之郡有簽判亦無推官窠闕去處況北斗大之州邵復有之乞賜省併施行從之六年三月二十八日廣東諸司言本路梅新恩英連封州簽判無官願乞許運司將職官資序人定差或許監司辟差從之七月二十八日知州均州丁昌時言乞將本州節度推官注有出身



人俾兼教官之職著之令甲永為定制尋將闕籍照得  
均州職官止有推官一員勘當上件事理乞自今後注  
有出身人俾兼教官職事仍牒敕令所修成定法詔依  
吏部勘當到事理施行閏九月十三日知廬州李大東  
言本州流徙復業之後田疇交錯訟牒紛然曹職官止  
有四員節推專蒞廳知錄司理掌獄事日不暇給照得  
楊州見管兩縣曹職官尚有六員本州所管三縣曹職  
官僅有其四欲望特許本州添置察推一員復向來省  
罷窠闕從之八年七月二十八日京西湖北制置司言  
光化軍申本軍係是極邊全藉僚佐裨助舊止有簽判  
司理二員無事之時常有乏使況今城壁已立備禦方

嚴而熬判久無正官止有司理一員衆職萃於一身雖使才力有餘者當之亦恐乏事又况增成既多則財穀之任非他官所可兼管竊見比者沿邊諸郡如信陽安豐盱眙皆添置司戶以專出納况本軍止有郡僚二員乞照信陽軍等處體例添置司戶一員從本路運司或本軍選辟一次通舊所有之官不過三員亦未至於冗贅不惟平時出納責任可專亦使使緩急之際得以協濟實為邊方幸從之九年十二月十七日詔天水軍移就天水縣舊治置錄事叅軍一員令四川制置司選辟一次十一年五月二十日詔高郵軍判官改作京官簽判闕注已作縣任滿人仍專置軍事推官一員並堂差

一次日後令吏部使闕以都省言兩淮州軍並置通判  
員闕獨本軍只置判官一員其推官又以錄叅兼行慮  
恐乏事故有是命十二年八月四日臣僚言國家駐驛  
吳會置守之重畧倣開封雖官儀期復於舊京僚屬難  
同於往制但彈壓之所最為煩劇服案分曹僅與外州  
郡比甚非所以壯商邑之極隆漢輔之威也乞將簽判  
官公事節度推官觀察推官四闕改作堂除其簽書判  
官差曾經作縣有政績人任滿理通判資序餘推判官  
差注有舉主人任滿無遺闕比附作縣令列入幹官差  
遣有能顯著聲績並量材擢用仍須見闕始差下政以  
重其選其見在任人京官即與近闕屬官選人即與近

闕堂除一次已差下人赴部重行注授優給占射兩年如見任而情願就部亦同上項恩例庶幾幕屬得人從之十六年四月十五臣僚言銓部之法講若畫一州郡僚屬所資以協贊者幕職官若也今選人初任甫及一考或因罪罷未幾到選殘零有闕皆得注授若係宗子類以恩例徑注破格職官在部則有破格殘零之分在郡則均為幕職之寄彼既罰不傷其毫毛而反使超躡兼居官一考更事幾何重以罪斥寧有婉畫以裨郡政乎欲乞今後選人初官未及二考或以罪罷不許徑注破格及殘零職官從之

宋會要

物

淳熙十二年八月十三日吏部乞將要路見闕縣令陞  
差一次從之以吏部侍郎王聞言受路見闕縣令凡二  
十處亦有六七年無正官者其闕並依本路轉運司定  
差應格入少而格法阻礙乞令本路安撫轉運司公共  
選擇經任無贖私過犯人不以其他拘礙辟差一次陞  
有強正去處仍舊收歸運司差使聞故從其請 同日  
吏部乞將二廣見闕縣令陞差一次任滿與陞一年名  
次從之 以吏部侍郎王聞言二廣見闕縣令三十處  
有十餘年無正官者或係尚書左選與本選通差案闕  
或係本路轉運司定差案闕其間四方之三已承指揮

破格並未見有人指射及定差到人遠惡之地且無賞  
格縱有賞格處亦不過任滿得不依名次家便差遣而  
已其間唯宜州忻成昭州立山廣州石康邕州武緣宣  
化梅州程鄉南恩州陽春得循資成年及減舉主後束  
亦經朕削人孰肯就乞將上件見聞云云令本路經畧  
轉運司公共選擇經性無賊私遇過犯人不以其他拘  
礙聽從辟差一次如任滿無遺闕到部特與陞一年名  
次其有賞格處自依見行候有辟正去處依舊差遣收  
歸本部注擬及轉運司定差故從其請

廣元元年二月二十三日詔選人任郴州宜章縣令滿  
日該磨勘與減舉主一員 乾道四年三月二十三日

知潭州張孝祥以宜章深在溪峒木土愚弱人不顧就  
乞今後如係選人在任并壓別無盜賊生發即於合磨  
勘日特減舉主二員京官與轉一員認從其請解淳熙  
新格選人任滿上循一資至是本路帥司請復舊推賞  
故有是命淳熙二年十二月十一日臣僚言昨來臣僚有  
請令諸路監司帥守各於歲終以所部縣令實跡分為  
減否七等次春奏上比令一行致使作色之人不安分  
守不修職業事事經營權要書劄囑託常路希覲推薦  
以圖陞進非惟無補於考察且私意盛行是非紊亂他  
時難以取信况縣令能否自有監司帥臣舉次之法不  
必如是紛擾徒長奔競之風誠為未便乞將臣僚所請

已得指揮懷羅施行從之 三年二月二日詔四川今  
後不得違法抽差知縣縣令有敢抽差若經營求抽差  
尚重實典憲其抽差過月日並不理為在任諸司互相  
糾察有敢隱蔽御史臺覺察以聞併與坐罪所立為令  
甲 以臣僚言四蜀縣令和縣違法抽差甚衆列官未  
凡即謀他徙大抵非青旌子孫即高談之文士往往憚  
爾不肯肩就迫於令入仕為一束委而去之不遇行之  
佐官而已佐官既非本職豈肯竭 **力** 盡心上司違法抽  
差亦難以嚴詰噴青網運月解悉不能緝故州郡拖欠  
總所有至數十萬緡而本州官兵月給有拖欠累月者  
此則縣令扣差之所由歟也故有是命 四年四月二



十六日宰執進呈嚴州分水知縣王斌近遭論罷寄居  
王中實等率衆入縣衙欲毆擊之聞守三日 上曰如  
此則守臣亦可肆其無礼矣京鍾等奏此風不可長欲  
作訪聞行下懲治 上曰恐相做做不可不治 十二  
月四日知贛州彭演言贛之為州在江西之極南實與  
嶺南接壤龍南安遠二縣瘴癘之氣視嶺南池州縣殆  
甚焉乞將龍南安遠二縣縣令統鄰縣梅州程鄉及惠  
州河源縣例許以舉主二員改合八官仍許通用前任  
舉主及免職司或前任已有舉主三員亦並候三年終  
滿別無公私過犯許提刑及守臣照改官狀批入已贓  
甘當同罪体式連銜保奏亦與改官蓋前任舉主至於

三員以上即其人才必有可取而本任之內並無公私  
過犯其餘蒞官律已亦有足称又令憲司守臣通街責  
其深任則非出於一人之私意而其言亦不苟矣若京  
朝官以上任知縣者亦乞敕此優立賞格庶凡士夫欣  
慕而來務修職業以期永進詔如京朝官願就之人候  
三年任滿與轉一官更減二年磨勘嘉○嘉定三年十  
一月十七日詔天水軍置天水縣令一員令制置司於  
經有<sup>任</sup>才幹選人內奏辟先是四川制置大使安丙言天  
水軍元係秦州成紀縣疆理紹興初創為天水縣今改  
為軍徙治白環堡以就形勝去舊縣十餘里其舊縣治  
井邑如故欲隨宜措置存天水縣之名俾通判兼領却

故縣為治所專管民訟財賦以通判天水軍事兼知天  
水縣事入衙與理為通判仍三年為任其措置撫御顯  
有勞績之人任滿許諸司保明陳乞軍監差遣庶几有  
志事功之人不憚極邊展效才力其上件案牘仍乞專  
委制置安撫司於改官投告人內公共選擇其於是防  
實為利便檢正都司擬到照得所乞將已改天水縣為  
天水軍奏辟初改官人充通判天水軍兼知天水縣事  
自來無此條法難以施行今欲創置判官縣令各一員  
以天水軍軍事判官及知天水軍天水縣事入衙仍令  
制置司於經任有才幹選人內選擇兼辟故有是命五  
年八月十三日權發還靖州陳謙言靖州有三縣曰永

卷一百八十九

中曰會同曰通道永平員城之邑文武通差會同通道  
皆是外邑多注右選會同自慶元五年秉義郎石師鈞  
之後今已十餘年無人注授通道自嘉定元年成忠郎  
盧元吉之後今亦數年無人注授乞下吏部將此二關  
凡武舉出身曾經任人及任子曾試律義經任者皆許  
破格注授任滿之後將轉一官吏部勘當會同通道二  
關今來申請乞作破格差注止合差武舉出身經任監  
當資序有舉主二員年未六十人其任滿舊法得減三  
年磨勘今乞特轉一官竊恐太重欲任滿日與減四年  
磨勘將二關作破格差注從之 九月二十一日臣僚  
言自今以後凡有武臣消格合入兩淮縣令者依武舉

人外其餘並當同文臣任子一例銓試其在監中方許  
注授兩淮縣令必須先恩武尉一任庶几稍通文學粗  
諳民事不至為民病矣從之 七年二月四日荆湖南  
路安撫司奏郴州桂陽縣昨被州寇殘破先差丞節郎  
張志寧權縣令提管官軍在縣駐劄提督討捕後來捕  
獲賊首其張志寧解罷職事續同諸司辟差從政郎前  
衡州錄事參軍鄭必開充桂陽縣令葺理縣治招集流  
徙候任滿與減舉主三員內職司一員本官去替止有  
半年其下次人雖已差從政郎陳璠所是實格未準指  
定合其中值促早賜行下遵守詔郴州桂陽縣令任滿  
無盜賊疎虞與減二年磨勘選人循一資付吏部施行

四月八日浙東提刑兼知慶元府程章奏四明屬邑  
大率瀕海而昌國一縣去州尤遠凡與高麗接壤是以  
為邑令者多不奉法稅租或至於重科公吏恣行於播  
剋細民弊於羨糶往往陪輸而莫訴正緣縣令多是選  
人未嘗聞陞或無舉主或昏繆無能無所顧藉欲乞自  
改專注改官人庶凡知自愛重志心撫字使海島生齒  
各安田里無有愁歎詔令吏部今後專注改官人其  
見任入且令終滿已差下人令赴部另行注授  
四年四月二日臣濂言二廣氣候惡弱西廣尤甚今資格之  
合入縣令者必不肯深入瘴烟之地今欲使文臣之為  
令者不憚深入以惠吾民惟有減募員以示激勸耳試

以東廣言之。循州之長樂與寧新州之新興皆許用內  
紙常員若狀改官梅之程鄉只用一刺南恩之陽春滿  
若不用舉狀今率是文臣之選人注授往往皆能律已  
愛民以希改秩此已行之明驗也豈有行之廣東而廣  
西最僻絕之地獨不得按此為比乎此觀二廣守臣亦  
有以此為裕民五事之獻者融州守臣趙善洪乞以懷  
遠邑今比附陽春河源推賞柳州守臣鄭肅乞以馬平  
柳城洛容比附東廣諸邑推賞皆乞量與減員廣西諸  
邑今減舉員處頗多如象之武仙略之立山高之信宜  
雷之徐聞化之石城等邑皆毒務惠蒸民生宴憚戶口  
蕭疎不可不擇人任撫安之寄若推東廣減員之令以

示激勸於選人恩數不為泛濫而避方小民實均被不  
資之施乞令廣西諸司條具諸邑之最急弱久闕官去  
廉中上量與裁減養員以為作邑者之勸庶幾蘇弱海  
無告之民從之 七月四日臣僚言邑令之職最為近  
民古者即官出宰百里本朝仁厚尤所注意以至紹興  
之詔旨寺監丞簿改官未歷民事與堂除知縣就道之  
御筆非任縣令不許除監察御史凡此者皆責任之不  
輕故除用之亦異是時監司郡守仰識上心忤察邑令  
而無上下不相恤之政故任邑寄者得以行撫摩之志  
二十年来海內寔有不可為之縣未赴者有償債之憂  
已赴者有殫竭之嘆臣知其故矣敢畧陳之如零細繁



名或歲納苗米舊來就縣納者今乃取之於州如批支  
驛券或寄居祠奉舊來就州支者今乃移之於縣教文  
觸放之賦復令承認民戶逃闕之數不與豁除酒課無  
米趨之助令合那融起網無般脚之資令自措買積年  
邑欠前政已去而尚須帶納征亭商稅差官監收而又  
令補解官有修造而欲獻助郡有迎送而欲貼陪以至  
一邑之內有縣官吏胥之請給縣兵廩鋪之米糧乃科  
以不可催之錢界以未嘗有之米此皆強其所無者至  
如閩郡官屬諸司幕客每於職事皆有干涉年例饋遺  
但可增添囑託夫與惟當應副上官到縣排辦之數多  
者或至千餘緡差人下縣需索之費少者不下數十千

如此之類日甚一日當此之際強徵者無所用其力才智者無所施其巧不取於民將焉取之於是因訟事而科罰其初數十千旋至于數百千用歲額而豫借其初一二年旋至于五六年科取竹木多折價錢已輸稅租抑令重納推肌剥髓以苟目前朝暮漂漂但思脫去豈復于受人利物之事少留意哉乞命大憲選有風力人畀以諸賂漕寧使之精加体訪凡部內屬邑之不可為者究其不可為之因皆許邑令條陳利害後與守臣詳悉評議其逐縣財賦實可催者令照條限催理解發其他自撰窠名一切罷去使州縣通融有同一家庶凡邑令得以展布而民力得以少蘇從之

宋會要 縣官

諸縣事務要劇者以京朝官或武臣幕職領 以上國朝會要 舊會要  
分知縣及縣令為兩門今依神宗正德職官志併為一門兩朝國史志軍  
使兼知縣附令丞主簿尉令丞掌字氏治賦平決訟訴之事主簿為之佐  
尉掌盜賊傷殺令丞用京官或試銜幕職及三班使臣皆謂之知縣事又  
有軍使兼知縣者凡縣各置押司錄事錄事史佐史諸鄉置里正賦役州  
縣郭內舊置坊正主科稅開寶七年廢鄉分為管置戶長主納賦者長主  
盜賊詞訟諸鎮將副鎮都虞侯同掌警邏盜賊之事有典以主文案所由  
以役使皆無定數元豐改制其載職官志以上續國朝會要 太祖建隆  
四年六月詔曰河朔石地魏為大名分治劇邑當用能史近多曠敗之政  
昧昧撫綏之方致通吾民以失常賦思慎釐於縣務特選士於朝行斷自  
朕心以重其事其以大理正奚嶼知大名府監陶縣監察御史王祐知魏  
縣楊應夢知永濟縣屯田員外郎于繼微知臨清縣朝臣知縣自嶼等始  
真宗咸平四年五月詔自今三班使臣知縣不得以諸州衙吏及富民受  
職者充六月以兵部郎中史館修撰韓授秘書少監知河南府洛陽縣從  
所請也景德二年九月河北轉運使劉綜請令近臣連銜於幕職州縣官

內錄舉堪任京官知縣者各一員俾知天雄軍相州管内劇邑真宗曰河  
朔半字尤藉得人然處舉官或致稽滯當俟銓司引對常選人察其有績  
效無罪累者朕自擇之天禧元年十一月太常博士判三司度支勾院韓  
岳言江南州軍五千戶已上縣望差京朝官知縣從之二年正月詔應臣  
僚奏舉幕職州縣改授京朝官與西川知縣者如未有闕不得差權知縣  
且與監當差遣先是每授京朝官知西川大縣若未有闕即差權知近  
地縣邑伺候遠闕或三五月即便替往往以不終任考因循吏緣為姦  
兼送迎煩數重勞於民故有是詔四月殿中丞黃吉甫言京官使臣知大  
縣及萬戶縣令欲望不許差出除本州諸縣及隣縣公事即許更互就便  
勾當從之 乾興元年五月 仁宗已即位未改元詔諸路轉運使自今因  
事降充監當人不得差權知縣事時陝西轉運司差監酒稅著作佐郎饒  
爽權知華州蒲城縣故條約之 仁宗天聖元年正月開封府界提點諸  
縣鎮公事李識言畿內京朝官知縣自今請令大兩省及知開封府同罪  
保舉如滿三年無咎松過犯公事幹集特與陞陟差遣至於諸縣簿尉亦  
許清望官論薦若考績有闕等第量與擢用詔審官史部銓今後選差人  
元十二月十二日中書門下言近年諸處甚有大縣戶口極多公事不少

闕官旬當審官院少得京朝官差充知縣深為未便欲今後於引見識事  
官內揀選歷任中公過稍少者於中書引驗相度年甲精神取旨降勅令  
帶本官知大縣乃就多支與俸給從之 三年十月詔自今府界知縣有  
年滿者從府司預奏乞降勅下清望官於見任官朝官內保舉進士出身  
曾歷親民者充先是王稔等起請舉府界知縣至是遂改九月監察御史  
陝西路體量安撫王公等言乞自今因奏舉改轉京朝官並差知陝西災  
傷大縣候及成資方得依例四川陝西仍慮京官改轉者少縣分不治處多  
欲乞於本路幕職州縣官內體量選差官權充詔陝西轉運使體量轄下  
縣令知縣有不治處選具幕職州縣官權替勾當具姓名聞奏當議降勅  
指揮七年閏二月六日詔應河北河東廣南江邊幕職州縣官等改轉京  
朝官者今後並差充福建知縣八月知開封府王博文言府界扶溝中有  
東明縣各軍民公事繁多或地連黃陂路處衝要全藉心力官員言勾欲  
望令審官院自今不以先後到院資次於京朝官內選差有主及歷任中  
顯著勳績官員充知縣從之八年正月殿中侍御史張存言比部員外郎  
知開封縣劉汀知祥符縣李宗簡各緣門地遂剽掠曹曹之舉於中才猷  
底身於大邑乞自今開封兩縣知縣依舊差館職及立朝知名者充自餘

常流不在除授詔劉汀李宗簡候資督景佑元年三月二十三日臣僚  
上言乞今後知州赴任諸縣令佐吏不得離縣入呈牌印從之閏六月七  
日審官院言在院祇候知縣京朝官不少欲乞今後有愿乞監當差遣遣  
者勘會近遠差注與當親氏一次從之慶曆七年二月二十二日詔陳

留等九縣屯兵縣分知縣今後差朝臣候年滿得替如在任理斷軍民公  
事別無曠數如合入遠特與之地不合入遠特先次差遣六月詔天下知

縣非鞠獄毋得差出八年五月詔諸道非鞠獄而差知縣縣令出者以違  
制論其被差官據在外日月仍不得理為考時權三司使葉清臣自永興

召還言所部知縣有訟牒他州而經數時不歸者恐假領之官不能盡心  
職事故條約之皇祐二年二月詔碑州歸信容城知縣自今罷差京朝

官其令本路轉運司舉武臣有才勇及曉兩地民情者為之三年三月詔  
天下知縣縣令若差拒勅刑獄及應副軍期或權繁劇縣須具奏聞其閑

慢處缺差及差而不奏者以違制故失論被差之官亦行責罰差出日月  
仍不理為資考五年十二月蘇州路轉運使言請升南州為懷化軍并三

溪入南川縣以朝臣為軍使兼知南川縣置主簿尉各一員從之至和  
元年十一月詔湖南鄧溪洞諸縣其令本路安撫轉運司舉官為知縣歲

滿京朝官免入遠選人與免選以上國朝會要 縣令試銜知縣太祖乾  
德二年正月詔曰張官置吏所以為人吏或不循人將受弊故於近歲增  
降明文如聞比來多有踰越奉吾詔以不謹致斯民之未康宜示申明俾  
令遵守應諸縣令無事不得下鄉一准建隆四年五月詔書從事仍自今  
令錄簿尉並委本判官錄事叅軍等常切覺察如有不周公事輒下鄉村  
及追領人戶節級衙泰並宜刻罪以聞先是建隆中有詔約束令尉立為  
條制故詔及之 太宗太平興國六年正月六日詔令長之任所以字民  
百里之裁判自專一邑之條舒攸係朕深惟致理用洽小康而所司掄材  
未能稱職況今封疆混一縣邑動皆缺員歷年未補銓衡則拘常調而不  
擬州郡則緣下吏以為姦朕思其所長用立新制與其限於資級不若校  
以行能俾下位以求求令長吏而保舉且用試可以觀其材儻及報政之  
期自有涉明之典宜今諸路轉運司州郡長吏於見任判司有清廉明幹  
者奏舉當傳召赴闕引對授以知縣扶滿差其殿最以定陟陞 雍熙三  
年四月詔常選人授知縣令錄者便以地望為資叙有犯亦同正官之法  
淳化元年十月詔知縣令錄人未有試銜並與試校書郎五年五月詔  
曰令長之任風化所出故有不下堂而一境治兩換縣而善政行所宜躬

親字人不可嬰以佗務應天下縣令自今轉運司及本州並不得輒令按  
獄刑獄監堯倉庫等事俾專厥職真宗咸平二年詔吏部銓凡註令仇  
一縣之內不得全用流外出身人仁宗天聖二年正月詔諸州路軍自  
今常留縣令管勾簿書催督稅賦及理婚田詞訟不得差出勾當小可公  
事及於縣鎮道店場務比較課利其令仇年滿雖准銓牒放罷若一縣全  
然闕人未得出給解由須本縣不至闕人即許離任時諸州軍累言屬縣  
令佐因年滿放罷及轉運司差往他處比較課利有一縣全闕官者故條  
約之七年十月二十一日詔諸路轉運副使及知縣州府軍監朝臣武臣  
崇班以上舉部內見任判司簿尉有出身三考無出身四考以上廉勤幹  
濟無賊私罪堪充縣令者除轉運使副不拘人數餘各一員仍須同罪如  
未有人亦許察訪候有以聞即不得舉親屬及得替常泰官有兩人奏舉  
者送銓司候縣令闕就移如在任無賊罪有公私罪情理稍輕及能區決  
刑獄無枉濫催理稅賦不追擾本州府軍監具實以聞得替泰選日與職  
事官再令知縣如有依前顯效得替引見特與京官仍逐任替迴免選或  
不應得此詔即候該泰選日且與知縣縣令其日前令錄並依資序注擬  
判司簿尉內無人舉者如資考合入令錄人材書判稍堪精神不昏昧無



賊罪者並依例注擬內前任令錄并初入人犯曾犯賊罪及私罪至徒者  
銓司相度與注小處令錄如精神昏昧勾當稍難者取旨其已係及初入  
令錄人內雖無人奉舉而歷任無賊私公罪三度以下情理稍輕及有勞  
績者銓司相度人材書判堪預掄選者引見取旨已是令錄七考已上與  
職官知縣不及七考與大縣令初入令錄者且依制與縣令將未升陟當  
議依奏舉人例內常選人引見日特有恩旨者自依常例 景祐五年二  
月六日中書門下言諸處奉舉縣令人數頗多合入闕少先降有出身三  
考無出身四考舉令條貫之不施行從之十一月二日流內銓言舉縣令  
乞今後依前詔舉主人數外其間須得一員見任轉運或提點刑獄及知  
州軍監官方許施行詔今後所舉縣令須舉本部內官仍於合入遠近路  
分就移餘從之 康定元年十二月詔諸路轉運副使提點刑獄及知州  
府軍監朝臣武臣今後舉縣令具舉主兩員內但一員現任本部一員見  
任別路州軍許令保舉狀逐旋送銓置簿舉主數足依奏舉人例申中書  
候降下仰就近移注二年三月河北體量安撫使賈昌朝言流內銓條貫  
諸處所舉縣令只差擬十五千及十二千俸錢去處銓司見有十千縣令  
員闕甚衆豈可以縣戶稍少不擇宰字之官況今諸處差點到強壯人等

逐年進退丁口均量差役須在得人則民不受弊乞今後所舉縣令如移  
 十十俸錢處權與二十如差常選人即自依舊數從之六月七日中書  
 門下言自來舉縣令人訪問流內銓只是移住過滿見闕僻小縣分欲令  
 今後許指定縣分奏舉從之十五日詔舉縣令之法本欲試其治能而流  
 內銓選注過滿見闕僻小之處今所部指定煩劇或久不治縣奏舉之四  
 年十二月二十二日詔吏部流內銓進納綬官人舉縣令者須及五考有  
 所部升朝官三人同罪奏舉方聽施行七年六月詔天下縣令非鞠獄毋  
 得差出皇祐二年六月詔舉官為縣令自今河北陝西轉運使副歲各  
 舉十二人提點刑獄各六人河東京東西淮南轉運使副各十人提點刑  
 獄各五人兩浙江南東西福建荆湖南北廣南東西益梓利轉運使副各  
 八人提點刑獄各四人夔州路轉運使四人提點刑獄三人江淮發運制  
 置使副各六人府界提點各三人知開封府并諸州府軍監各一人仍止  
 得舉所部官初同提點京西刑獄張易治替併舉十六人為縣令仁宗謂  
 輔臣曰縣令與民最近故朕設保舉之法今易所舉猥多豈無干請之人  
 故今歲定之三年三月詔天下縣令推勘刑獄應副軍期權知繁劇縣方  
 許差仍須以聞事具知縣至和二年八月詔吏部流內銓臣僚陳乞子孫

當得試銜知縣者自今並與注權初等幕職官以初官不欲臨治縣事也  
以上國朝會要哲宗正史職官志縣吏掌總治民政勸課農桑平決訟獄  
有德澤禁令則宣布于治境凡戶口賦役錢穀賑給之事皆掌之以時造  
戶版及催理二稅有水旱則受災傷之訴以分數蠲免民以水旱流亡則  
撫存安集之無使失業有孝悌及行義聞于鄉閭者具事實申於州激勸  
以勵風俗若京朝幕官則為知縣事有戍兵則兼兵馬都監或監押丞掌  
二令之職主簿尉佐理縣務而主簿專掌稽考簿書尉長追捕盜賊及檢  
覆之事小縣不置丞或以主簿兼縣尉之職治平四年八月神宗即位  
未改元詔今後不許臣僚乞骨肉本處知縣差遣以殿中侍御史裏行張  
唐英太子太師致仕張昇子增知許州陽翟縣昇舊家本縣半是親舊雖  
使凡事盡公人以為疑有旨令今任成資與替却許就本處監當以便親  
養因有是詔十一月一日詔今後京朝官知縣被移者如所移處闕限未  
滿見任替人未到並令且依舊管勾未得離任十三日詔考課之法所以  
練羣臣而覈名實也逐路監司與夫郡守之政既已科別其條具為令矣  
至於縣令之職與民尤近而未嘗立法恐非以愛育元元之道宜令天下  
州軍各具所轄縣令治狀優劣以聞以副吾陟罰之意其條約令考課院

詳定以聞 神宗熙寧元年十月二十五日詔開封祥符二縣令開封府  
舉有出身經一任三考無贓私罪公罪徒以上曾有舉主三人者充從權  
知開封府呂公著之請也三年正月二十六日詔今後開封府祥符知縣  
亦許選無出身人及通判資序人權差十一月二十七日以鄆州司法叅  
軍楊琪為丹州軍事推官知鄆州直隸縣今後更不差使臣從宣撫使韓  
絳之請也四年二月五日詔江南東西荆湖北四路知縣人自今連併  
兩次作硬闕收使者今審官東院勘會闕報本路許依七路條貫指定就  
差或見任官滿無人願就即本院依例硬差七日詔諸路知縣闕候正入  
人不就又無人差移見闕及半月外過滿闕二十日外八路見闕過尚及  
差移五日外八路委闕無人指射及差移一月外並許親民監當無贓罪  
及公罪徒私罪情理重者權指射差注與知縣請受候在院監當人數少  
即別取旨二十三日詔利州路轉運司利州三泉知縣自今且從本司舉  
官 元豐元年閏正月二十九日詔鄆州長壽知縣范規與堂除差遣以  
縣水災而率民護城有勞也四月二十三日詔定州望都縣自今罷武臣  
知縣差京朝官十月二十五日詔開封府界諸縣知縣自今差合入親民  
京朝官三年五月二日御史范鎰言知開封府祥符縣唐穀瘡病職事廢

弛詔今提舉司體量六月九日上封者言乞情擇守令上謂輔臣曰朝廷惟一好惡定國是守令雖衆沙汰數年自當得人也詳見判知諸州府

軍監門九月十五日詔陝西河東次邊近襄州縣比自興兵之初守令能

於兵夫未還之間警察盜賊特為稀少鎮撫部民各復安居當議旌褒顯

擢職任詳見判知諸州府軍監門五年正月十七日詔開封府界提點司

聞知管城縣陸宣職事不修體量事實以開初提點司不按舉承詔即言

宣闇慢造疎事多逋滯糾撻稽違事數條以應詔上批陸宣先衝替仍劾

罪二月二日上曰刺史縣令治民為最近今之藩郡不過數十往往多不

得人則縣令可知也自今更宜精擇詳見知府州軍監門六年三月二十

三日開封府界提點司言陽武縣尉權知縣張繹昨黃河漲水注縣凡七處

水決繹身先勞苦率衆用命救護縣城公私以濟亡不依常制權知本縣

吏部言張繹以奏舉縣令見待開封府界知縣法不許借注詔繹特改

合入官知陽武縣四月一日詔前知鄧州南陽縣曾阜知穰縣陳知純並

勒留在本縣同見任官催納積欠以提舉司言阜任內欠坊場河渡錢五

萬緡常平錢八百十知純任內欠坊場錢四萬緡常平九百十也六月八

日淮南轉運提點刑獄司言知濠州定遠縣賈崇以體量愚暗不曉事差

替自體量後親捕獲強竊盜四夥乞許令滿任除落差替從之閏六月十九日權發遣提點開封府界諸縣鎮范岫上殿言知雍邱縣向宗慤違法劾奏上曰已逐之矣諸縣可攝者何人岫言奉議郎知考城縣孫載簿索嚴整稅課解集通直郎知咸平縣朱勛未滿任而去民至今思之上曰朱勛嘗有薦廣西幹當者岫言趙高征安南嘗奏勛隨行上曰違慢者既斥逐有善狀者復收擢則官吏自然戒勸詔孫載朱勛中書省記姓名七年六月二十一日廣南西路轉運司言民方通鹽稅錢和糴米其縣令佐雖得正官交替乞並住給請受勅令催理候足日放罷從之納外欠不滿五分即放罷哲宗元祐元年十月二十九日戶部言欲乞巡檢知縣兼鹽倉場賞罰並依正監官法從之十一月二十二日吏部言准勅尚書侍郎內外學士制兩員臺官左右司郎官諸路監司各舉公明廉幹材堪治劇仍係合入知縣或縣令一員令吏部不依名次差充重法地分知縣縣令秋差賊盜多有萬戶以上縣仕滿委監司保明治狀作三等陞賞有任滿酬獎者聽從之任令吏部考較等第以聞令詳立到考較等第其舊有任滿酬獎者聽從之三年十一月四日三省言在京堂除差遣果有增改而吏部缺少官多今裁定開封府祥符咸平尉氏陳留襄邑雍丘知縣

並中書省差大康東廣明考城長垣知縣並吏部差俸錢依在京分數從之五年十月十六日三省言通遠軍乞申乞添置倚郭一縣以隴西為名差選人充尉兼令簿從之 紹聖三年八月十三日詔開封祥符知縣今後差通判以上資序人四年九月十一日新知揚州程嗣恭言乞今後吏部差注縣令過有以資考入而無主簿處不許流外人充尉詔都司立法徽宗崇寧二年四月十九日都省言八路知縣等閑雖依條係八路轉運司使闕差人緣今未前項置官去處並係創添欲並令吏部依條差官如一季無人願就下八路差注從之四年八月十九日前權提舉永興軍等路常平等事王穀言乞申明禁約應陝西諸縣知令除奉朝旨或妻係軍期急切外不得以應副軍期為名妄有差出者以違制論從之 政和元年四月十二日梓州路提舉學事鄭宗言欲乞今後鄰州提境人不得注鄰縣令佐吏部勘會注擬官員差遣依條本貫開封府不注本縣諸州不注本州即河南京北府鄆蘇州有產業者雖非本貫亦不注親民今臣僚所請令佐不得注鄰縣令看詳令佐事權不同欲于上條內不注本州字下添入縣令不注鄰縣六字從之二年四月三日詔縣令於境內親詣田疇勸諭勤惰以為力田之倡述職承宣虔奉明詔即出鄉就見文老播

告國家務農重穀惻怛愛民之意以十二事勸課農桑宜各遵行上副朝廷之意一曰敦本業謂農桑為衣食之本工作之類乃是治未雖獲厚利而無本源故於本業切宜敬尚二曰興地利謂曠地有可以墾闢者積水有可以疏決者皆宜耕種庶使地無遺利三曰戒游手謂羣飲聚博放廢走犬游墮之事皆廢農桑為人父兄理當戒謹為人子弟尤宜遵稟四曰謹時候謂農時一違諸事廢敗尤在所謹故耕以時則土膏種以時則苗秀斂以時則無禽獸之耗無盜賊之侵無霖雨之壞五曰誠苟簡謂耕欲熟芸欲足則田土膏腴禾稼茂實蓋農事最為勞苦人易怠惰多致苟簡尤宜戒勉六曰厚蓄積謂財不妄用穀不妄賣穀有餘則農事實用有備七曰備水旱謂修固池塘以資灌溉開溝導洫以泄淫雨則旱澇無患八曰戒宰牛謂牛為耕稼之本當務孳生況其功力最大尤不當殺九曰置農器謂農家器用缺一不可與其廢用修飾車服不若以財廣置農器十曰廣栽植謂麻麥粟豆果瓜蔬菜凡可以為養生之資者廣務栽種則自然農足十有一曰恤佃戶謂佃客多是貧民方在耕時主家有催舊債不已及秋收時以其租課充折債負乃復索租愈見困窮不辭離即逃走宜加以寬恤十有二曰無妄訟謂非理興訟致被追呼在官對定必費時日



以妨廢農桑甚為無益五月九日臣僚上言願特詔諸路監司告戒所部令丞掾於催科之前舉行法令究所以便民之方毋失期會使民艱於輸納毋繁文移督責以滋吏姦其有輸入以時民安而賦足於課最號為不擾者歲特取一二尤者以聞少加褒擢以示旌勸若擾民長姦歲額虧闕尤無狀者即劾奏于朝議加典刑詔依所奏仰尚書省委戶部限五日檢詳前後條令立為約束疾速徧行歲終具陞黜官以聞十一月十一日權發遣河北路轉運副使侯臨言乞繁難縣令闕官及六年以上如有人願授者候任滿無公私過犯令本州及轉運司保明京朝官與轉一官選人與減舉主二人改官詔依永務郎以上與減二年磨勘選人比類施行從之三年三月十七日臣僚上言訪聞士大夫之間皆輕縣令之選蓋太平盛時人皆重內而輕外又縣令之任為最繁重催科勸率民訟刑禁凡朝廷所行之政多在焉前日吏部兩選知縣窠闕久不注授者甚多以人皆輕之不顧就故也願察縣令勢輕之弊議所以增重激勵之法使人皆悅慕各思效職詔令尚書省措置六月十一日新提舉利州路常平事盧知原言乞抄令非緣學事及訟還不拘常制并部領本縣夫役外餘雜拘拘常制並不得差出從之四年三月二十八日尚書省言勘會萬戶以上

知縣昨於崇寧三年六月十一日降朝旨講議司措置並差承務郎以上至大觀四年七月內衝改詔並依崇寧三年六月十一日已得指揮施行其見任已差人許終滿今任七年正月二十八日左司員外郎陳楊庭言應諸路知縣有闕及一年以上者令吏部措置差注廢治縣得人政事悉舉從之六月二十八日詔訪聞虔吉州管一十二縣見闕正官權官苟祿不切任事民受其弊仰轉運司限一月依格選那合人資任人差填訖奏九月二十三日新知宋州宋昭年言比年以來士多求俸免故諸路縣令例直差注然考課固有成法而有司徒為具文漫不加意臣謂宜因遣使採民謠察政事其治行尤異者不次陞擢去其不任事者以為勸沮詔令尚書省檢詳條令立法取旨施行八年十月十六日尚書省言河南府永安軍使兼知縣事自來吏部使闕差人緣應奉陵寢全藉有風力才幹人管勾即與其他軍使不同詔今後朝廷使闕選差人宣和二年十二月廿三日中書省尚書省言增修到諸繁難縣令闕本路無官可考若轉運提點刑獄司於罷任待闕官內選年未六十曾歷縣令無私罪疾病及見非停替人權不得差在本貫及有產業并見寄居者舊曾寄居處上條合入政和職制令衝改本條不行從之三年十月十二日詔濱州招安深州

東鹿縣令佐許河北轉運副使呂順浩踏逐有心力人奏差一次內京朝  
 官替見任人或資調選人替年滿闕先是委順浩拘催州州縣學事司田  
 土租賦順浩言兩縣田土空閑無人承佃在縣令佐協力幹辦故從其請  
 也四年正月二十八日提舉利州路常平劉鑑言切見僻遠縣令多缺正  
 官類皆權攝苟且歲月豐已營私視公宇如傳舍奚暇究心職事勤恤民  
 隱乞二廣縣令見闕處盡行差注從之五年十二月五日利州路轉運判  
 官王敏文等奏縣令之職全要風力強勁不可以昏老任之近蒙吏部差  
 注六十以上之人伏望處分雖破格不以拘礙唯縣令乞差年六十以下  
 之人從之六年十月二十三日臣僚上言川峽四路差官之法令佐不得  
 並差川峽路人內地人多不願就故本路監司不免差官權攝所差官多  
 是川人有至三五年不替者其與破格差注名異實同欲乞應川峽四路  
 令佐內無應入人而限滿無本色人就者許通注鄰路人庶使注授稍廣  
 各得正官民不受弊詔可依所奏尚書省立法施行十一月十九日詔今  
 後監司審擇縣令並同共審擇委有治績連街保奏每路不得過三人召  
 赴都堂審察錄用如人材卓異可備除擢取旨引對七年三月二十七日  
 臣僚上言伏見川路縣令多是川人往往去鄉近便故舊干託旦暮不絕

伏望川路縣令不許差注川人庶幾有以杜絕干託騷擾之弊從之十一月二十一日臣僚上言竊見福建諸州軍管下諸縣逐時非遇知州到任內欲入州營私干謁即以稟公事為名將帶公吏入州往來動經數日委是有妨理民急務緣公事有疑依令只合申州與決即無專計知縣入州稟覆之文欲望下有司立法禁止施行詔依所奏立法餘路依此 欽宗靖康元年四月十八日知太康縣康國材知扶溝縣惠厚下知東明縣宋歲能率眾守禦與改合入官五月十八日詔畿內縣知縣並替成資闕六月二十九日利州路轉運判官張上行言本路定差官員並遵守熙寧法至宣和七年始有不許差本路人為縣令之制緣川州去鄉遠近不同且如本縣洋州人指射劍州梓潼縣令則去鄉一十七程以本路人不該定差若成都府路綿州人指射去鄉兩程却係別路人合差况祖宗八路差官法令佐不得并差川人續降旨令它不得差本貫鄰縣人關防已備即依祖宗八路差官法七月六日詔三省申明舊制今後不以堂除吏部人凡初改官未曾實歷知縣者不許別除差遣以上續國朝會要 高宗建炎元年七月十四日江面東西路經制使翁忞國言准朝旨增置弓手小縣二百人大縣三百人知縣兼領不知如何繫銜舊法兼兵知縣有添給

食錢詔知縣兼管不須帶入街月給食錢三貫候創置縣尉到日罷二年七月二十四日知常州周杞言防秋之時沿江令佐乞不許帥臣監司差出雖朝廷除授差遣並許本州占留候來年二月以後方得離任詔依創制與帥臣監司紹興元年正月十四日詔今後京朝官知縣闕次並令三省選擇差除仍內外侍從官各舉堪充縣令京朝官二員中書門下省指記姓名以次除授候有善政任滿陞擢差遣或犯職罪連坐舉官依條舉法二月八日詔應知縣縣令今後不以其是何官司並不得差出雖專畫到許差見任官指揮亦不許一例指差仰守臣檢察如或違戾按劾以聞被差及差之者以違制論二年十一月十三日詔今後知縣闕官處只委本州日下差本州屬邑丞簿權外巡尉場務闕下依舊法三年十月十三日臣僚言乞自今令伏官非出入假故應通簽而獨行者官司不得被受仍乞申嚴典憲重行熱責監司守二按行覺舉詔坐條甲嚴行下今後如遇差出或在假等事故並于階街下分明批鑒五年閏二月二十一日詔自今見任縣令未經交割離任以前並不許執從諸軍辟置及不得兼帶軍中幹辦職事專委監司常切覺察如敢隱蔽重寘以法六年三月二十七日詔諸縣非有公事拘留平民或受訟輸納多端乞取及多收米麥剗耗

造酒聚飲等令諸路帥臣監司按劾以聞六月七日詔帥守監司今後縣令庸懦不才者依法對移贓污不法者依法按刻自餘並遵詔令不得橫肆凌逼從右司諫王楙請也八月十七日詔四川知縣有不可倚杖之人令安撫使置大使司依已降指揮先次對移聞奏十二月二十四日詔令諸路監司今後分上下半年開具所部知縣有無善政顯著及謬懦不職之人申尚書省七年二月九日詔將寺監丞簿等任滿已改官人未歷民事者各與選擇堂除知縣一次十五日詔應堂除知縣並借緋章服供給依簽判例支給任滿赴都堂審察如治狀有稱即與陞擢差遣內監司列爲治狀顯著者當不次除擢九年七月六日詔吏部日後縣令差文臣以臣寮奏建炎以來始注武臣爲害甚衆故也十四年四月七日臣寮上言縣令之職比年類多偷墮每畏事繁無辭以卻遂於詞狀前預令人吏朱批有無少欠官物一有少欠則非特不爲受理又且從而監繫非理阻抑緣此一邑之內豪戶日益恣橫而寬抑之民日益困迫欲乞今後如有似此違犯之人許令入戶越訴仍委監司覺察按刻從之九月十六日軍器監趙子厚言乞詔諸郡守臣任滿朝見進對日各舉所部縣令一員命有司覈實親加獎擢上上曰斯論甚善如所舉稱職特與推賞其或不當則

坐以繆舉之罰十六年三月二十二日詔龍州清川知縣依舊差置武臣  
從本路諸司請也十七年十月十三日右正言坐假言近年州縣間上下  
苟且凡命令之下視爲具文欲望申敕州縣將前後所降指揮編次成冊  
置之廳事守令常切遵依如少有違戾即仰監司覺察按劾從之十八年  
六月十三日上諭輔臣曰近布衣上書多言縣令非理科率朝廷自和議  
以來未嘗有取於民可申嚴監司郡守常切覺察或有違戾即須按劾十  
四日宰執進呈檢坐前後約束縣令指揮以令監司郡守常切覺察上曰  
自今有作事過當或年老昏謬可並與官觀差遣庶幾不爲民害十九年  
三月十六日宰執進呈前知復劉州時奏湖北縣令有久無正官者差本  
州見任及寄居待闕官時暫權攝臣恐事曠闕吏緣爲姦民受其弊伏望  
應湖北縣令闕正官去處路之曲庇無功過之書彼此相蒙畧無忌憚詔  
申嚴行下應對具事實申尚書省二十六年八月二日詔初改官及應理  
知縣資序人雖有兩任如用縣丞作實歷親民者即依舊法須滿六年替  
罷方許依條開陞其選人任縣令候滿任無過犯與占射差遣一次十月  
二十八日吏部言欲依臣寮所請將治縣善最并七條之目刊印成冊凡  
縣令授記即給付一本并將逐項治民條法鑄板遍下諸路州軍及監司

等處行下所部縣分正廳令大字書寫板榜常切遵奉毋致違戾從之二十七年七月五日詔縣令之職最為近民累降指揮治狀顯著之人令監司郡守保舉陞擢如貪污不職即行按劾尚慮未能悉意奉行循習觀望或挾清徇私舉刺失實可令學士院降詔嚴行戒飭二十八年五月二十日詔昭州立山縣知縣破格差注縣令資序人任滿許依恭城平樂昭平縣大觀專法北人循一資仍不依名次家便差遣廣南人循一資酬賞若有考第舉主合該磨勘之人依法減舉主一員外更與減一員仍許破格差注令錄資序人內京朝官破格差注人許依正格任滿推賞如同日却有本等人願就即先差本等人從本路漕司請也六月八日詔沿邊溪洞知縣有係武臣去處自今降指揮到部日遇有小使臣指射此等知縣窠闕並依格注經任親民人比附處轄馬遞鋪專注識字人指許諸司及本州不以有無拘礙選辟能吏上曰可令吏部具已差下未赴之人催促之任未差去處疾速出闕如無人願就即下所屬辟差其尤係辟闕令速行奏辟六月二十三日上諭輔臣曰知縣員多朝廷難以一一差選有過亦難盡察須責之監司郡守如治狀可嘉即與轉官再任或陞擢差遣庶可激勵二十年十月十六日詔諸守令遇勸農不得用妓樂迎送及宴會賓



客如違徒一年著為令二十四年七月十二日奉執進呈郡守縣令能布  
宣德澤實惠及民有政績者令監司守倅保奏陞擢上曰或違官或陞差  
遣庶有激勸如失不保奏令御史臺彈劾遂降旨行下十二月十七日司  
封員外郎王葆言郡守縣令民之師帥而縣令則於民為尤親者也近年  
以米監司郡守多緣好惡之私以更易縣令在法命官犯罪雖有實狀亦  
須具奏方許對移今或謂有贓污不法而對移者初未究見罪迹有不俟  
奏稟而行者在法縣有繁減難易監司察令之能否隨宜對換亦必具奏  
聽旨今或謂疲懦不才而兩易者所易之官未必循良亦有反為民害者  
遇有闕令去處多差寄居待次之人夫寄居待次區區馳騁以丐攝官必  
無體國裕民之心至有竭倉庫以示私恩縱貪竊以滋己欲一邑之間公  
私因弊物論不容方為去計逮其去也特當揮令當官試書劄百字以上  
方許依格法差注其四川二廣定差辟差沿邊溪洞知縣窠闕依此施行  
七月十四日左正言何溥言乞詔大臣擇天下大縣收其闕以為堂除公  
選博采風績顯著之人以居其職假之服色優以廩給俟其滿秩特與甄  
陞藉記姓名以待他日之用本部看詳今米臣僚所請擇天下大縣收其  
闕以為堂除若將上件闕盡歸朝廷則慮本部有員多闕少之患欲依祖

宗故事過朝廷有選知縣乞下本部點取關次供申取旨差除理作堂除  
仍依臣寮所請與借服色支破發判供給候任滿如治狀顯著即與陞擢  
差遣從之二十九年四月二十八日詔右迪功郎許狀差充均州鄭鄉知  
縣以本路監司言杖久諸京西人情乞不拘常制破格差注故也三十年  
二月五日詔今後知縣係陞朝官即帶兵馬都監若宣教郎以下即帶兵  
馬監押從荆湖北路通判王超也十二月十一日奉執進呈因知縣以儒  
儒不職事上曰知縣若非賊私恠酷自當依祖宗朝兩易其任不理遺闕  
茲為良法豈可不遵奉陳康伯奏曰不惟不成法兼紹興勅令所載亦同  
以上中興會要 紹興三十二年七月八日孝宗已即位未改元詔兩淮  
知縣除立定賞條外候任滿無過從本路監司保明與減舉主一員八月  
十三日知元州秦杲言廬陽黔陽麻陽三縣各接僭僭生界及接廣南係  
水土惡弱瘴煙之地雖令任滿循兩資今乞比照本州幕職官與改合入  
官或止依判司任滿該磨勘與減舉主二員吏部勘當欲將三縣縣令依  
見行賞格推賞如任滿得替應磨勘改官人任內不曾透漏變賊五人以  
上入界即與依本州判司減舉主二人不願減主者聽與循資從之 孝  
宗隆興元年三月二十三日吏部言劄子乞令州郡長吏舉行對移知縣

不理遺闕指揮將一州內在任官察可為縣者使之作縣令看詳欲將諸州縣分繁簡難易令本州長吏察其能否隨宜對換各取願狀具奏聽旨有不堪為縣者亦乞依此各不理遺闕仍並申監司照會如對換不實輒徇私意仰監司將長吏按劾從之二年十月五日廣南西路經畧安撫都鈐轄提刑轉運司言乞將化州吳川縣西鄉創置石城縣減吳川縣丞員闕充縣令并增置簿尉一員選差小使臣及校尉年未五十人充縣令注令錄以上經任人吳縣縣舊係京官知縣今欲改差選人縣令吏部勘當吳川縣闕欲先差京官以上如無正格及破格合入京官即許通差選人餘依逐司所陳從之十二月二十日詔吏部縣令案闕無應格人願就依已卽次申降指揮許破格差注一次乾道元年三月二十二日詔京官以上任知縣權以二年為任二年三月二十四日宰執進呈御筆今後非兩任縣令不得除監察御史宰執洪适奏察官陛下親擢如必要冒經兩任縣令人恐應格上者少問其故對曰有出身人法許差教官故不歷縣令欲令有出身初改官人曾任縣令方許授教官不曾任縣令並令先注知縣上曰極是庶幾有出身人皆知民間利害他日差除不至乏人也迺奏曰合更下吏部看詳從之二十五日上謂宰執曰兩任縣令方得為察

官果可行否洪适奏曰非不可行但報於應選縱有之恐其才未公可用上曰若改兩字為曹字亦可然號令重於更易此法既不可破數年之後不患無人也四月十六日吏刑部言看詳自今後非兩任縣令不得除監察御史非曾任守臣不得除郎官乞著入條令下吏部照會施行從之二十七日尚書吏部侍郎權吏部尚書陳之茂等言伏準御筆降下堂除理實歷親民知縣等事今議定下項一除職事官以上係朝廷選用人材外今後除六院官須要曾經實歷知縣一任方得除授一今後教官及在京監當主管尚書六部架閣文字等闕如係京朝官以上任上件差遣亦須實歷知縣一任方許閑陞通判或兩任內曾經作縣一任雖授別差遣並與授理為兩任閑陞通判官觀獄廟承務郎以上閑陞知縣及宗室換授理親民准此仍自今降指揮日為始並從之八月十六日尚書吏部侍郎權吏部尚書陳之茂等言集議指揮內知縣除選人外其京朝官並以二年為任立為永法今四川轉運司檢坐令諸知縣人川廣並三十箇月為任本部未敢依本司專法亦未敢依集議指揮詔令吏部遵依四川專法施行九月十三日四川安撫制置使司言嘉州峨眉犍為兩縣今後許令本路都鈐轄司同提刑司選辟諸練事合入資序人充逐縣知縣吏部

勘當嘉州峨眉健為知縣雖是本路轉運司定差窠闕緣並係邊縣欲許  
令本路諸司選辟從之二十二中書門下省言勘會累降指揮令監司  
守臣保明知縣縣令治狀顯著具姓名聞奏未見有一申到詔令諸路監  
司於部內各舉三兩人不許連街守臣於屬邑各舉一二人具姓名保明  
申令中書門下省稽記取旨甄擢如無聽闕十月十日試吏部尚書陳後  
卿言勘會近准御筆集議指揮改官人理知縣資序兩任內一任實歷知  
縣方得開陞通判內有改官後曾歷兩任內雖不歷知縣却曾任知州軍  
并監司差遣無得知州軍監司比之州縣責任尤重理宜泰酌本部未敢  
擅便施行詔曾任監司郡守人依實歷知縣開陞從之三年六月二十五  
日臣寮言知縣縣令若從銓部差注恐不得人欲乞擇繁難處並令堂除  
稍重其選詔令吏部看詳今看詳應繁難處雖係部闕乞令堂除非繁難  
處雖係堂除闕却乞歸部從之八月八日詔令四川逐路帥臣監司審實  
繁難縣分保明申尚書省如本路自今應有見闕知縣令公共辟差經任  
無過犯人一次申朝廷給降付身從臣寮之請也九月二十四日權尚書  
吏部侍郎薛良朋言本部近承指揮凡注擬知縣縣令令赴都堂審察其  
不才及老病者別注差遣或官缺朝本部遵守外有在外指射并移注及

四川二廣定差奏辟人欲依舊法令本處知通精加銓量保明申部從之十一月十九日詔今後京朝官知縣依舊法以三年為任從知瓊州李襄之請也四年二月八日吏部言勘會四川因事到闕官甚衆本部節次陞降指揮剋刷四川知縣闕依格法借注甚為通流繼而銜改謂與四川運司定差窒礙今來別無見榜不該又不訴借注則川士遠來無合入差遣今欲借四川轉運司三年以上合入窠闕榜令注授責可發歸四川又於定差亦不相妨從之二月二十二日荆湖南路安撫使張孝祥言臨武宜章深在溪洞水土急飭人不願去欲乞今後如係選人在任彈壓別無盜賊即於合磨勘特減舉主二員京官轉一官庶有所勸從之八月八日成都府路轉運司言本路一李所出知縣闕次不下三四十處京官就集不踰五七員各指射本等窠闕破格輒無就者乞將本路京朝官知縣見闕及過滿如已經兩季收使無本等人就許依紹興二十三年十月破格注酬獎改官知縣資序未經任入次第二任監當有舉主人次通注選人仍依差注縣令條格通注奏舉職官及職官知縣縣令并常調職官知縣及應入縣令人所貴縣邑不致曠員從之十七日成都府路轉運司言承乾道三年都省劄子四川定差知縣縣令依舊法止令本處知通銓量保

明申部照會本司凡遇定差知縣縣令依元降指揮並係本司長官躬親  
銓量見行遵依別無衝改若別委知通不唯有礙元降指揮兼恐事不歸  
一詔下成都府路轉運司仍依元降指揮餘路准此五年二月五日權發  
達臨安府周宗言乞令該官知縣帶兼兵馬都監事如有盜賊庶有統轄  
可以擒制從之六年正月十七日成都府路鈐轄轉運提刑司言已准指  
揮仙井監改為涪州緣熙寧五年內陵州改為監將貴平縣籍縣廢為鎮  
今復還縣額乞將井研縣丞仁壽縣主簿並省復置縣令兩員從之二月  
三日廣西轉運司言賓州嶺方遠江兩縣知縣簿尉承隆興元年指揮並  
差武臣竊慮不曉文墨百里受弊欲乞知縣差文臣簿尉差武臣庶得利  
便從之十一月六日敕勘會縣令賢否係民休戚今貪贓者監司守倖公  
然蓋庇民無所訴在法所部違犯監司知通失按舉者奏裁今後更失按  
舉當議重行停降八年正月九日四川宣撫使王炎言欲將夔州兩路京  
朝官知縣無人願注闕破格差注令錄實資序以上及經任有舉主人如  
無人許逐路帥司選辟從之五月十一日詔紹興府諸暨縣楓橋鎮改為  
縣減本府酒官并廳軍庫官共三員用添令丞簿尉本處有義安鄉以義  
安為名從轉運副使沈度之請也九月二十二日吏部言見楊知縣二十

名闕目今在部待次知縣資序四十二員欲借使五年以下闕一次從之  
十二月二十四日中書門下省言臨安府錢塘仁和縣依開封府開封祥  
符縣例并紹興府會稽縣兼掌攢官舊旨堂除詔三闕依舊堂除餘繁雜  
等縣係堂除者並權令吏部差注九年八月十四日詔縣令報因公事被  
科罰百姓錢物者坐私罪放罷詳見知州門二十日權吏部尚書李彥穎  
言照對乾道二年集議京朝官知縣以二年為任次年議者請復以三年  
見今合入知縣人併集銓嘗無以發遣况中外京朝官無非二年何必獨  
令知縣守三年之制欲乞依乾道二年集議指揮施行從之十二月九日  
臣寮言乾道二年指揮實厯知縣一任人方授通判乾道八年指揮初厯  
勘改官人並須入知縣今有在任承務郎理監當資序三任通及六考用  
舉主闕陞知縣資序人更不厯縣徑干通判幹官或除知州軍有礙銓法  
今後乞令厯縣一任詔令吏部看詳申尚書省十二月二日詔龍州清川  
知縣改差文臣尉兼簿改差武臣清川知縣舊用武臣不曉習文法故易  
之從本路諸司請也 淳熙元年三月七日尚書省言沿邊知縣縣令縣  
尉隨格通差文武臣武臣仍須識字依文臣法知縣縣令先本部銓量次  
都堂審察方許差注其窠闕并差注格法令吏部條具申本省湖廣屢經



盜賊縣道可以文武臣通差其案關令逐路帥臣監司同共開具申奏候到送吏部處置申取朝廷指揮其文武官歲舉武臣陞陟內將二人舉堪充陞陟親民任使到部官有舉主二員曾歷監當差遣考第及格人方許注授知縣縣令從之五月六日權吏部尚書李彥頤言昨降指揮乾道

五年待闕職事官已添差任滿之人可與堂除外任差遣內有任滿已改官人令赴部注授近發下堂除知縣其任滿初改官人更於部調通注理作堂除本部未承許借服色之文乞依自來堂除知縣體例許借服色從之二年二月八日詔瓊州登邁縣令與比附瓊山縣令任滿循資酬賞

從廣西諸司請也十二日吏部言欲將沿邊次邊知縣日後遇有本選

合出案關依已降指揮通差文武臣四選同日出榜召官指射如同日有

四選官願就即差京朝官次大使臣次選人次小使臣餘依逐選見行條

法從樞密院請也四年十月臣寮言監司守臣中擇明習憲章長於在

事人歲舉堪任知縣縣令二員將有舉主人方許注沿邊次邊知縣縣令

如其間有習刑法願銓試律義或斷案若合格不拘內外差注知縣縣令

候任滿無貽闕依文臣例與陞將副差遣從之十年十一月詔如文武臣

指射先注武舉出身人從本部長資銓量訖申樞密院審察十一月二

十七日吏部尚書蔡洗言承務郎以上官前任知縣或縣令已任滿偶緣替人未到因改差或避親丁憂罷任請依得替罷到部收使陞壓名次恩例從之 五年九月十六日執政言先降指揮極邊次邊知縣元差文臣處並通差大武臣昨來王佐所申武崗軍綏寧知縣竄闕舊係專差武臣今亦乞令文武通差從之先是湖南帥王佐按武崗軍綏寧知縣敦武郎葉達騷擾淫人受賊至十九百餘貫乞重作施行上曰且放罷令取勘何如王淮等奏曰淫人畏懼官司若置獄取勘追逮者眾或至騷擾生事葉達騷擾受賊為帥臣所劾自可便與行遣上曰可降三官放罷淮等曰此闕舊係帥司辟武臣上曰武臣多不曉事記得淮上及四川闕外諸縣許通差文武臣卿等可理會將上至是故又及之 四年四月二十二日詔賴州瑞金知縣張廣令吏部依淳熙三年八月七日指揮先授通判理作堂除以江山路轉運副使錢佃等言瑞金與汀州為鄰兩界之衝盜賊盤踞追捕之速則竄入他境自廣到官嚴立保伍機察姦細群盜屏跡昨茶寇自興國抵瑞金不能三十里而先事有備民賴以安乞賜旌擢故也 七月二十六日詔吏部將廣南簽判知縣竄闕破格曉示滿半年以上無官願就具申都省行下逐路運司使闕差人若逐路再滿半年又無定差

到官本部再行破格出闕召官指射如本部再破格曉示滿半年又無官願就具申朝廷施行從吏部請也 五年正月二十四日詔注擬知縣縣令並令吏部精加銓量乾道三年赴都堂審察指揮吏不施行 六月四日詔郴州宜章知縣雷深特轉一官候再任滿日取旨陞擢以吏部侍郎李椿言本縣有召募二百人在縣置寨恃疆難制深撫馭有方故有是命 十二日臣僚言諸州知縣不宜注授恩榜補官之人如係極邊知縣縣令雖許通差武臣仍要銓量其人才術幹略及能兼通法律方得注擬其餘次邊知縣只令專注文臣詔吏部措置申尚書省吏部言武臣知縣縣令除武舉出身及試中七書義或已試中斷案人許依已定法條差注外其不曾經試中人見係親民資序有舉主二員依小使臣呈試指揮添試斷案一場仍止試一道問目少立條件比文臣銓題一半內有能文願隨文臣銓試者召保官二員候銓試收試其四川亦合依此令赴制置司附試次邊知縣謂如淮南路揚泰真舒和黃蘄州高郵無為軍京西路房州湖南路全州湖北路德安江陵府復州荊門軍利州路興建州雖是次邊即與內地州軍事體頗同欲依臣僚奏請差注文臣其恩榜補官人若年五十五歲不許注授知縣窠闕雖破格亦不許注授縣令上謂輔臣曰措

置恩科甚當向來一半文學可以出官今止三之一耳若便限以年則為  
縣者絕寡矣於是詔悉從之內次邊縣道許通差武臣仍依極邊武臣知  
縣格法施行 十一月三日詔監司郡守自今以往縣令苟無大過不得  
以私意輕易去留遇有闕官去處一依甲令只令以次佐縣兼攝以臣僚  
言今邑宰有為監司郡守不樂者諭令請祠尋醫而去却委羣僚攝事縣  
庫席卷而去故也 十四日工部郎官楊珣言廣西之盜已殄乞命選曹  
遴選縣令勿注推恩得仕兩舉權攝正攝補官者上謂輔臣曰縣令最為  
近民李何以攝官為之可令吏部詳議以聞既而吏部言在法知縣縣令  
並注已改官及經闕陞有舉主考某人其推恩得仕比至經任閤陞往授  
年已六十近降指揮已不許注授知縣案闕即無許差注攝官條法其廣  
南東西路攝官檢點皇祐大觀紹興條格已是詳備目今廣東合補正額  
待次攝官各二十五人共一十九處案闕廣西正額待次攝官各三十人  
共三十五處案闕除海外瓊州樂會文昌縣萬安軍萬寧陵水縣昌化軍  
宜倫縣或是令闕有以主簿兼縣事外其海北並係場務監當即無縣令  
案闕今乞下轉運司照條不得將不是闕官闕次輒差攝官及不得因所  
攝之官就委兼權其他職事如違許諸司互察御史臺彈奏從之 七年

正月十五日樞密院具到審察武臣知縣縣令格目 一知縣縣令令注  
經任有舉主關陞親民人一注年未及六十無疾病人一注識字能書曉  
文義人一注不曾犯賊若私罪情重人一當官試書判二道從長出題一  
審察臣各具已見利便劄子三兩件投陳詔吏部先次銓量如應得今未  
立定格目即具申樞密院審察餘依見行格法九月二日詔四川知縣縣  
令候二年闕官方許辟差以新知劍州張瑱言四川奏辟知縣縣令之弊  
欲令三年無正官去處方許奏辟一次趙雄等奏擇縣之優異處辟差誠  
為未便上曰諸司各私其親舊占了州縣豈容如此故有是詔 十七日  
知南劍州沈維言自今知縣須候成資方許監司列薦上謂輔臣曰知縣  
未及二年功効亦未顯著難以舉薦可從之八年六月十八日臣僚言京  
官曾任知縣因廢老昏懦遭監司或遭章按罷即係停罷未成資任若縣  
丞與幹官等又係選闕格不應入乾道九年四月指揮除建康荆南平江  
紹興府明州簽判外其餘州軍簽判許依格注授竊詳知縣以廢老昏懦  
雖縣丞幹官俱不許入沉簽判比之縣丞又為緊切至如小處簽判例無  
通判尤為優異乞令本部將曾任知縣因廢老昏懦遭章按罷人且與注  
授縣丞一次候縣丞任滿別無過犯方與注授簽判詔依舊法差注 九

年正月五日詔郴州貴陽縣令本路帥漕縣令量訖方許赴上如不堪倚  
仗別行奏辟從新知潭州李椿請也 十五年五月二十三日詔賀州富  
川昭州立山知縣二闕行破格定差初入官注判州司簿尉人一次賀州  
臨賀廣州番禺韶州曲江廣州南海連州桂陽知縣五闕令本路運司  
應格法定差應入縣令人一次英州真陽欽州靈山貴州鬱林柳州洛容  
縣令見闕照已降指揮下本路破格定差一次如同日却有本等人願就  
先差本等人以臣僚言二廣縣令多攝官無所顧藉故也 十一年五月  
一日吏部言京官在法理知縣資序人須實一任滿方合理當實歷其注  
文稱若在任未滿二考改移或尋醫侍養並不許理為一任即兩考實歷  
便合理當一任今未承務郎以上官理知縣資序人授知縣差遣在任已  
成二考偶因丁憂罷任之人服闋之後再行參部緣見今知縣以三年為  
任本部却將似此之人作不曾實歷知縣一任復令止注知縣差遣顯是  
礙前項條法令欲將京官任知縣在任已成二考不因罪犯偶因憂罷之  
人即照應前項條法與理當實歷知縣一任從之十二年二月二十一日  
臣僚言諸縣收支如版帳錢物等皆知縣自專而丞或不預簽押其常平  
倉等通簽河渡等錢雖縣丞通管出入之際易為欺弊乞自今諸縣應干

收支必使丞佐等通發其縣丞所管財賦則必使知縣檢察將來如有以  
贓獲罪並量輕重責罰從之 七月二日知贛州趙善佐言乞將本州安

遠龍南知縣二闕通差選人從之以上孝宗會要 紹熙元年五月二日

知贛州鄭汝諧言龍南安遠兩縣最為煙瘴之地自裁減賞典之後無人

肯就照得惠州河源縣令只用舉主兩員改合入官今龍南安遠去河源  
縣界止二三百里欲乞並與減舉主二員或職司一員如注京官知縣與

轉一官庶早得人管幹縣事吏部欲將兩縣如係選人注授候任滿無過

犯從舊法任內有舉主三員與改合入官龍南縣如係京官知縣於新格

減二年磨勘仍占射差遣一次上安遠縣於新格減三年磨勘仍占射差

遣一次上乞各吏與減一等磨勘從之 二年七月二十一日吏部言漳

川路逐司審度到渠州大竹鎮亡與興復為縣於流江縣分丞一員為大

竹令移在城駐泊兼紂其流江知縣却改為令委是利便本部照得即不

聲說有無主簿及大竹鎮酒稅合與不合改為大竹縣酒稅乞再行相度

詔依諸司保奏到事理主簿一員仍令駐泊兼其酒稅隨縣名改正 三

年七月七日宰執進呈吏部勘當到贛州龍南縣難以廢罷留正奏云龍

南有庫舊來只用兩紙文字所以有人願就後來廢削賞典幾盡故多闕

官上曰豈可有無賞與盡復興典賞以上光宗會要 嘉泰元年五月二十  
六日臣僚言立國之本在民係氏之休戚者最切於州縣使為州縣而上  
下相濟有無相通均節之利歸於公家安俗之福及於田里則王澤得以  
下宣無復嘆息愁恨之心矣今州不息縣縣不卹民乞戒飭州縣毋得循  
習交相規奪以貽民害俾上有均節之利下有安俗之福從之以上寧宗  
會要 淳熙十六年四月二十一日四川安撫劉置使趙汝愚言四川知  
縣縣令內除合差選人并沿邊縣分通差四選官外有專注京朝官知縣  
去處並係繁劇大邑久無正官兼京官員闕所在並以三年為任惟川蜀  
獨專法止以三十箇月解替每任之縣較之內地常少半年照得近降指  
揮四川改官止以一十五員為額本司目即第次放散過選人改官已挨  
排積下淳熙十七年十八年員數見今四川京官知縣闕多在部京官合  
入知縣人絕少乞將已經本司放散過四川選人改官從名次專令注授  
京官湏入知縣窠闕一次仍乞今後京官知縣並以三年為任滿從之  
閏五月十二日權吏部尚書顏師魯言知縣近制並以三年為任今或以  
二考緣故而罷若許其參選與理資任謂之曾歷親民何以為作邑者之  
勸吏刑部看詳知縣尋醫多是在任有公私顧過監司郡守未欲按治勒



令尋醫今滿年到部却與三年知縣無過人事體一同委是不均合除丁憂人外餘並以三年為滿任在法應避親者期親並罷餘依限陳乞對移應入闕其任知縣人若在任成考以上親避期以上親者當日便合解罷即與其他所謂親戚者不同仍許理為實厯知縣一任若在任不成二考或作緣故陳乞避親者即不合理為實厯知縣一任從之 八月十一日

臣僚言近年應改官人須要作邑不材之人貽害百姓在法諸縣有繁簡難易監司察令之能否隨宜對換仍不理通闕又教諸監司以繁簡難易察換縣令而私徇者以違制論乞申明上件指揮今後所在知縣委實才力不逮者從本州具申監司或監司自能來訪即行公共商議不拘縣之小大擇人兩易他日到部並無妨礙其縣令亦依此施行則能否各當其任而民得撫字矣從之 十月三日詔秀州華亭知縣未有京注授令漕臣同守臣於京官選人內公共選辟一次理作堂除於是兩浙漕臣潘景珪選擇承直郎前江南西路運幹楊潛舉主考第今已及格乞先與改合入官差充華亭知縣理作堂除候任滿別與陞擢從之 紹熙三年七月七日吏部言江西提刑鄭湜等相度贛州龍南縣難以廢罷今欲從諸司所申照本縣民庶所請擇地勝處易置縣治其合得實抵依舊格如無人願

就本路監司同本州守臣選辟從之二十四日吏部言漳州府路諸司  
奏相度到泉州南溪縣新興移潼關山三里割隸宜賓縣以便民戶輸送  
等委是經久利便照得近制緣邊京官知縣並通差選人南溪縣舊注京  
官近改官人多不願就今若將三里撥隸宜賓之後若無京官願就即通  
差選人從之以上光宗會要 慶元二年九月二十八日兩浙路運副使  
師聿奏管下台州黃巖縣比之台仙居寧海諸邑地界廣闊戶口繁夥幾  
及一倍詞訟紛紜稅賦浩瀚素號難治自淳熙十六年之後吏部止是差  
注選人乞下吏部今後黃巖知縣並注京官從之 三年二月二日詔四  
川今後不得違法抽差知縣縣令有敢抽差若經營求抽差者悉重真典  
憲其抽差過月日並不理為在任諸司互相糾察有敢隱蔽令御史臺覺  
察以聞併與坐罪仍立為令甲以臣僚言四蜀縣令知縣違法抽差甚衆  
到官未幾即謀他徙大抵非責遊之子孫即高談之文士往往憚煩不肯  
屑就迫於合入姑為一來委而去之不過附之佐官而已佐官既非本職  
豈肯竭力盡心上司寧去抽差亦難以嚴詰峻責綱運月解悉不能辦故  
州郡拖欠總所有至數十萬緡而本州官兵月給有拖欠累月者此則縣  
令抽差之所由致也故有是命 四年正月二十四日臣僚言乞申嚴乾

道二年淳熙元年指揮令吏部常切遵守應理知縣資序之人須要實歷知縣一任方得注授通判如不曾實歷知縣者並止得注知縣仍令三省凡於堂除之間須以體國為心所有京官出官未曾作縣之人並不得與通判差遣庶幾法意均平人知奮勵仰副陛下愛撫黎元之意從之 九  
月七日詔沿邊武臣知縣今後依銓法差注以監察御史張巖言邊縣事體與內縣不同內縣所長者民事而已邊縣自邊防之外兼主民事必有通才乃能稱職隆興初政戎馬方息朝廷欲存撫復業之民兼為守衛之計以防南牧是以通差武臣亦時良法也在法沿邊注武臣知縣須閣陞親民資序有堪任知縣縣令舉主二員赴部選量日長貳出題試書判二道試中者申密院審察之日又令具已見利便三兩事惟武舉與試中七書義及斷案人免書判其立保薦銓量之法嚴密如此豈容泛進自後循襲漸虧法意大小使臣粗有寅緣干堂即得邊邑既聞其端抱虛者紛至皆援例而前以求倖恩初無練歷之能輒冒民社之寄是以數十年來邊縣未聞政績顯著者正以保薦銓量之法姑亦文具而干堂者又得以泛進故也自今沿邊州縣並令吏部先差文臣次差武臣一依銓法差注其武臣須加嚴保為選量之法舉主二員並要於歷任處監司帥守薦舉方

理為舉主庶幾熟知其人有才通可仕縣寄者至於銓量之法亦當審察其才能毋為文具自指揮之後更不堂差武臣縣令現任者委監司帥守體量有不堪其任者即申朝廷與祠祿理作自陳如此則邊縣不至用不練歷之人以為民害而邊防綏禦之計亦庶乎得人矣故有是命十一月十二日臣僚言凡今之為令者徒知簿書期會之為急生財修繕之為功催科政拙者指為愚人凡事操切者目曰能吏聽訟之事置而不問字民之效邈焉無聞乞戒飭監司守令今後論薦知縣如其廷無滯訟邑無冤民訟訴不至於上司者始可刻薦不得徒以財賦為急如或徇私行權淹延民訟譟異至多者並從按治施行從之六年正月十七日臣僚言堂除知縣自來祇是錢塘仁和會稽三縣緣係行都附郭并攸官去處事體既重特加優異昨來有就部中注擬邵黃緣理堂除遂致泛濫且啓僥倖猶是就部注擬之後方敦陳乞近來又有大僥倖者名次未當注擬徑於朝廷陳乞下部直差攬奪他人當得之闕遂使銓注之法自此而壞堂除之例自此而刻乞特降指揮除前三邑依舊堂除外自餘知縣闕並令赴部依公注擬仍不許注擬之後乞理作堂除從之嘉泰元年二月十七日臣僚言廣西一路諸縣縣令少有正官若無以次官處多是於他

州別縣差官權攝甚至差寄居待闕右選攝官多者一年少月數月候去  
忽來志在苟得職事廢弛冤枉莫伸間有貪夫掊剋自營則一意聚斂席  
捲而去恬不顧恤於是縣益廢壞至有一二十年無敢注授者其間有水  
土愚弱風痺至重去處加之經久權攝事皆廢壞檢照淳熙令諸南官得  
替該職官循資酬賞者如考第合磨勘與減主一員又令諸廣南縣令仕  
滿該改官應減舉王者更減一員竊詳法意廣南縣令仕滿有循資酬賞  
改官之人自合減舉主一員然比歲以來廣西一路縣令任滿到部未聞有  
用舉主三員得放行磨勘者乞行下廣西監司帥臣刷具本路諸縣有水  
土愚弱累年無人願就去處斟酌輕重分作三等同銜結罪保明具中朝  
廷候到送吏部照福建廣東西路見行格法將願授知縣選人隨其地上  
惡弱輕重量減舉主申取朝廷指揮行下本部照應出闕在任必要資歷  
三考方設賞典從之。二年二月十二日殿中侍御史林采言縣令字民  
之官於民最近得其人則百里受福非其人則百里受禍不可不擇也夫  
作縣者當以十二事為戒自己不貪財子弟不與政官物不預借公事不  
科罰保正不催科戶長不代納簿鈔不閤銷稅苗下失割公人不下鄉租  
吏不鬻獄差役不徇曲推排不漏盜凡此謂之十二事作縣之善固不止

此然為縣令之至要若能行此十二事其縣亦治其訟亦少乞委諸路轉運司出給版牒行下為縣各揭於廳事之左使凡為縣令者朝夕觀省然後監司郡守擇本部縣令之能行十二事不掛民訟者任滿之日得以名聞擇其尤者特加激勸有一違此即行按劾重寘典憲從之 七月十三日殿中侍御史林來言今日之為繁難大縣者宜有以示勸乞與遣一次如有材力最優之人乞從朝廷擢用不必問其有無薦書如不因按劾彈奏任滿批書見得委有道闕從吏部具申隨輕重責罰仍乞照舊法應作縣人除丁憂已成二考計理為一任外餘並過三考終滿如有實避親人即踏逐一般闕次對換如一月無對換即到部別注知縣接及三考元經按劾論列人雖已改正亦不許通理考任須實歷三考無遺闕方理為任如上任作縣不滿及有規避作縣人內不得為院轄職事以上官外不得為通判幹官之屬所有日前曾任本州知縣人不許堂除本州通判如已得通判人許與一搬差遣人兩易滿一月後與堂除別州一般通判其在吏部乞依本法從之 四年三月二十日前知英德府邵之綱奏乞將二廣諸縣久無正官注授者今吏部四選通差或四選中又無注授今監司帥守審度文武中廉慈惠者奏辟充填然後考核否臧嚴加黜陟

從之、二十八日中書門下省言吏部改官人合注知縣差遣緣向年限  
出闕是致注授不便詔令吏部將應干知縣案闕不拘年限並令曉示從  
便注授一次、十月二十八日臣僚言竊惟銓曹之法莫嚴於注擬注擬  
之官莫重於知縣而京官任子皆自兒時奏補多有虛增年數冀速出仕  
纔更一任憑藉勢力干圖薦舉二任印注知縣而去未嘗更練不習法令  
輕任妄作無所不至殊不知民社所寄簿書之叢委獄訟之曲直財計之  
登耗雖巧心敏手處之猶恐力不暇給今乃以年少未更事之人遽任判  
繁鮮不暇事乞自今後京官注擬知縣一遵祖宗格法必兩任有舉主而  
後注授仍照鹽場軍閫體例並注年三十以上有舉主人見在任者且令  
終滿替回依舊任縣丞格法注幹官簽判差遣不許即求通判已注未上  
之人並令赴部聽別改注庶幾舊法不廢而少年者得以養成遠業從之  
、開禧三年二月二十五日臣僚言今兩淮郡縣聚經創殘一旦欲使安  
集以還舊貫誠為不易使委任得人以至誠惻怛之意思始圖終勤於朝  
夕則成效可必今見闕縣令去處須從帥守公選可與共事之人辟置在  
任隨縣劇易專以招集戶口多寡為賞格之高下或與政扶或減舉員或  
與陞擢稍不勝任者復許其便宜劾罷如此則上下相孚而規摹歸一臂

指相應而後先不紊人人爭欲以績效自見從之見任知縣縣令令監司  
帥守從公審實內不勝任之人取旨與祠祿仍一面還辟承旨、嘉定元  
年閏四月十二日刑部侍郎四川宣諭使吳獵奏朝廷嚴頒入之令凡改  
官人必須作邑所以重民社抑僥倖誠良法也然以四川觀之知縣之闕  
有餘而改官之員極寡每歲所改川班不過一十五員分為四路銓注逐  
路不過得三四員以故知縣常有見闕去處有司不免破格差注或奏辟  
選人及小使臣或簿尉監當兼權或寄居待次官攝事乞下四川轉運司  
許令改官待班人一面注授合入知縣差遣如有見闕先與出給就權赴  
官候班到日與降付身仍將就權日月通理三考之任從之、三年四月  
十九日臣僚言乞明詔內外自今治郡有聲者必須仕滿方許擢用改官  
人雖曾受辟候任回須管依舊作縣從之、四年二月十一日詔令吏部  
將應干知縣案牘不拘年限並行曉示聽改官人從便注授一次、六年  
正月二十九日都省言吏部改官人合注知縣差遣緣拘年限出闕是致  
注授不行詔令吏部將應干知縣案牘不拘年限並行曉示聽改官人從  
便注授、七年十二月二十日臣僚言近歲以來知縣被罷之人往往即  
求改正既得改正即求通理彼其被罷之時若非臺諫彈奏即是監司郡



守按劾不曰職濫則曰暴酷昏謬者也使其一時所論不能盡實為之改正亦合使之更歷三考以驗其才否奈何復使通理前任曾未幾時而遂脫去乎且其心自知日月不多更不思為久計民何望焉又其通理之人類皆急於見次不問繁難久廢之縣冒昧以前臣愚以為今後任知縣人如是以理法官法許通理自如舊法外其餘以罪黜罷之人縱經改正不許輒求通理須管任滿三考方得改去雖法許通理之人亦不許注授繁難見闕去處廢幾獲戾之人勉圖後效以自贖詔今後作縣以罪罷黜之人縱經改正內已及一考以上者須再滿三考其已及二考以上者須再滿二考方聽理為知縣一任 九年正月二十五日觀文殿學士知潭州安丙言潭州屬縣凡十有二湘潭瀏陽攸縣三邑財賦民訟最稱繁夥而所注乃選人湘潭攸縣本是注京官瀏陽亦是京官選人通差往往中間人憚繁劇不樂注擬尚左因無人願就遂作破格闕侍左並注選人如湘鄉湘陰益陽皆為中邑見注京官豈有攸為上邑湘潭瀏陽亦中邑乃一向注授選人不惟失當未立法之意且選人資望既淺同官未必協力吏民率多玩視今若得京官注授庶幾資望稍重可以復振兼三邑舊來本是京官稟闕乞仍舊差注京官外有善化寧鄉兩縣近來戶口亦繁而善

化又係附城亦欲通注京官如一季無京官願注卻關侍左通注選人展  
幾事任稍重不致負聖朝字民之責從之。二月三日臣僚言天聖中近  
臣保舉知縣必改三年無贓私過犯特與陞陟中興以來隨時因革而京  
官縣令率以三年為定制比來此意寢失到官未半載民瘼捕求而未究  
教令僅敷而未決已多端求為再考避親計於是股民膏血厚自豐植締  
交延譽希進交遷斯民愁嘆一不逞恤安望其盡心摩撫以副陛下為民  
設官之意哉乞考天聖之常憲遵中興之成式特降指揮自今京官知縣  
必以三年為任到任已及二年不在避親之限或一考半以上以理去官  
許陳已填補二年著為定制如有違戾許御史臺按劾銓曹注擬常務遵  
守如是則人無倖心各有固志百里得人而元元被惠矣從之。八日吏  
部奏廣西經略安撫司言靜江府古縣令素來無賞無官願就今乞將古  
縣令於街上帶兼兵馬監押文臣比附龍南縣令任滿循資減舉體例例  
武臣比附邑欽沿邊都巡檢鳳州河池知縣授訖轉官得替減磨勘陞名  
體例乞乞詳酌立法今後靜江府古縣令任滿無遺闕與循一資占射差  
遣如有改官舉主三員與改合入官付敕令所本所照得古縣令係是四  
選通差案闕上件指揮止該載選人酬賞及武臣依所乞比附所是京官

注授上件差遣卻未有任滿推賞明文乞送吏部叅酌比擬合得酬賞本部照得古縣令任滿推賞選人循一資與占射差遣減改官舉主二員所有京官昨來照條比擬將選人循一資占射差遣一次唯是選人減舉主二員京官不用舉主別無條法可以比擬今叅照賞格如賴州龍南縣選人縣令循一資占射差遣一次減舉主三員京官知縣轉一官減二年磨勘即係共減磨勘六年除選人循資占射比折京官三年磨勘外所有舉主三員約減三年磨勘今古縣令減舉主二員若京官比擬龍南縣賞格合減二年磨勘緣龍南係風土惡弱去處比古縣利害不同欲更與減一年磨勘共減三年磨勘仍占射差遣一次所有占射差遣京官上所得從條合換次等減一年磨勘即係共減四年磨勘委是輕重適中從之  
十月十七日詔天水軍移就天水縣舊治置天水知縣兼本軍判官兼司法如係有出身人即兼教授今四川制置司選辟一次  
十二年正月七日臣僚言乞明詔吏部凡知縣以罪罷斥去許注中下之縣雖使詔赦只許注上中之邑其紫望之邑雖無同射之人亦不許差注所有通理一節亦必遵照條例施行從之  
九月二十七日臣僚言縣令之職撫字催科號為繁劇而沿邊諸邑亦非內地比尉曹之官所資彈壓而沿邊諸邑亦

非內地比豈容輕畀乞令吏部左右選應文官注授沿邊知縣縣尉差遣  
須年六十以下之人其六十以上並不許差注庶幾官使得人事功易集  
從之 十三年四月十日臣僚言竊見朝廷創制衡州鄱縣郴州桂東資  
興縣正欲令佐得人以安百姓銷患于未形近來多是經營差出或占留  
諸司簽聽其本職卻別委官暫權多是差恩科或右選雜流之人緩急不  
可倚仗殊失創縣置官之意乞下湖南帥臣監司自今為始新創三縣並  
不許巧作名色差出別差權攝仰御史臺覺察見差權攝人日下還任庶  
幾三色俱有正官照得三縣令佐俱要人併乞下吏部不許注恩科人以  
巡尉只許注武舉人不許注右選雜流人從之 七月三日臣僚言當今  
作吏之難莫若近民之官於民尤近者作縣是也縣無劇易限以三考官  
卑責重行志實難惟求無愧於心心庶可少寬於百謫然而才品器局人  
固不齊某廉某貪其誠某否清議不可泯滅官邪所當糾繩於是按刺之  
法行焉問曹罷命未忍棄捐庸亦寬恩復許改正俾勉圖於後效以自贖  
於前愆於是通理之法行焉而近之通理者類以了債為言苟焉按考之  
計於是建議者以為罪罷之人縱經改正不許輒求通理內已及一年以  
上者須再滿三考其及二考以上者須再滿二考方聽理為知縣一任乞

下吏部任知縣人已歷一考以上為臣僚監司郡守論罷非實因贓盜慘酷曾經追攝伏辨情理深重顯著之人與照赦條除豁罷考許令通理從之 九月二十九日臣僚言臣聞王一邑者有知縣有縣令邑之大者付之知縣邑之小者付之縣令祖宗之法自入仕以來已及三考或得諸司令狀則許之注擬縣令已及六考者或舉狀及格則許之改官作縣此固一定之法也然所謂令者其責重而職勞與知縣實等幸而一任之內五削並足固可脫選其有兩任之後始能到班則未免仍受邑寄使其精力有餘不以累任親民為難也猶可詎勉從事苟其不然則恐九考作邑力困於應酬心勞於治理其於獄訟財賦之間未必不以衰弱而反致闕誤者則知邑無劇易均曰繁重彼既練歷涉履之久可不思所以憫卹優易之乎乞下吏部詳酌事宜變通其法應兩經作令滿替實歷九考有政聲無過犯舉員及格改官之人特免再作知縣其願作縣者聽循舊法其不願者卻許受簽幕或幹官以當知縣履歷從之 十一月十九日詔贛州瑞金縣南安軍南康縣知縣並以兼兵馬監押繫銜先是江西提刑劉筠言南安軍南康縣當林岵之衝本司昨未申創古城一寨所以控扼要害彈壓未萌贛州瑞金縣提臨汀石城之交益子出沒其間則有狗脚

巡檢以任警微追捕之責然古城一寨錯居井邑群勇悍之夫日與百姓為市既於本縣無所繫屬將來循習豈無繫援之慮瑞金去州為遠或有盜賊之警全藉巡尉為之奔走而狗脚諸卒素無紀律視縣道之文移怙若無有甚至頡頏驕橫敢於犯上漸不可長此二寨者若使其於縣道有所統隸則禁令自行階級自肅緩急之際乃可使令竊見南安軍南安縣建昌軍廣昌縣近旨知縣兼兵馬監欲望朝廷創下贛州南安軍見任知縣並以兼兵馬監押繫銜者永為定制廢幾軍兵在其境內者得以鈐束而整齊之吏部勘會乞下江西安撫轉運提舉提刑司照條連書保奏至是逐司審度保明來上乞將選人承直郎以上京官宣教郎以下並兼兵馬監押通直郎以上兼兵馬都監繫銜故有是命十四年四月二十五日臣僚言應是右選試中文科換授京官者如未經任人照本條止注監當差遣後更須再歷一任若已經一任人仍須再一歷一任已經兩任人仍須再歷一任已上凡縣佐郡裏幹官並許通注四日有陞陟舉主二員方許注授知縣內已經一任再歷兩任人與減舉主一員其有宗室到部須仰書鋪重立罪賞於射闕狀內明注委無妨嫌方與注授不許援三日內退闕條法後求換易二說既行廢幾軍邑之官可得通練之才而到部之

官亦無淹鬱之患其於銓法不為無補照得在法右選使臣兩考方當一  
考即是四考方當一任近來換授京官者乃以所歷二考即是一考便作  
已經任人注授知縣不亦太濫今若使未經任人先注濫當一任後注縣  
佐等一任則止是四考又已經一任人止是實及一考更歷兩任方成五  
考又已經兩任人止是實及兩考更歷一任方成四考如此則可得注授  
知縣其視有出身人六考奏補人七考舉主並皆及格反尉曹復資改官  
後更歷一任方許作縣實為優異從之 九月十日明堂赦文勘會知縣  
縣令放罷後到部從已降指揮不許差注繁難大縣及選闕知縣縣令止  
許注小縣并中縣下縣知縣縣令似此之人如該今赦令吏部開具元犯  
申尚書省酌量事理輕重除不許注授繁難大縣及選闕外特許注授見  
榜上縣并未應出闕中下縣知縣縣令一次閏十二月五日右文殿修撰  
知靜江府胡槻奏本府十縣民淳事簡號為樂土又多有濫賞係是部闕  
京官選人通差人事願就從昔不注右選內惟有陽朔一縣緣諸司吏人  
室家田產所在知縣不能諗何間係靜江府守臣選辟其他諸縣自來並  
無奏辟者近年以來諸司不知守守率以私意妄亂辟人照行十縣目今  
興安修仁義寧古縣係左選餘臨桂理定靈川永福荔蒲陽朔六縣盡係

右選內義寧古縣下政皆已辟右選將到如此則八縣皆係右選又薄尉  
頃年盡是左選亦緣諸司間辟右選後來在部亦打作左右選通差及諸  
司奏辟今亦太平右選靜江係是會府初非瘴地不應差武臣為令虧損  
事體虐害善良乞下吏部照舊來格法盡差京官選人不許諸司仍前妄  
辟右選所有義寧古縣下政雖是武臣今將次到官欲且存留外其餘八  
縣已差辟右選之人乞令赴部別從注擬今天下會府並無武臣為令靜  
江即非深廣無人肯就皆是佳邑是以先欲整救外諸郡尚餘六十二縣  
亦有佳處自不妨左右選通差或從諸司薦辟元不妨右選進身之路從  
之十五年八月十七日臣僚天台屬邑五獨臨海附郡其簿書期會牒  
訟賦租視他邑繁夥蓋相陪蒞顧乃使選人為之秩卑望輕權不足副勢  
要足以陵之豪彊得以侮之吏胥得以玩之其間不能自植立者往往蓄  
縮避就幸於苟免而已尚奚望其以幹辦開哉乞下吏部自今臨海許從  
京官通差庶幾事權稍重得以展布詔令吏部今後改差京官 十六年  
三月二十四日吏部言軍少監兼權考功郎官黃涇奏立法貴乎中用法  
貴乎一作縣被罷之人槩得通理則過寬一切沮之則過嚴舊制非因職  
濫憐酷情重之人照敕除豁被罷零考餘與通理考任謂是立法得其中



自嘉定七年議者有請罪罷之人縱經改正不許輒求通理及一考以上  
須再滿三考及二考以上須再滿二考乃聽理為知縣一任自此照赦通  
理之制既格而不行而赦文亦不復載斷而都司以為待吏之意太薄抗  
疏于朝歷一考以上一時論罷非因賊盜慘酷情理深重之人照赦除被  
罷零考許令通理嘉定十三年之請也方其申請之時吏部勘當雖有十  
一年前後之別皆以照條為言是照通理之條非赦條之謂也及吏部續  
行指定於十一年以前則曰照條以後則曰照赦條自此例以赦條不載  
沮之特不知赦條自七年衝改舊制故八年以後因仍不復載爾前乎十  
一年者例得以照條通理後乎十一年者乃獨拘於赦條而不得通理毋  
乃因法之不一乎勸沮之道恐有未明欲乞照嘉定十三年指揮應任知  
縣人歷一考以上一時按罷有非實因賊盜慘酷曾經追捕伏辦情理深  
重顯著之人以遇赦為準不問赦條載與載悉與除豁被罷零考考通理  
考任廢幾立法中用法一吏姦不得以出入作縣者爭自濯磨倉屬以副  
清朝甄錄之意本部照得嘉定五年郊祀赦文內應任知縣在任已歷一  
考以上一時論列或按奏放罷其間非因賊盜及用刑慘酷別無情理深  
重罷任之人除不被罷考內月日餘令吏部與通理考任後承嘉定七

年臣僚寫請是致八年十一年兩次大禮赦文內不曾載說續有十三年十一月指揮即是衝改嘉定七年指揮本部今看詳本官奏請正應得喜定十三年十一月臣僚奏請委是可行但以此通理滿罷之人到部注換似不可與無過犯三考人一同要須畧與分別今欲將初任知縣按罷次任許通理滿三考人且與注發判或諸司幹官一任候滿方許注授通判或有遵用今來指揮通理前任滿三考之後因交代未到在任候代遂致次任自成三考將來到部卻合比同無過犯滿三考人便許注授通判差遣從之

全唐文

宋會要

縣丞

仁宗天聖四年七月二十一日詔開封府開封祥符兩縣各置丞一員在簿尉之上仍於有出身幕職令錄內選充時兩縣簿尉多差出外勾當而本縣闕官祠部員外郎蘇耆以為言乃命增置慶歷八年四月詔開封府畿赤縣丞不許他處奏辟皇祐三年三月詔開封府曹官赤縣丞自今並除新政京官人任滿與免遠官初用選人一年無過遷蓋歲遷者甚衆故裁革之神宗熙寧元年十月詔京畿縣丞簿尉除舉官外令審官院流內銓精加選擇從權知開封府呂公著之

請也 四年三月五日編修中書條例所言欲令諸路  
轉運司具州軍繁劇縣分主戶二萬戶以上增置縣丞  
一員以幕職官或縣令人充從之 哲宗元祐元年四  
月十二日詔應係因給納當平免役置丞簿並行省罷  
內縣丞如委是事務繁劇難以省罷處委轉運司存留  
係明以聞 元符元年詔縣丞簿尉日赴長官廳議事  
及簽書文徽 徽宗崇寧二年三月二十四日宰臣蔡  
京言熙寧之初修水土之政行市易之法興山澤之利  
皆王政之大者追述緝熙當在今日農田如荒閑可耕  
鑿瘠鹵可變膏腴陸可為水水可為陸之類水利如陂  
塘可修灌溉可復積潦可洩圩堤可興之類山澤如銅

鉛金銀錢錫水銀坑冶及林木可養斤斧可禁山荒可  
種植之類縣並置丞一員以掌其事從之四月十九日  
中書省尚書省言檢會三月二十四日勅諸路除已置  
縣丞處外餘並置丞一員承務郎以上知縣者即差承  
務郎以上官萬戶以上即差令錄人萬戶以下經任判  
司簿尉並許差見闕榜半年無人願就者以次通注令  
欲承務郎以上知縣去處差置縣丞並差承務郎以上  
親民人次新政官合人知縣人並與理為實歷知縣資  
序次第二任監當有舉主人萬戶以上差職官縣令及  
奏舉職官知縣縣令人萬戶以下差縣令及奏舉職官  
知縣縣令人萬戶以下差縣令及奏舉職官知縣縣令

入萬戶以下差縣令及奏舉職官知縣縣令已授差遣  
待闕人換授又無差經任判司簿尉人從之九月二日  
尚書省言諸州縣丞除差判司簿尉資序人已有條不  
差年六十以上外其餘應入人未有限隔詔應差縣丞  
並不注年六十以上人 三年十一月十五日詔諸路  
勑置縣丞見今未差注去處尚多如兩月以上無本等  
合八人願就并未有奏舉別官並許不拘資序考第權  
入仍支與縣丞請給 大觀三年八月十四日詔昨增  
置縣丞內除係舊額及萬戶以上縣分委是事務繁冗  
并雖非萬戶實有山林川澤坑冶之利可以興修不可  
闕官去處依舊存留外餘令逐路轉運提舉常平司同

共相度聞奏 四年三月三日兩浙轉運提舉常平司  
言杭州錢塘仁和臨安縣丞係熙寧年舊置去處疆界  
濶遠詞訟最多委是難治合依舊存置湖州烏程歸安  
安吉長興四縣各係萬戶以上事繁舊有縣丞合行存  
置德清武康縣不係事繁元舊不曾置縣丞合行減罷  
從之 同日江南西路轉運提舉常平司言照對本路  
南昌等四十八縣內除一十二縣舊有縣丞外洪州分  
寧等一十九縣各係萬戶以上委是事務冗繁實有山  
林川澤坑冶合行依舊存置洪州奉新等一十七縣雖  
及萬戶以上事務不至繁冗亦無山林川澤坑冶合行  
廢罷從之 宣和六年閏三月十七日工部尚書郭三

蓋言本部自來承行常平司奏到縣丞種植任滿合該  
推賞之人止是汎言係官地內或道路傍側之類即不  
曾指定著望去處致難以考驗詣實歆乞今後保奏狀  
內開說所種是何官地如天荒戶絕退灘之類仍具所  
屬鄉村地段頃畝至自甚年月日種植是何名色以前  
有無舊來林木及曾經報奏之數每歲曾無依條按籍  
點檢務要聲說詳盡可以覈實庶幾稍革欺弊今來申  
明推賞條貫別無衝改從之 高宗建炎元年六月十  
四日詔諸縣縣丞如係嘉祐以前員闕并及萬戶處存  
留一員餘并罷十一月二十日詔諸縣縣丞闕官去處  
許令本路提刑司依已降指揮舉辟一次 紹興三年



十一月初六日詔淮東諸縣縣丞專管農田水利等今  
來職事至少可權行減罷內泗州漣水軍更不裁減  
先是臣僚言淮東諸州縣累經兵火人戶外移未全復  
業見今事務比之往時實為減省若仍舊差置官屬人  
吏委是猥冗故有是命 五年閏二月二十二日詔自  
今見任縣丞未經交割離任以前並不許輒從諸軍辟  
置及不得兼帶軍中幹辦職事專委監司常切覺察如  
敢隱蔽重置以法 六年九月二十三日詔右從政郎  
池州青陽縣丞何稽中特授右文林郎 先是淮南西  
路安撫使司言稽中於本地分沿江把截捍禦一百餘  
日應辦屯駐人馬支遣錢糧並無疎虞故有是命 十

八年三月六日詔泰州海陵縣置丞一員從本路諸司請也 二十年八月十五日詔肇慶府高要潮州揭陽新州新興德慶府端溪龍水縣各置丞一員先有詔縣及萬戶者許置丞至是本路諸司有請故也 孝宗乾道六年正月十七日成都府路鈐轄轉運提刑司奏隆州貴平籍鎮復還縣額乞將井研縣丞一員仁壽縣主簿一員並省併就令縣尉兼管於所復兩縣各置縣令一員縣尉兼主簿一員從之 七年正月二十八日吏部言四川承務郎以上縣丞一依內地承務郎以上縣丞法以二年為任從之 淳熙五年二月四日詔諸縣縣丞如均稅事體置丁稅一司從臣僚請也 十二年

二月二十一日臣僚言乞自今諸縣應干收支必使丞佐等通簽其縣丞所管財賦必使知縣檢察將來如有以贓獲罪並量輕重責罰從之嘉泰二年三月八日監察御史張澤言遇縣闕令並須遵從條法先差以次官縣丞及選曾歷任良循之人不許輒差他邑官及初官權攝從之四年十二月二十六日權知揚州鄭挺奏江都縣所管戶口年來增進事緒繁夥闕官協助欲添置縣丞一員從之開禧元年十月七日知建昌軍趙汝礪奏本軍新城廣昌兩縣疆境濶遠事務繁冗乞增置二丞同共協濟縣事詔本路轉運提舉兩司參詳逐司請從汝礪奏陳委合公議經久利便從之既而

嘉定七年十月權發遣建昌軍羅敷言本軍舊特撫州之支邑副郡之始屬邑僅有其二紹興八年始析南城而為新城分南豐而為廣昌則新城廣昌特南城南豐之一隅也自析邑以來南城南豐有丞簿尉新城廣昌則有簿尉而闕丞非故闕也事省力微簿尉之職自足以兼之開禧元年守臣始請增置二丞往往徇一時之情而不為經久之計蓋此二邑非南豐南城之比僻陋尤甚寧是邑者常有遺乏之慮置丞以來月糜俸給縣計益虧且去郡稍遙動與令抗事益不治乞將二邑丞闕並行省罷少蘇二邑從之嘉定元年四月二十四日詔省罷興元府城固縣丞一員令主簿兼領自後永為

定例從利州路安撫司之請也 三年三月二十五日

詔金州洵陽漢陰兩縣丞候見任人滿日省併更不差

人從四川制置大使司之請也四年十月七日詔省罷衡州茶陵縣

丞郴州郴縣丞二員添置郴州桂東縣丞巡檢各一員

從知潭州曹八年七月八日知興元府許沆奏蜀之饒

風關其險聞於天下東北距金州西南距洋州舊例洋

州嘉定三年知州申制置大使司乞將金州之漢陰縣

激口鎮朔為饒風縣並以洋州真符西鄉西縣三鄉之

田自此饒風關遠隸金州改洋州郡計日削兼饒風去

金州為遠邊民困於遠邊民困於遠輸失險病民害孰

重此欲將饒風新縣廢罷依舊為鎮仍復漢陰縣丞一

闕治于澈口鎮使之催理稅賦受按民訟實為經久之利從之十三年八月二十六日江西提刑司奏江南西路路提刑趙汝諱乞將南安縣丞闕下部省廢卻以俸給補助新創大傳石龍兩寨及大傳書院地基并養士劉士聰等戶役官田段等稅賦未委縣丞俸給每歲若干大傳石龍兩寨稅賦若干可以兩相對補本司契勘照得南安邑小事稀官不必備若減省縣丞以補民賦其錢未猶有贏餘損予縣道以補逃絕失陷之租如此則荒殘之邑凋瘵之氓皆得以少抒誠為兩便乞將見任人聽令終滿下政別改注一等差遣從之

宋會要

真宗咸平六年詔京東西河北河東陝西淮南諸縣令  
兼知館驛使勿得差往他所 淳熙十二年詔川陝廣  
西漕臣依元降指揮兼帶提舉綱馬驛程公事繫銜其  
提點使臣並改作幹辦稱呼

宋會要

初尉

太祖建隆三年十二月詔曰賊盜聞訟其獄實獄繁逮捕多在於鄉閭聽決合行於令佐頃因兵革遂委鎮員漸屬理平宜還舊制其令諸道州府今後應鄉村賊盜聞訟公事仍舊却屬縣司委令尉勾當其萬戶以上縣差弓手五十人七千戶以上四十人五千戶以上三十人三千戶以上二十五人二千戶以上二十人千戶以上十五人不滿千戶十人合要節級即以舊鎮司節級充餘並停歸色役其弓手亦以舊弓手充如有賊盜縣尉躬親部領收捉送本州若有群賊盡時申州及報捉賊使臣委節度防禦團練使刺史盡時選差清幹人員



將領廳頭小底兵士管押及使臣根尋捕逐務要斷除其鎮將都虞候只許依舊勾當鎮郭烟火賊盜爭競公事仍委中書門下每縣置尉一員在主簿之下俸祿與主簿同又詔縣尉以在任無冠賊理為上考非捕賊不得下鄉其較考並依判司仍與免選注官所有捉賊期限賞罰並依前制減一選者起一資殿一選者折一資四年七月以大名府涇城縣尉張又元為本府元城縣令賞捕盜之功也天下縣尉久廢其任是歲復置賞罰之令而又元與令殷湏首讓賞典以激勸之乾德六年十一月詔賊盜漸息逐縣弓手稍多宜復差減自今萬戶縣三十人七千戶二十五人五千戶二十人三

千戶一十八人二千戶一十五人千戶及不滿千戶並一十人令尉如妄占留差遣許人陳告重寘之法 太

宗雍熙三年十一月詔縣尉在任三限捉獲劫殺賊並於歷上批書行劫及捉獲日月斷遣刑名今後應書較縣尉考第如在任捉獲劫殺賊人考帳內分明開折第一限獲者准格與折兩次不獲劫殺賊第二第三限獲者並與折一次不獲賊其三限內捉獲劫殺賊人開說批書不全者令後一次獲劫殺賊人批書不全者比折一次不獲劫殺賊人即不理為勞績 至道元年二月詔吏部銓自今西川薄尉並選年壯可任者以備緩急 真宗咸平元年十月詔天下縣尉司不得置獄 四

年四月十二日西川安撫使王欽若等上言川陝縣五千戶以上請並置簿尉自餘仍舊以尉兼簿從之 五年八月詔置縣尉司弓手營舍 大中祥符三年四月太常丞乞伏矩上言川界弓手多貧乏困於久役州縣拘常制不替至破壞家產况第一第二等戶充耆長里正不曾離業却有限年弓手係第三等戶久不許替事體不均今滿三年與替情願在役者亦聽其第三等戶例即與第二等戶差充從之 四年十一月大理寺言自今諸縣弓手唯許勾當縣尉一司公事外不得別有差使仍以節級弓手共十人充縣尉當直供身軀役不得私使往外處勾當同本縣令佐置歷抄上姓名印押

半月一易亦不得有妨緩急捕賊從之 九年四月詔  
三京及諸轉運司除川陝州軍外並據所管縣分弓手  
每五人借弩一枝其弓箭鎗劍令各自置辦以簿拘管  
遞相交割委令尉常切教閱 先是上降詔河北轉運  
司太常博士張希顏言復州有弓手置弓刀以捕寇者  
本州以私置衣甲器械坐其罪皆杖脊配隸本城真宗  
因令編下諸道 天禧元年九月詔自今令尉親自部  
領弓手鬪敵殺獲劫盜及十人以上雖不全火并七人  
以上雖不傷中並比類元條酬獎 先是獲全火十人  
已上全火不及十人而傷中者方得酬獎帝特寬此條  
以勸勤吏 四年三月二十五日詔自今縣尉鬪殺全

火賊資考當入令錄者授節察推官 五年五月二十

三日劔州言梓潼等縣俱當驛路望各增置主簿一員

從之 仁宗天聖二年二月詔瀘州江安等兩縣合佐

縣尉等自今除元是西川人及流外出身不注外取選

人情願者據資序注授官如在任別無遺闕得替即與

職事官酬獎仍與授官厯子分明 四年七月詔兩川

弓手自今不得雇人代役犯者許隣保糾告重行科罰

時呂夷簡自益州安撫回言川中豪民咸傭夫以代雜

役多得情農每執杖悉不得力故有約束 五年八月

流內銓言准詔開封府界闕簿尉於選人中揀無遺闕

有出身書判人材稍優者引見取旨權超資注擬今府

界簿尉有過滿員闕緣必得有出身人揀選引見欲望  
許於見該叅選合入判司簿尉人內揀有出身歷任無  
贓私罪或止是公罪三兩度者並引見取旨權超資注  
擬從之 康定二年八月五日中書門下言近令淮南  
等路添差弓手與舊同教閱武藝捕盜今慮縣尉中有  
貪濁昏耄欲令流內銓自今並選無贓罪年六十已下  
注授仍令體量如貪濫不公即依理施行止是年老昏  
昧臨事怯弱即與選人對換從之 慶厯二年四月詔  
如聞京東西盜賊充斥其令轉運司委通判或幕職官  
與逐縣令佐擇鄉民之武勇者增置弓手仍令流內銓  
選歷任無贓罪年未及六十者為縣尉以捕擊之 八

年四月詔開封畿赤諸縣簿尉不許他處奏辟 皇祐  
五年二月詔置南川縣主簿尉各一員從夔州路轉運  
司請也以川溪併入南川故有是請 至和二年十一  
月增置開封府祥符縣尉各一員 嘉祐五年十月置  
婺州義烏永康武義浦江四縣主簿各一員 神宗熙  
寧元年十月二十五日詔京畿縣丞簿尉除舉官外令  
審官院流內銓精加選擇內開封祥符二縣令開封府  
舉有出身經一任三考無贓私罪公罪徒已上曾有舉  
主三人者充從權知開封府呂公著之請也 三年八  
月二十三日提舉河北路常平廣惠倉等事王廣廉言  
一縣之事不以繁簡唯令簿尉三員又簿尉所職各異

苟有謬誤所職事者雖坐之而莫得救弊乞今後依舊簿專管勾稽簿書尉專管捕捉外其餘縣事並令通管如此則吏不增員事能協濟從之 十月二十八日京

西路轉運司言州縣人戶昨添差為鄉弓手後別無捕盜日限止是歲集縣尉司教閱一月放散其所置隨身器械入官架閣而令全免戶下賦役深為僥倖詔京東西淮南兩浙江南荆湖福建等路添差手並放罷 十二月一日詔全道郴潭邵永州桂陽監有溪洞蠻徭處縣分主簿縣尉及逐州監銀銅鉛錫坑冶監官令轉運司依川廣七路指射員闕就差條貫施行 四年十二月十三日侍御史知雜鄧綰言請於陝西河東沿邊城



寨稍大處置主簿一員從之 九年五月八日詔應係  
減放兵級弓手教閱義勇保甲地分縣尉令流內銓選  
差仍別立格 元豐元年閏正月二十二日廣南西路  
轉運司言邕州太常寨乞依陝西沿邊例增主簿一員  
從之 六月十九日詔滄州清池莫州任丘霸州文安  
大城秦州成紀隴城清水延州膚施延川慶州安化合  
水全州清湘灌陽邵陽武岡澧州石門慈利十八縣自  
今委三班院選差使臣為尉 二年二月十二日詔增  
戍州樊道縣主簿一員 四年正月九日詔開封祥符  
縣各省尉一員弓手二十人陳留等二十縣弓手亦如  
之以復置縣城四面巡檢二員故也 五年三月二十

八日提舉河北路保甲司言諸縣尉事外惟主捕縣城  
及草市內賊盜鄉村並責巡檢主管沿邊把截控扼巡  
檢兵級並依舊其定州望都曲陽北平唐縣祁州蒲陰  
保州保塞廣信軍遂成安肅軍安肅順安軍高陽永寧  
軍博野滄州清池霸州文安大城莫州任丘雄州歸信  
容城逼近邊界舊以使臣為尉其職事與內地不同鄉  
村盜賊恐難一例專責巡檢欲並令尉依舊條惟干預  
教聞從之 七月四日詔重法地縣尉並差使臣 九  
月十四日詔諸縣給納月分無丞處主簿非檢覆本縣  
災傷勿差出遇墜併權免縣事 十月十五日詔罷縣  
尉司指使撥與逐縣巡教官充指使 十二月七日樞

密承旨司言開封界諸縣及白馬昨城韋城弓手昨雖  
裁定縣以二十人為額其庸錢未經立法看詳縣尉既  
不管鄉村賊盜弓手頓減出入之勞所支庸錢當依諸  
路弓手定為一等一年正支錢三十千共減錢三千六  
百二十緡乞預先會校錢糧一處封樁從之 六年二  
月十七日詔定西城置主簿一員從李憲請也 七年  
十月四日權開封府界提點范杓等言諸縣尉專捕草  
市賊盜及通管縣務歲下鄉常以百數若省縣尉一主  
簿不能辦事乞依舊從之 哲宗元祐元年詔京東西  
淮南安撫轉運提刑司體量縣尉老疾不任職之人選  
官對移或奏具因依以聞 八月二十四日右司諫蘇

輒言舊法縣尉皆用選人人通歲並用武臣自改法以來

未聞盜賊為之衰息請復舊法詔除沿邊縣尉依舊外

餘並差選人元符元年正月二十三日三省言吏部

侍郎左選諸縣簿尉相兼處請不注流外人從之

二月三十日刑部言欲於編敕巡檢縣尉應承告強盜而

故不申徒二年字下添入重法地分條結集十人已上

者仍不以赦降去官原減從之徽宗崇寧二年七月

十五日詔重法地分縣尉舊差武臣處並歸本選依元

豐法選差大觀三年三月十九日詔訪聞諸路縣分

有令丞簿尉令知總縣事其尉專主盜賊若令丞簿差

出事故縣尉權攝縣事萬一有賊盜合行掩捕即恐職

事相妨難以出界襲逐可立法每縣常留令或丞簿一員在縣不許差出如非次偶闕州軍那差官權管勾所貴不妨縣尉捕盜職事立下條諸縣令丞簿雖有條旨許差出須常留一員在縣如非次見闕州郡差官權從之政和元年正月二十三日廣南西路經略安撫司言近廢龔州隸潯州依舊存留平南縣廢白州隸鬱林軍存留博白縣乞各置主簿一員管認元額賣鹽收稅從之四年四月八日集賢殿修撰知廣州張勵言潮州倚郭海陽縣地理最為濶遠傍臨大海道路險惡前後盜賊驚劫不常本縣止是縣尉一員責使巡警顯見力所不逮今相度既有知縣又有縣丞其主簿兩員委是

責輕事簡欲將一員改作縣尉量添弓手分定地界管  
認巡捕從之 六年十月八日吏部言秦鳳等路提舉  
保甲司申本路保甲地分無巡檢係差文臣縣尉合奏  
差武臣縣尉窠闕本司契勘鳳州河池兩當縣巡檢係  
管兩縣涇州并鳳翔府管界巡檢係管四縣至五縣已  
上巡檢合兼巡教一縣保甲外有其餘州縣分今來合  
與不合奏差武臣縣尉檢承 政和五年十月十三日  
詔大名府館陶夏津冀州棗強武邑水南宮六縣今後  
並令本路保甲司依條路逐試驗奏差武臣充縣尉應  
教保甲地分無巡檢係差文臣縣尉處並依此侍郎右  
選今勘當諸縣有巡檢去處令巡教解字所在保甲外

餘縣有巡檢不係解字所在及無巡檢縣分欲依前項指揮並許奏舉武臣充文臣縣尉兼巡檢保甲侍郎左選勘會有四縣共巡檢一員其四縣應干巡檢職事並合管勾切慮難以止限解字駐劄去處緣別路亦有似此去處從之 七年三月十四日詔沿邊巡尉武臣並樞密院選曾歷邊任有方略或戰功人充任滿無遺闕與酬獎 七月二十一日吏部言大名府安撫司乞元城縣復置縣尉一員仍將見管弓手一百五人分在東西縣尉下主管捕盜詔許復置餘依所申 宣和二年二月十五日提舉京畿京西路鹽香茶礬事司廬知原言私鹽及茶礬香盜販全籍巡捕官不住遍詣巡警則

私販不致透漏雖前後立法約束不能奉行欲乞應管  
下縣鎮於逐鄉村置粉壁一座依巡轄馬遞官法每月  
躬詣地頭於粉壁上親書出巡月日一月之間責其一  
遍亦不為勞如不親書及坐罪立法尚書省檢會政和  
勅諸巡尉下鄉巡捕應書厯而令人代書及代之者各  
杖一百欲依所請請巡檢縣尉應出巡而不出或限內  
不遍及不書粉壁者各杖一百從之 三年十一月十  
三日臣僚上言巡檢以巡捕為名迎送違令罪答縣尉  
亦有明文伏望於政和令巡檢不得迎送條內入縣尉  
二字從之 七年八月六日臣僚上言竊見兩浙縣自  
來係差文臣昨緣方臘作過武臣提刑楊應誠乞通差



小使臣係一時指揮賊平之後自合依舊欲望下吏部  
一面差文臣承替或令終滿令任庶官得其人民不受  
弊詔見今人令終滿今任今後差文臣淮南南路依此  
高宗建炎元年五月十七日提點兩浙刑獄公事高士  
瞻言兵戈之後盜賊時發皆緣巡尉怯懦不即撲滅以  
致嘯聚如本路巡尉有不堪倚仗之人許臣審量放罷  
不拘文武官選擇有材武心力合入之人踏逐指助教  
權縣尉去處多不用心彈壓盜賊欲乞本路見闕巡尉  
去處許令本司踏逐有心力膽勇選人使臣奏差一次  
詔令本路運司限一月差注如限滿無人願就去處即  
令本司具闕關提刑司許行奏差一次 九月十八日

詔沿江已差過第一次武臣縣尉免改正其再使闕差  
下替人並罷今後依格法差人 二十七日詔樞密院  
合差初置諸縣武尉指使許諸路逐州保明有材武大  
小使臣申樞密院銓量取旨差注 十一月十二日詔  
諸縣武臣縣尉不拘大小使臣如有丁憂之人權宜給  
假一十五日候至盜賊稍平復依常法應措置防秋處  
州縣依此 紹興元年三月十七日臣僚言福建路巡  
尉欲望特降指揮差訖具名申奏從之 十一月六日  
江南西路轉運司言乞依淮東提刑司已降指揮縣尉  
闕許令提刑司具名奏辟一次從之仍詔諸路准此  
二年八月二十五日詔縣尉有員闕去處下吏部限三

日速差其文臣縣尉不差五十以上人充 三年七月  
四日詔今後應犯罪之人不許對移充縣尉 四年二  
月十七日福建路轉運判官魯詹言防托把隘全籍巡  
尉乞令安撫轉運提刑司公共踏逐有風力材武之人  
連銜結罪奏辟從之 五月六日廣東路提點刑獄公  
事曾統言本路州縣水土惡弱多是闕官至有差攝癰  
老疾病及疲懦不任事之人令提刑司於本路見任官  
內選擇兩易其任見闕正官處令逐司奏辟詔依如徇  
情移易及奏辟不實者並依上書詐不實科罪 七月  
二十八日詔常州無錫縣添尉移就洛社置廨舍彈壓  
盜賊 七月十四日詔諸路添置武尉街內並帶兼巡

捉私茶鹽以提舉兩浙東路茶鹽公事蔡向請也 三  
年七月二十二日江淮荆浙都督諸軍事呂頤浩言據  
知常州俞侯劄子本州邊臨大江及太湖地分濶遠全  
藉巡尉防托本州四縣見任巡尉共一十二員數內有  
怯懦不可充捕盜官可以幹辦場務之人其監當官却  
有材武不諳場務職事欲乞許令本州兩易其候過防  
秋依舊從之 三年十一月三十日詔諸鄉村巡尉每月  
地界濶遠處聽巡尉更立分巡於要會處置粉壁州給  
印歷付保正副掌之巡尉所至就粉壁及取歷親書到  
彼月日職位姓名書字仍與本身歷對行抄轉 本身歷  
候過齋赴州印押州縣當日給還仍仰提舉茶鹽司

及主管官逐季點檢著為令從兩浙西路提舉茶鹽公  
事夏之文請也 十二月十五日淮南轉運司言乞將  
淮西諸縣所置武臣縣尉并弓手雖累降指揮相度廢  
罷緣即日尚有見置武尉等去處其所管添置弓手雖  
有六十人以上舊額緣見管人數多是不及六十人欲  
將武尉并弓手並行減罷所有見在弓手撥填文尉下  
見闕人去處如有剩數權於額外收管從之 四年五  
月十九日左奉議郎周綱言昨乞罷諸路武尉併新弓  
手續覩朝旨將新弓手撥填舊弓手闕額外武尉與文  
尉通管職事切慮紛爭事權拘占役使追者保擾鄉民  
其弊有不可勝言者若朝廷未遽罷去且令終滿今任

姑欲全其資考止可使勿釐務使其果有材武緩急可  
博遇有盜賊乞安撫司及本州臨時指名差使未為晚  
也從之 五年正月二十一日樞密院言兩浙江東西  
沿江海見任巡尉多是癯老疾病及疲懦緩急不可倚  
仗之人詔令逐州守臣逐一銓量如有似此之人於本  
州見任官內選擇有材武非老疾疲懦之人兩易其任  
不理遺闕即不得徇情移易仍具所易官職位姓名申  
樞密院日後令吏部審量差注 閏二月二十一日詔  
自今見任簿尉未經交割離任以前並不許輒從諸軍  
辟置及不得兼帶軍中幹辦職身專委監司常切覺察  
如敢隱蔽重寘以法 八月七日詔諸監司妄作緣由

非追呼巡尉弓兵將帶遠離地分謂出本界者杖一百  
著為令十年四月十一日臣僚言二廣諸縣縣尉多是  
恩榜或初出官等人應選緣今日艱難之際境內纔有  
盜賊竊發率疲懦畏縮而不敢進且乞一例選擇材武  
出身小使臣或軍功有勞等人充選候將來盜賊寧靜  
日依舊詔令本路安撫提刑司同共相度合差武尉去  
處申尚書省五月六日臣僚言乞申命攸司稍重巡  
尉嚴立禁令應地分內被盜而本保不以聞官與巡尉  
受報不即掩捕及容縱所領弓兵妄以搜索停藏為名  
強取財物皆重行斷罪守令監司知而不糾亦量加責  
罰詔令刑部立法十一年六月十三日成都府路提

刑李授之言嘉州峨眉犍為兩縣正係緊要邊面乞將  
兩縣見任文武縣尉改差武臣從提刑司選官具申川  
陝宣撫使司差注所有逐縣弓手各不滿六十人每遇  
蠻人侵犯委是關人防托乞每縣添置弓手各以一百  
人為額責委武臣縣尉專一管轄教習事藝以備邊塞  
防托從之 九月二十七日詔主簿縣尉依舊例帶主  
管學事結銜 十四年七月十五日知濠州李觀民言  
沿江諸郡間每遇官員客旅或諸色綱運有不逞之徒  
恣行劫掠乞下所屬嚴飭巡尉常令更互往來巡捕及  
遇諸處綱運入界即時關報前路官司仍護送至界首  
首交割若有疎虞其所經由去處並當按治詔令逐路



提刑司措置施行 十五年五月三日詔應見任巡尉  
候任滿令所屬批書任內有無食菜事廢公事如有候  
結絕了日方許參部若任滿失行批書自參部日與降  
一年名次 七月十二日詔省黔州彭水縣外尉一員  
從本路諸司請也 八月十一日詔滁州全椒縣添置  
主簿一員楚州山陽鹽城寶應淮陰縣尉兼主簿今後  
差注文臣並從本路諸司請也 十六年四月七日詔  
惠州博羅縣添置主簿一員從本路諸司請也 十八  
年二月十四日詔恭州璧山縣涪州樂溫縣忠州墊江  
縣萬州武寧縣大寧監大昌縣各置主簿一員從本路  
諸司請也 五月二十八日詔潼州府通泉飛鳥射洪

鹽亭銅山東關縣遂寧府長江青石遂寧縣果州相如  
縣合州石照巴川銅梁赤水漢初縣昌州大足昌元永  
川縣普州安居樂至縣資州內江龍水縣榮州榮德資  
官應靈縣叙州南溪慶符縣廣安軍渠江岳池縣榮州  
威遠縣叙州宜賓宣化縣渠州鄰山鄰水縣各添置主  
簿一員從本路諸司請也 十九年六月二十六日上  
諭輔臣曰福建盜賊漸已消弭惟海道間有作過者只  
緣巡尉不得其人可令安撫提刑司覺察如不可倚杖  
者須選官替罷 二十六年十月二十九日淮南東路  
安撫司言楚州盱眙軍並係邊地盱眙軍管下盱眙招  
信兩縣見今並係武臣縣尉本司今欲將楚州山陽淮

陰兩縣縣尉依盱眙招信兩縣體例並差武臣充仍乞選  
差有材武之人所有見任人發遣歸部依省罷法別注  
差遣詔並依內武臣縣尉令吏部選經任有材武年五  
十以下人充仍申樞密院審察 二十八年九月二十  
五日給事中楊椿等言知涪州程敦書奏縣無丞者簿  
得以貳令今有任簿之職者往往常求差出簿失於銷  
注鄉司得以作過乞下諸路監司縣無丞者其主簿不  
得差出及兼他職遵依縣丞法施行從之 二十九年  
三月十九日淮南路轉運司提點刑獄司言近降指揮  
無縣丞處主簿不得差出緣本路共管二十縣止有泰  
州海陵一縣有丞若主簿不許差出委是闕官選委欲

乞許令依舊從之 三十年正月二十九日知明州象山縣俞光疑言本縣管海洋濶遠接連溫台州界其間常有賊船結集竊見本州五縣尉司各管弓手八十餘名獨本縣額管四十五名乞依諸縣例添置八十名從之 三十一年八月十七日詔真州六合縣主簿依舊存留自今後如遇知縣排頓其主簿更不許差出 紹興三十二年六月二十三日 孝宗皇帝即位未改元詔

省准西光州固始縣主簿一員從安撫等司之請也

孝宗隆興元年正月二十八日臣僚言縣尉戢姦禁暴巡警殫壓一邑之政多任其責乞詔吏部本選今後不許差瘠老疾病年六十以上人充仍委長貳凡有差注

依知州知縣法銓量從之 四月十七日詔廬州倚郭  
合肥縣濠州鍾離縣和州歷陽縣壽春府壽春縣無為  
軍望巢縣屯軍去處各復置主簿一員從淮南路運判  
莫濛請也 五月六日知明州韓仲通言契勘明州外  
邑曰昌國曰象山皆居海中海道盜賊出沒全籍縣尉  
隨時擒捕若差武臣必能盡力欲望特降審旨兩縣各  
置武臣縣尉一員下吏部差注小使臣有材武年未五  
十歲人充從之 二十八日權發遣賓州張昂言本州  
商稅院及管下獨女鉛場各係小使臣窠闕稅額微細  
乞改作攝官却將本州嶺方遷江兩縣尉正作武臣窠  
闕令本路轉運司定差庶不失元額員數從之 乾道

三年六月十一日起居舍人洪邁言諸路州縣巡尉今後遇監司知通初到許量帶兵級出一程防護若凡值出巡經歷而在置司五十里內者許其送迎過此以外皆不得出從之 四年二月十四日宰執進呈知和州胡昉奏契勘本路州軍除廬光毫壽春四郡各係武尉餘州亦乞改差武臣上曰亦不必全用武臣文武通差可也若有不職帥司自可按來別差人去 五年三月十四日吏部奏京西路安撫轉運司言房州房陵縣尉昨制置使司奏請省併緣地分僻遠全藉巡捕彈壓係緊切窠闕不可闕官欲乞依舊復置從之 四月十二日戶部言知樞密院事四川宣撫虞允文奏官員白劄

予言近年鄉司作契却將經界出山簿隱藏官司無所稽考委自令丞無縣丞委主簿置櫃於縣廳上收掌上件簿書交替日依場務法委官監交結罪保明申州批上印紙方許放令離任從之 六年正月十七日吏部言乞將隆州新撥貴平縣籍縣各置縣令一員縣尉兼主簿一員仍舊本路轉運司准條使闕從之 六月十六日吏部言乞將淮東沿邊州軍文臣縣尉窠闕依淮西已得指揮改差武臣餘州軍自今文武臣通差從之 十一月十五日福建路安撫使提刑司奏汀州武平縣尉乞依舊差文臣從之 七年正月十五日詔嘉州峨眉犍為兩縣各置主簿一員先以成都路諸司言兩

縣近邊地里濶遠止有文臣知縣一員武臣縣尉兼主簿緩急邊界有警尉出巡邊如出納官物銷注簿書之類並無佐官協力故也 七月十二日詔復置廬州舒城無為兩縣主簿二員從權知廬州趙善俊請也 十一月二十七日詔和州烏江縣含山縣廬州梁縣無為軍廬江縣各置主簿一員從淮南西諸司請也 十二月五日准西安撫淮南轉運司言安豐軍壽春縣係倚郭戶口稍衆兼管大軍錢糧乞依舊復置主簿一員從本軍辟差從之 八年三月十一日吏部京西路轉運司奏房州昨乞裁減房陵竹木兩縣縣丞主簿共四員竊緣本州四縣已省併永清入房陵上庸入竹山封疆



潤遠復業人戶益衆兩邑主客萬餘戶縣尉巡邏無虛日緩急之際知縣親行縣道一空欲乞兩縣依舊各復置主簿一員從之九年八月二十一日荆湖北路安撫轉運提刑提舉司言乞將峽州長陽縣舊漢寨依東南縣例置文官西尉一員從之淳熙元年三月七日詔吏部將沿邊縣尉自今隨格通差文武臣仍須識字依文臣法令勅令所照應差注格法重別修定一體施行修立到條法如後一選闕縣尉限五日先注應材武親民人限滿無人就方許經任應材武監當人指射內郴州先注武舉出身人如無即依上法仍試書劄百字試中許差並不注癰老疾病年六十以上在部委長

貳若在外指射及奏辟定差即監司帥司或寄居州軍

知通並精加銓量一注闕縣尉魚縣尉司右注年未六

十不經體量怯弱弛慢并非有疾不任捕盜人諸應注

縣尉委長貳精加銓量在外指射及奏辟定差者即監

司帥司或寄居州軍知通准此乾道四年二月十九日

并乾道六年六月十六日勅淮南東西路諸州文臣縣

尉去處自今通差文武臣如同日指射即先差文臣次

大小使臣乾道五年九月二日三省樞密院言將京西

路極邊州軍差注武尉依淮西已降指揮通差文武臣

如同日指射先差文臣次大使臣指射大使臣指射即

差小使臣餘依本選格法所有廬州梁縣合肥縣光州

光山固始定城縣安豐軍安豐六安霍丘縣濠州鍾離  
定遠縣盱眙軍天長縣楚州寶應鹽城縣尉通文武臣  
先差大使臣次選人次小使臣侍郎左選武岡軍綏寧  
縣澧州澧陽安鄉縣邕州宣化武緣縣信陽軍信陽羅  
山縣廬州合浦縣辰州沅陵縣融州融水縣郢州長壽  
京山縣襄陽府襄陽縣尉通差文武臣如同日指射先  
差選人次大小使臣侍郎右選勘會除本選自來認定  
沿邊縣尉專差武臣小使臣窠闕去處從本部依見行  
條法已降指揮差注外今欲將沿邊文臣縣尉窠闕通  
差文武臣欲依尚書侍郎左選已措置事理施行從之  
三年四月七日詔武臣縣尉通理及五考得替到部

與依權巡檢法一等關陞 八月六日詔諸處弓兵獲  
到私販茶鹽如事狀明白依時給賞如弓兵縱容私販  
巡尉官坐視致有透漏並仰所部監司覺察以江東提  
舉趙師揆言弓兵捕獲私販而推賞止及巡尉乞定弓  
兵賞罰故也 四年二月十七日詔諸路遇縣尉陳乞  
賊賞酒體究是與不是躬親聞敵然後保奏 以吏部  
侍郎周必大言國朝會要天聖七年五月大理寺申請  
凡縣尉躬親聞敵捉殺賊全火十人以上合人令錄人  
並授京官仍賜緋章服至天聖八年又詔未合人令錄  
人止令循資乃知選人初官難用賊賞改秩今見合行  
條法非軍功捕盜只得循資蓋本天聖之遺意其後姦

樊日生凡縣尉因弓手捕到強盜七人其奏狀必云馬  
前三步親自<sup>提</sup>到以此為軍功捕盜例得改次等官乾  
道七年八年各五人九年八人則是三年之間僅有十  
八人逮淳熙元年一歲已有十八人二年十六人三年  
亦十三人而取會未圓者尚不在數使縣尉果有才勇  
手格強盜雖更加擢用初未為過其如假借弓級牽合  
人數外則州郡提刑司胥吏坐受計囑緝緝文款內則  
棘寺省郎審覆之際多以賄成使朝廷坐受欺罔輕畀  
爵秩望詔勅令所參考新舊賞格分別輕重稍為限制  
仍申飭外路遇縣尉陳乞賊賞更切體究是與不是躬  
親聞敢然保奏庶幾革去偽冒有功者勸故有是詔

七月二十一日左司諫蕭燧言捕盜官應格改官將以勸功而姦生詐起往往揆足人數遷就獄情求合法意所以捕盜改官者甚多乞詔勅令所改修成法止與循資從之既而吏部言未降旨以前申奏到部之人依條合依立功時格法酬賞詔見在部收使獲盜改官人與依舊法施行五年十二月十六日詔吏部右選自今遇注縣尉令赴銓量讀律成句或擇易曉一二句問之略通方許擬差七年五月二十九日詔自今恩科出官人年六十依格不注縣尉雖破格亦不許注見任人不職弛慢者令監司郡守踏逐對換從江西提舉陸游請也十月四日右正言葛邲言自今選人初官有

捕盜酬賞乞候終任日無過犯始得陞改從之 八年  
八月二日詔贛州寧都縣兩尉舊差武<sub>臣</sub>自今東尉改差  
文臣見任人令滿今任已差下武臣依省罷法先是寧  
都父老詣縣言本縣兩尉舊並差文臣未嘗闕事後因  
臣僚申請差武臣本縣文臣止有知縣縣丞主簿三員  
武臣却有巡檢一捉殺兩縣尉共六員或知縣不測在  
假及丞簿差出無官權縣又如檢驗若初覆檢盡差武  
臣恐有失當州上其事故有是命 十年十一月九日  
臣僚言萬州南浦縣漁陽鹽井歲收鹽一十四萬六千  
三百餘斤從來以南浦縣主簿兼監鹽井去縣八十餘  
里主簿例多恩料老繆之人不能鈐制姦黠緣此每年

拖欠不下四五萬斤乞將漁陽鹽井專差監官一員而以南浦縣尉兼主簿從之 十一年五月十六日詔鄂州蒲圻縣主簿改作西尉仍兼鄂州蒲圻臨湘新店市鎮蕰湖盜賊烟火公事 臣僚言鄂州蒲圻縣四十里有市曰新店民戶夾溪而居南岸數百家則屬蒲圻北岸百餘家則屬岳州臨湘縣去縣甚遠北有蕰湖廣數百里皆盜賊出沒之地乞以蒲圻縣主簿分領捕賊而移主簿於新店為蒲圻縣西尉兼領兩縣新店及蕰湖盜賊烟火公事凡杖七十以下皆聽裁決且於本縣弓手額內差撥一十名別增二十五名充西尉司弓手令兩州縣應副錢糧下本路安撫提刑司相度稱經久



利便乃從之 十一月二十一日紹興元府南鄭縣添  
置縣尉一員通差文武官從利州東路安撫提刑司請  
也於縣南九十里地名米倉埧置司以南鄭縣南尉繫  
銜兼主管米倉市 十二年二月十二日權戶部侍郎  
葉翥等言近日二浙私鹽公行略無畏避巡尉任滿不  
過宛轉請囑提舉司保明却以無透漏推賞雖曰止得  
占射差遣一次然亦不可妄予乞將提舉司保明巡尉  
合得無透漏賞到部之日未得便與放行須自戶部行  
下權貨務契勘本人在任月日本州軍住賣鹽額有無  
增虧如住賣鹽額虧即是巡尉任內必有透漏私鹽難  
以與賞若住賣鹽及額所合得無透漏却與依舊放行

從之 八月十九日福建路安撫使趙汝愚言本路汀  
州興贛州為鄰常多寇盜全在巡尉得人庶能彈壓乞  
令吏部今後汀贛兩州縣尉闕不許注恩科出身人如  
榜闕滿一季無本等人願就者聽武舉出身人通注其  
已差下人候到任從知通銓量如昏謬不能任職其姓  
名聞奏詔權依 十月十四日吏部乞將汀贛二州縣  
尉非次闕榜五日專許武舉出身親民人指射先差大  
使臣次小使臣限滿無人願就許武舉出身經任監當  
人指射長貳精加銓量從之 淳熙十六年十二月九  
日江<sup>東</sup>南提刑司言寧國府太平縣尉高世楨獲到私鑄  
銅器六百一十斤乞行推賞詔與轉一官 紹熙元年

四月十八日詔後恩科人年及六十不許注縣尉 二年五月十一日詔黃州黃岡縣上巴河添置東尉一員從前知黃州李揖之請也 三年四月九日詔安豐軍六安縣故步鎮添置縣尉一員從淮西諸司之請也 六月十六日利州東路逐司言大安軍指使三員內將一員改作大安軍尉吏部勘當乞差注年未六十選人如無選人願就即注小使臣先親民次監當資序應材武人並銓量定差從之 慶元元年正月六日江西安撫司奏吉州永新縣民物繁夥舊來縣尉例是文階向因茶寇為梗遂改差武尉自此深為民病乞今後永新縣尉仍舊令左選差注從之 嘉泰元年三月二十四

日詔婺州東陽縣添置縣尉一員 先是臣僚言東陽  
為婺州難治之縣而永寧又為東陽難治之鄉蓋緣此  
鄉都分濶遠跨涉紹興諸邑風俗慆悍人戶積年稅賦  
不輸官司遣人追逮則聚集毆擊巡尉亦望風奔避前  
後如此者屢矣請於永寧鄉增置尉司一處弓級百人  
其創置之詳乞委自本州守貳從公相度施行實為永  
遠之利既而婺州奏永寧鄉果是東陽尤僻去處增置  
縣尉實為利便所添縣尉合以東尉為名緣建置之始  
乞差文官詳練有材力人建立規模東陽一十四鄉合  
分為二扇兩尉共管九鄉巡檢管五鄉諸司保奏來上  
故從之 十一月十二日浙東提刑曾喚奏在法縣尉

闕官許於寄居待闕官內選差權攝蓋為警捕盜賊其任稍重科舉之年縣尉有出身人當差充考試近年以來專以闕應副人情於是民之受害始有不可得而言矣乞特降指揮立為定制自今縣尉差充試官止令丞若簿兼攝不須於寄居待闕內差若丞簿尉皆有出身仍須存留一員以備兼攝不許盡數差出庶革權官乘時為害之弊從之 二年十月二十四日詔今後如有極邊縣尉窠闕並注年未五十人如係兩淮通差闕即先差小使臣次選人不許注授不應材武之人 三年五月八日詔迪功郎嚴州建德縣尉楊圭特與循兩資以本路漕臣奏嚴州烏龍山虎豹出沒傷民害旅圭

能措置驅捕勦絕乞行激賞故有是命 四年正月二十三日詔紹興府諸暨縣添置縣尉一員 以守臣辛棄疾奏楓橋鎮浙東一路衝要之地乾道間嘗陞為義安縣至淳熙初復罷為鎮止有鎮稅官各一員無事力可以彈壓姦民無忌憚乞增置縣尉一員以武舉初任人注授故有是詔 十月三日詔今後贛州興國寧都寧都三縣尉闕令吏部注授武舉出身及曾任縣尉無過犯人從守臣趙時逢奏請也 開禧二年七月十日臣僚伏覩諸州縣尉多注恩科及吏職往往皆年老昏耄不能嚴於紀律勤於追捕乞專委諸州守臣銓量巡尉如有年老昏耄不堪任職之人即與改授祠祿若年

高精力未衰之人即與管下主簿或監當對易職任其  
已注未上之人與別官兩易差遣仍今後應恩科吏職  
雜流非材武之人不許注授從之 嘉定元年四月十

八日詔罷衢州西安縣南銀場監官添置西安縣西尉  
一員以選人充與東尉分界管幹兼領銀場酒稅職事  
以守臣孫昭先奏西安南接處之遂昌北抵嚴之遂  
安相望三百餘里止有一尉惟是管下銀場監官一員  
拘收課利兼管酒稅烟火後緣廢敗酒課坐糜俸廩官  
為虛設故有是命 九月七日准西運判張孝仲奏奉  
旨本路見任知縣縣令許諸司審量有不勝任人選辟  
承替其縣尉巡檢監鎮欲乞一體審量或有不稱職許

從辟替詔從之准東準此四年四月十八日四川制置  
大使司奏天水縣尉因縣改建為軍遂作軍尉今仍創  
縣乞將天水軍軍尉改充天水軍天水縣尉兼主簿職  
事從本司於左右選內通行選差從之十月七日詔  
郴州添差兵馬監押一員改入在選為桂東縣尉五  
年三月二十七日侍御史徐宏言竊惟選人作尉獲賞  
者一朝及格即遂通班所以重人命而戢盜賊也今格  
當作尉者希覲醲賞多擬窠闕於濱海州縣故其到官  
之初不務弭盜而願多盜鍛鍊旁及於無辜牽連湊足  
於人數有本非兇惡彊盜而用財買噤故入其罪者有  
以任內所護之盜積一名兩名而湊成全火者亦有踏



跼蹐曳而稱馬前三步躬親聞敵者妄冒成賞請托保  
明初無履歷之素而遂有改秩之榮乞行下諸路提刑  
司自今凡作尉獲賞者仰於任滿日勘會在任獲賞之  
後有無透漏羣火盜賊申聞省部如有透漏即前賞不  
許行用其有本非彊盜不係全火跼蹐曳濫希賞格  
者仰嚴行覺察許人陳告得實卻從省部改正以為縱  
盜弛職僥倖冒濫之戒從之 二十九日左司諫鄭昭  
先言建隆中以初罷鎮將重令尉之權首頒捕盜之令  
立為賞格許以捕盜改秩蓋賞當乎功寧過於厚然又  
慮其干名倖進相與為欺也故立為馬前三步之制謂  
遇敵格鬪萬死一生以此償之良不為過比年以來此

意寔失固有巡檢捕獲賞無所用而宛轉買囑者有之  
亦有等級捕獲尉初不知而攘為己功者有之甚至所  
獲之盜不過數人而鍛鍊無辜以足其數者又有全無  
贓證率是平民而囹圄捶楚抑勒承認者且彊盜竊盜  
刑名不同臣近觀廣西憲司申奏梧州司曹忘稱攝尉  
逼脅平民鞠而為盜前後郡守縱吏成就之得旨已從  
鐫降勘鞠此特因事敗露耳似此之類不一而足乞於  
刑部俾申嚴馬前三步之制仍戒勅監司守臣如或保  
奏必須詣實其有徇情挾私如臣所陳乞併治其欺罔  
之罪庶幾功賞不至冒濫從之 七年八月六日京西  
路安撫司奏襄陽府屬邑惟南漳最為闊遠除知縣外

止有一尉巡捕一尉不能遍及諸都其巡檢一員又隸  
襄陽宜城南漳三縣至本縣百餘里設有盜賊委難應  
援又況外當邊面之風寒內歸峽之心腹揆之事宜合  
增置縣尉一員分任巡邏警捕之責文武通差請給並  
依正官從之 十一月二十四日權知楚州趙仲楚奏  
本州鹽城縣有同門堰市居民日繁商旅所聚惡少縱  
橫闕訟滋多亦不可無官司彈壓本縣佐官有簿尉二  
員其主簿職事至簡欲將主簿省罷併令縣尉兼管卻  
於同門置西尉一員仍乞差武舉人與本縣尉通管海  
道庶幾緩急有以相濟從之 八年八月十八日京西  
湖北制置司奏郢州所管長壽京山兩縣各止有尉一

員近年以來流民猥聚詞訴亦繁若所差尉或是武臣不通文理難以倚仗欲將兩尉自後各差注文臣從之  
九年十二月十七日詔天水軍移就天水縣舊治其  
天水縣置縣尉一員仍兼主簿令四川制置司選擇一  
次十二年七月二日樞密院言縣尉之職以警盜為  
先不得其人則害可勝言我六合四年前後兩尉皆出  
於進納彼其初以資得之龍斷之念駟僧之態蟠結于  
中安知官業之為如何選部以其初筮不問其地之緊  
慢人之賢愚例以尉授之而不知利害實絕欲乞自今  
有擬注淮邑尉者必先問其出身精加揀擇有如進納  
之人止授之以繁難監當將見任人令監司精加揀擇

堪任職守人許令終滿其已差未赴人令赴部別注授  
合入差遣及自今後雖依條破格亦不許注授從之  
十二年九月二十一日臣僚言伏見衢州西安縣知縣  
丞簿之外元止一尉而已因前知州孫子直以西安縣  
疆界廣濶申乞添置一尉為東西卻廢罷本縣南銀場  
監官俾西尉兼總其事西尉乃居城闔遇有幹旋行出  
鄉似若優閑所隸弓手五十名雖於東尉司撥到二十  
名外初立三十名月支庸錢歲計一千六百二貫未免  
均敷於民以贅員之官徒為民困今欲復省而廢之所  
隸弓手二十名撥還東尉司外餘人住罷及將西安縣  
每歲增科沒錢一千六百二貫亦行免敷所有南銀場

人烟稀少不成井邑兼在山澤之內月收課額併令東  
尉掌管龍游縣亦係繁劇去處與西安江山兩縣事體  
一同西安江山乃有丞簿尉三員分領其事獨龍游縣  
止有縣丞及縣尉兼主簿二員而已緣本縣管下一十  
一縣城四十九都路當孔道稅賦繁夥周回數百餘里若  
遇差委或丞尉有他故更無別員司差今欲廢罷西安  
尉卻於龍游縣置主簿一員俾職任各得其當從之  
九月二十九日詔沿邊縣尉年六十已上人並不許差  
注詳見知縣門  
十三年四月十日臣僚言竊見曩者郴  
冠之發上關朝廷優顧下而江西湖南廣東三路俱受  
其害伏自賊平之後朝廷創置衡州邵縣郴州桂東縣

資興縣正欲令佐得人協力以安百里銷患於未形令  
職撫字丞簿佐之巡尉警捕俱不闕官訪聞近來多是  
經營差出或占留諸司本州簽廳其本職卻別委官暫  
權多是差恩科或右選雜流之人緩急不可倚仗殊失  
朝廷創縣置官之意乞下湖南諸司及衡州郴州自今  
桂東資興邛縣三縣官並不許巧作名色差出別差權  
攝仰史臺覺察其權攝人並目下還任庶幾三色俱有  
正官仍乞行下吏部不許注恩科人其巡尉止許注武  
舉不許右選親流人通注庶幾不至生事引惹邊隙從  
之 七月二十六日臣僚言竊謂方今改秩之法惟盜  
賞為僥倖牽附會上官通融惟以金錢賂道吏胥事蔑

不濟所馬前捕獲徒虛語爾頃者議臣厭其偽濫欲盡  
廢磨勘乞與循資事竟不行僥倖如故凡今尉曹賞改  
多在中州事簡倖優不涉勞苦非分之福甚於邊功臣  
嘗親見窮邊一尉嘗以多事萬死一生於戎馬間追逐  
官軍護餉或部領民兵守險或能掩捕田里剽掠或能  
消弭亂姦民曾不得比附僥倖之徒希榮脫選三邊  
事體勞苦一同或死于虜兵或死于奔命了無褒異疇  
肯激昂且竊見每歲班行酬賞八員明知僥倖法難輕  
廢且乞歲減二員以處極邊縣尉軍興以來凡奮不顧  
身宣勞疆場人所共知者本任內前後曾獲兇惡強盜  
通計七人以上不拘全火不必馬前獲許其陳乞仰



與寨官

施行從之

淳熙元年十二月五日詔紹興府諸暨縣

本郡開具已斷獄案仍述本官才具在任勞効申聞帥憲覈實公共保奏取旨注籍比附酬賞班引西蜀保奏如之歲放通不過兩員或保薦未到許令次年補足如此則極邊諸縣盡得佳尉他時邊境需才緩急可以用其與端坐內地僥倖通籍者萬萬不侔臣今所陳非欲陛下輕改成憲權宜激勸邊事定日仍舊不待勘當不須體例聖君所行即是故事如臣言可采乞賜睿斷

楓橋鎮烟火公事專差文臣一員其武臣主管監稅一員仍舊從守臣錢端禮請也 五年十二月十六日詔

吏部自今注縣令尉及監鎮兼烟火公事再令讀律長

貳詳加銓量 以吏部侍郎程大昌言在法小使臣授  
縣令縣尉及監鎮元蕙烟火公事須經銓量乃注而從  
來銓量止是審驗瘡老疾病未必能通文義乞自今銓  
量並令當面讀律或擇易曉一二句問之須通方許擬  
差庶幾銓量不為虛文故有是命 十一年七月二十  
八日四川安撫制置使留正言乞於黎州東南邊大渡  
河上修築要衝城移兵屯守所有知要衝城官乞下本  
司作員闕奏差令成都府路轉運司應副請給二年為  
任與依關外四州極邊體例推賞從之 十二年十一  
月十五日臣僚言紹興府餘姚縣眉山三山廟山諸寨  
皆係沿海控扼去處內安撫司水軍統轄眉山寨駐劄

一員三山廟山寨官各一員并明州沿海制置司海道  
幹當使臣三員並專以捕盜為職累政相承皆係諸司  
辟差往往夤緣請求不可倚仗乞將上件窠闕悉歸吏  
部詔今後令吏部於大小使臣中選差有材武諳歷海  
道之人充 十三年八月二十七日以前邵州瀘溪知寨  
劉昌齡言湖南沿邊防守知城堡寨官除請受在本州  
軍支給外其供給錢逐州軍公使庫例給歷頭令於本  
寨自行措置緣此每遇蠻獠因事赴寨陳詞例將理虧  
人科罰錢物充供給錢詔今後並就公使庫按月支散  
如或科擾重寘典憲 十四年六月二十二日詔黎州  
盤陀寨依安靜要衝城等體例施行 四川安撫制置

司言黎州三面與蕃蠻接境先來本司措置就形勢控扼處建置寨柵以為經久備禦之計內西南邊置安靜寨係防吐蕃羌路東南邊置要衝城寨係防邛部川等蠻路西邊置盤陀寨係防五部落路並係緊靠邊界瘴烟之地除要衝城寨官已得旨許理為員關任滿依關外四州官推賞外餘盤陀安靜兩寨官皆未有推賞格法內盤陀寨未準指揮理為員關所以久無官願就乞將黎州盤陀寨依要衝安靜城寨官體例理作員關從運司應副請給其盤陀安靜知寨仍乞許從本司選差具申樞密院給降付身任滿日並依要衝城寨官體例比附關外四州官賞格推賞所貴邊體均一有以激

勸故有是命 淳熙十六年八月十八日詔隨州隨縣  
唐城市仍舊改為唐城鎮置監鎮官一員兼管本鎮烟  
火公事仍於文武臣內通行差注從本路諸司請也  
紹興元年正月十七日權發遣黔州黃旦言今後差注  
洵寨官必選有材武人庶幾緩急可以倚杖從之 二  
年二月一日四川安撫制置司言臣僚奏照得碇門元  
置知寨止為彈壓訓練以鎮邊壘今與收稅殊失大體  
威重不行欲於知寨外別差稅官一員專令收稅勿與  
寨事其知寨乞從制置司鈐量按試諳熟邊備精於武  
事者差充本司乞於雅州見任釐務指使內省併一員  
差管碇門寨商稅外所有碇門知寨乞自朝廷差注或

從本司量度人材選差專一主管烟火彈壓邊面詔其  
知寨官令制置司選差 七月十一日湖北諸司言江  
陵府松滋縣澧州澧陽縣管界巡檢乞移就西平市置  
寨彈壓從之 三年三月四日福建安撫司言浦城縣  
查源洞賊平之後措置欲將左翼軍官兵三十人存留  
在臨江鎮彈壓他時朝廷或有調發亦不妨抽撥從之  
八月十二日廣西諸司言照得萬安軍調置知寨兼  
帶地爛博教烟火賊盜公事委與縣官相妨乞今後差  
注調置知寨許令兼帶統轄博教地爛忠義民兵結街  
吏部勘當欲將調置知寨兼本路分巡檢窠闕街內添  
入統轄博教地爛忠義民兵從之 二十五日知峽州

朱皆請移三州巡檢於土溪置寨從之

全唐文

宋會要

鎮將

掌巡警盜竊唐有品秩五代已來皆節帥自補親隨與縣令抗礼公事專達于州自建隆二年置縣尉主鄉盜賊鎮將所主止郭內而已仍統於縣副將兼領都虞候又有鎮典主文簿案所由供役使無定數太祖建隆四年四月詔汪原邠慶等州長史不得補蕃人為緣邊鎮將太宗太平興國二年詔藩侯不得差親隨為鎮將自此皆用本州牙吏為之亦有宣補者真宗景德二年八月詔益梓利夔路舊鎮將不得捕鄉村盜賊及受詞訟哲宗正史職官志諸鎮監官掌擊邏盜竊及煙火之禁無



征稅權<sup>舊</sup>醕

則掌其出納會計神宗元豐元年閏正月七

日詔廣南西路沿邊塞鎮使臣自今並依五路舉官條

奏舉權免取願就狀候文人入貢取旨以本路經畧司

言沿邊塞鎮使人年滿及見缺無人願就故也五年十

一月六日廣南東路轉運判官徐九思申東海有島曰

香山嶠佃戶主客共五千三百三十人欲置香山鎮差

監官一員主煙火盜賊從之哲宗元祐元年二月二十

一日詔諸將兵在鎮塞非將官駐劄者監鎮塞主依知

縣法司管公事著為法徽宗大觀元年九月四日京畿

計度轉運使宗喬年奏乞應京畿下諸鎮已有武臣處

只令專管酒稅外別差經任文官一員管勾鎮事仍兼

酒稅其民旅糶穰見無監官去處亦乞依此差官乞自  
朝廷差往或許臣具名奏辟一任並從之三年六月十  
四日詔大觀元年九月內京畿諸鎮添差文臣指揮更  
不施行政和四年正月二十四日兩浙轉運司言湖州  
安吉縣梅溪鎮監官不管轄監中煙火居民畧無畏憚  
今相度欲令本鎮監官就兼煙火公事從之

宋會要

牙職

太祖開寶四年十月知邕州范旻言嶺外十州風土甚惡縣鎮津口稅賦失額州主令佐皆是衙前職名及土人補置因無廩祿非此色人不易以住慮言事者或請遍除職官廣屯兵士未知嶺外所入則少朝廷所費則多制置之時別有宜便詔依舊例差衙前勾當太宗太平興國二年三月二十二日以諸州所籍送當隸牙校者凡百人具九十五人補殿前承旨五人老病遣還先是方鎮候伯得自補子弟為軍中校既死其子弟因父兄財力率豪橫奢縱民間患之太宗在晉邸悉知其事故即位之始盡命諸州籍其名部送至闕下以賤職

羈縻之八年五月詔諸道州府軍監衙前使院客司通  
引官多是知州通判臨替徇情額外添人薦越遷補自  
今並須依次轉補及不得額外別置名目添人如日前  
已有此類並須改正如違許諸色人論正犯人當行配  
決告事人支賞錢二百千犯事人家財充賞其干繫官  
吏等並當除名新官到任後不舉覺亦連坐之 真宗  
景德四年三月詔開封府職員孔目官勾押官至前後  
行自來元不定遷轉年限今後並五年一遷逐度具功  
過以聞六月詔諸州軍解奏牙校守職年深乞班行者  
自來例補借職若係藩方者即人員數多計其歷職久  
而方遷今後可特補奉職大中祥符四年十一月詔開

封府使院職員前後行等特因轉補職名如有見闕更  
不轉補候逐司却及舊管職名人數內有員闕即依舊  
例施行 八年正月詔三京及諸道州府軍監衙前使  
院職員等有受入已贓依法不至徒刑勒停見充散押  
衙者今後經恩特與降等收條或定額已足即令守闕  
如有闕亦依例還轉內有元犯枉法贓并勒充衙前散  
職後再犯入已贓並依舊名目收管經恩不得收條應  
三司開封府過犯公人自來赦文該叙理者除犯入已  
贓及徒刑外餘並許於刑部投狀送所屬處勘會元犯  
因依以聞當與量所犯等第收叙 八月詔開封府應  
管牙職將佐都押衙左知客押衙左番通引官行首並

壹處遷補仍具新定資級以聞 舊例叙遷至牙職之首即府以聞補充班行至是本府以押衙知客權行首各奏歲滿出職故有是命 九年九月開封府言定衙吏為三等左右都押衙為第一等以五年出職客司左右知客押衙為第二等六年通引同左右番行首為第三等七年並出職其職員不立等第有關即本司次補從之天禧二年十月詔逐路轉運司奏諸州軍都知兵馬使供職年限者詳有一二年或二年一替之處例各不同自今並二年一替 二年十二月詔諸路府州軍監自今都知兵馬使年滿並先申本路轉運司委使看驗人材書堪任班行差使即得發遣赴闕如選懦不習

書劄及老疾不佳差使者却送逐處與攝長史司馬

五年七月詔廣南州軍都知兵馬使陳廣邕桂州每及三年無過即試驗送闕下自餘滿日並試驗具入仕件析奏裁

仁宗天聖元年十一月詔宜州最處邊陲接

西南蕃南丹州控帶蠻洞其衙前職員累經差使甚有勤績自今都知兵馬使三年滿依例赴闕與班行諸處不得援例

四年正月詔應諸州軍州院勾押官已下

條節級名目者如犯入已贓依法不至徒刑勒停該赦

叙理者比類使院勾押官已下倅例與衙前散押衙名

目不得隨例遷轉

七月三省言夔州路轉運司運轄

下十二州軍使院都孔目官勾押官職滿安排勾當名

目內十一州軍已有舊例難議改更外有兪州使院都  
孔目官年滿取便歸農自今於本州守關教練使安排  
更不歸農從之 十月樞密直學士薛田言益州見管  
職員文帳內有歸明軍將後行四十餘人即今只有十  
餘人乞與除落歸明二字從之 六年七月開封府言  
在府使院十一案每日行遣錢穀稅賦及刑獄諸般文  
書不少欲乞添置守關勾押官壹名已後為額與都孔  
目官同共繫書點檢諸司公事從之 十月臣僚上言  
伏覩豪民於防團刺史以上武臣門館希求牒帖補充  
教練使衙內指揮使或內知客子城使以至押衙迴圖  
軍將者竊緣並是元隨之人止可供身驅使而外道豪



民求此名曰凌駕州鄉兼并縱肆官吏至有陪接者欲  
乞自今武臣品秩合說補置牙校者止得於隨行人內  
收補更不得以豪民充從之 八年二月南京言當京  
自來並無長入衙前轉遷條例昨自建京後來牒西京  
會問留府兩衙分到衙前所管職員都知兵馬使一人  
左右都押衙二人都教練使一人左右教練使各一人  
守闕教練使一人押衙三人並三年一轉至都知兵馬使  
三年滿出職如願在班行即押赴闕如不願者與攝長  
史司馬遷轉之時如闕職名人數將舊管長入軍將從  
二名排連資序轉充押衙守闕都教練使左右教練使  
都教練使左右都押衙都知兵馬使乞依此條例從之

四月知濱州崔有方言欲乞應諸州軍年滿得替理正  
押司錄事如差充衙前年滿願永充衙前者並依見在  
職承引客司等例據入仕年月次第相對遷轉所貴願  
充衙前人見此遷轉職名體例漸次別為招誘從之  
景祐元年二月十五日權三司使范諷等言准詳定衙  
前人乞除川陝廣南福建兩浙等路且依舊外餘路招  
召不曾犯徒刑有戶貫人充候及三周年不犯徒罪無  
官物綰繫願上京充三司軍將令本州申三司抽填差  
使詔三司軍將如不至闕人且仰住招候招到人額內  
數足即更不得抽差鄉縣人充餘從之十月九日詔州  
府都知兵馬使今後年滿合得奉職者與借職借職者

與三班差使殿侍並三年滿無贓罪轉一資 五年二月十七日詔衙前軍將身死並依客司承引官名關許本家骨肉承填 寶元二年八月十二日以府州都孔目官勾當府谷縣折諫為借職是州境皆党項部落堡人戶稀少朝廷但以孔目吏掌縣事教練使為獄官時知州折繼宣蒞事不法罷去諫常依倚為姦轉使奏罷縣事授借職羈縻之司理院許選牙職不犯徒者充皇祐四年十二月詔諸州衙前在緣邊廬役者止今主管官物毋使管勾公厨茶酒帳設司違者以違制坐之嘉祐三年十一月詔諸路轉運司開封府界及府界提點司体量衙前差配主持買納官物及押綱之類有害

民者條奏之五年二月知雄州曹偁言幽州入社清  
自來與雄州刺史宜今事覺罕家來歸請補外州一教  
練使給良田數頃仍給月俸從之以上國朝會要 神  
宗熙寧三年十一月二十二日定州言使院都孔目官  
乞依太原府都孔目官例年滿赴闕與下班殿侍本州  
指使一年轉運三班差使詔太原府年滿推恩指揮今  
後更不施行 哲宗元符三年六月十七日試尚書兵  
部侍郎兼權吏部侍郎黃裳等言契勘諸路都知兵馬  
使年滿轉補三班差使借差在元豐條到部應副  
日收入住程指射差遣元祐立法乃許歸本州或本路  
管押綱運仍依召募得替官員支給路費係短使者即

理短使係住程者即理在職月日今省詳在部人合應  
副短使一年以上無關方許收入住程若獨許衙職出  
身之人就便出外管押綱運理當短使顯屬僥倖今欲  
乞依元豐條格施行惜差從之其元祐指揮更不施行

徽宗政和三年二月八日中書省言契勘今天下諸  
州軍因仍五代藩鎮之弊胥徒府史有子城使教練使  
都教練使左右押衙左右都押衙中軍使兵馬使都知  
兵馬使名祿鄙俗今董正治官革去因襲擬釐改作都  
史副史介史公皂衙皂散皂上隸中隸下隸從之其請  
給遷補出職之類並依逐州軍見行條法施行以上續  
國朝會要 高宗建炎三年四月八日詔應殘破去處

監司州縣人吏並減半不經殘破去處減三分之一自  
今移文務從簡者 十月一日臣僚言諸縣吏人自定  
額比年以軍興為名多自添置百姓因事到官則群乞  
覓少不如意則舞文巧詆無所不至欲望行下逐路轉  
運司諸縣額外人數並限日下罷免妄作名目留者許  
諸色人越訴詔行下諸路依近降裁定人數施行 四  
年七月二十七日詔應換授班直親從官差充諸州軍  
縣指使依已降指揮於令之任候任滿日更不差人  
十月二十四日樞密院言諸班直親從親事官已降指  
揮保義郎已下差諸州軍指使未曾立定人額詔每州  
各以五員為額內已過數人任滿日更不差人仍以先

到仕為額 紹興元年八月六日戶部言吉州申昨來  
衙前舊法係稱都知兵馬使等名目及本州人吏  
係稱都孔目官等名目後准指揮衙職改都吏人吏改  
典史等契勘建炎元年六月十六日勅開封府官並依  
舊制諸州軍府准此竊恐都孔目官等并衙職等名稱  
亦合依舊詔諸路監司州縣衙職人吏並依舊制稱呼  
三年十二月十五日淮南轉運司言建炎三年四月  
八日赦應殘破去處人吏並減半不經殘破去處裁減  
三分之一今來文移減少民訟未多欲乞淮西州縣已  
減上更減三分之一如將來民戶歸業事務繁冗許  
從州縣申請乞行添置其州縣如有更願減者聽其減

併從之 八年三月六日詔監司州縣等處吏人犯罪  
但已曾編配或於法本不合編配而情重法輕有司酌  
特行編配之人雖會恩或依條放還或改正過名並不  
許收叙亦不得投充他處名役從之 五月二十三日  
臣僚言州縣吏人各有定額中昨三分減一而官吏循  
習務為容庇往往過數存留望申嚴法禁令後專委提  
舉常平司覺察從之 九月二十一日詔諸路監司州  
軍人吏見帶校尉以上名目之人不自陳解罷依舊充  
役者徒一年官司容庇杖一百 以臣僚言州郡舊制  
人吏每遇考課推其年額最高無罪犯者補攝叅軍號  
為出職未有得為品官者唯節鎮衙前每歲解發一名



補承信郎近歲以來寢失舊制監司州郡執役人吏當  
緣軍興之際奏功推賞竄名其間例蒙授以品官一州  
不下數人高者至保義郎下者進武校尉且以近地數  
州論之平江府尤甚為後史而帶行階官固非舊制而  
又仍舊掌行文案未嘗罷役參選故有是命 十二年  
九月八日臣僚言州縣往往擅自增添人數額外收補  
充手分貼司鄉書手并存着私名貼寫之類及收叙犯  
罪勒罷吏人入役并有斷配他州者輒敢不往配所依  
前家居或存留在案充私名貼司恣其作過伏望令戶  
部檢坐敕條行下諸路專責通判先日本州軍及遍詣  
管下點將額外增置及斷罷不應充役之人并存着私

名貼寫之類並日下放罪所有斷配之人如尚留本家  
即收捕依法施行訖嚴切押往配所交管其州縣違戾  
之罪乞權貸免自後有犯論如常法仍令部使者常切  
覺察詔令戶部檢坐見行條法行下仰諸監司按察如  
失舉劾令御史臺彈奏 十三日赦勘會監司州縣公  
吏自有裁定人額後因泛濫收係及令負犯人員名充  
役蠹害百姓累加約束近臣僚奏陳又降指揮令戶部  
檢坐條令申嚴仍委監司按察尚慮上下容庇奉行減  
裂限赦到應負犯及額外收係如私名貼書家人之類  
並放罷鎮寨場務依此當職官失覺察並行竄責 二  
十六年八月十一日御史中丞湯鵬舉言欲固邦本在

寬民力在省人吏今之州縣胥徒最冗為民之害最甚  
且如既有正額又添守闕既有習學又收私名創立事  
端則謂之專行分受優輕則謂之兼案率置一局則三  
四人共之貼司又不可勝計比年以來朝廷屢行告戒  
赦文累有約束或減省吏額或禁止冒役丁寧備至率  
皆巧作名目或云見行理雪而所屬公文未下乞先次  
權案或云已經赦宥而叙復合得元名乞先次收補於  
案牘公移則避罪而不繫書於盛司巡案則匿名而暫  
逃避凡此之類未易殫舉緣此州縣本無事也以人吏  
眾多紛張而生事居民本無訟也以人吏姦猾教唆而  
與訟追呼逮捕文移騷然第見吏日益富民日益貧比

年守令監司恬不加卹朝廷豈可不為之立法乎伏觀  
建炎三年赦文內一項具載減罷人吏最詳而一時奉  
行不虔至今徒為空文乞下戶部委逐路常平官躬親  
出巡量立期限參照見行條令視州縣繁簡分為上  
中下三等立定合置吏額如逐處已是足用則不須增  
置如或過額則自當裁減內有曾經編配放停之人並  
不許收叙稍有違戾於額外收補委監司守令常切覺  
察如不遵守以違制論詔依令逐路常平官參照額立  
定申尚書省 十二月十二日宰執進呈兩浙東路提  
舉常平趙公祿奏一路人吏共四千二百六十一人減  
罷二千一百九十三人上曰一路人吏有許多減得極

是縱容此輩在官後錢固不足惜唯是姦猾侵欺大為  
民害二千餘人衣食皆取<sup>於</sup>民便是供養二千餘家民力  
極不易沈該曰兼此輩蓋是<sup>縣</sup>胥教唆詞訴尤為民患  
上曰若諸路依此措置減罷不唯州縣省事百姓亦受  
賜無窮也 三十年八月二十五日大理評事蔡沈言  
伏觀紹興二十八年郊祀大祀勅契勘昨緣州縣監司  
公吏棍冗已降指揮裁減及犯罪停罷之人訪聞往往  
循習積弊別作名目收條既無吏祿則取給百姓至於  
教唆詞訟吏亂曲直擾害公私並日下罷逐與免科罪  
仍仰提刑司常切覺察如有違戾去處按劾以聞切見  
近日諸州縣監司吏額之外略已去矣獨有諸縣未能

恪意奉行頓革此弊除吏人定額之外依前潛置私名  
號為貼書款司其徒尚繁每一劇邑有至一二百人者  
亦不下數十人縣官利其便於使令一切不關朝入縣  
門百十為群散之吏舍行遣公事標切百姓乞取無厭  
抵暮無有垂手而歸者使鄉民日贍一二百人自然膏  
血盡矣何為而不困耶且有老姦巨蠹累犯斷停置身  
無所專務刺探縣道持其短長苟或不容則假托姓名  
妄與詞訟官吏畏之無敢不留公事一入其手則舞文  
弄法擾害公私正如詔旨之所謂者可不逐乎伏望申  
嚴行下提刑司常切覺察如有違戾去處即依敕勅指  
揮按劾施行私名冒役之人一例依條斷罪詔令戶部

庚

申嚴行下其昨降指揮令諸路監司參照裁定吏額至  
今未見申到去處仰本部限一月催督如依前違戾具  
監司職位姓名申尚書省取旨十二月七日臣僚言州  
縣公吏每月請受從長官給券按月以支不許借請不  
許以次官書判乞備坐見行條法及節次承降指揮下  
諸路監司并所部州縣常切遵守今後公吏借請一歲  
通不得過兩月如遇數借請其借請之人及判牒幫書  
官吏並計贓斷罪及乞從戶部不時取索驅磨將違戾  
去處按劾施行從之 以上中興會要 孝宗乾道二  
年五月十七日戶部言提舉江南東路常平茶鹽公事  
李度奏今後吏人陳理身役雖有叙法更令本州縣保

明申常平司具錄元犯重行覆實本部契勘緣已有見  
行條法指揮該載慮州縣奉行不虔欲行下諸路常平  
司鈐束所部州縣常切遵守毋致違戾從之 五年三  
月二十七日臣僚言乞嚴行禁戢監司州縣公吏非因  
差出不許借請令諸路監司互察從之 六年八月二  
日試宗正少卿兼戶部侍郎王佐言乞令提舉常平司  
委州之主官官限兩月取索屬縣額內公吏看詳如委  
有違條冒役人即行勒罷如收叙應法聽令在役仍將  
各縣公吏姓名揭於板榜其祿再入役者略具所叙之  
因俾民通知歲終一易論訴冒役者必須指其元犯罪  
名與收叙不當因依如根究得實監司守令當職官依



紹興二十六年八月指揮坐違制之罪或姦民挾私妄  
訴亦科反坐從之 九年閏正月七日詳定一司勅令  
所言契勘諸州衙職解發補官乾道令稱孔自官每州  
補一名年滿解發赴闕補官緣政和二年二月九日指  
揮都知兵馬使改為都史昨修書日照都史二字作都  
吏字改移為孔目官今看詳合將上條內孔目官三字  
依舊作都知兵馬使為文從之 七月十七日兩浙西  
路安撫司言本司人吏年勞補進義副尉存留充主管  
文字三年竊緣本司係掌行一路事務其主管文字實  
歷三年應辦委是繁重乞欲將人吏補受充主管文字  
三年為任年滿無遺闕轉一官離司從之 以上乾道

會要 淳熙元年十一月七日詔將吏職副尉職名  
依舊法隸都官 二年二月十日福建提刑黃南仲言  
郡縣獄吏推行重祿今職級押録之下有推司疑司之  
下有代書貼司自推款司以上行重祿代書貼司無祿  
也是以每有獄事則推款司主行之而賕賂公行則在  
乎代書貼司也獄成而無詞訴則衆分其賂有詞訴則  
貼司當之又相與營救止抵微罪乞詔有司立定郡縣  
獄吏額數應在獄者並行重祿如敢額外增置無祿人  
吏並以違制論令監司按察以聞從之 四年九月二  
十八日臣僚言乾道七年太府寺丞王全福申請乞將  
州縣吏人就提刑司試中方許補充近來州軍循習以

例皆不試補乞令諸州軍法司習學并知曉法律不係  
習學人解赴提刑司令檢法官依條收~~試~~州不限所取  
人數將試中人籍記姓名行下本州元習學人外其餘  
人數如諸州無合格人及日後闕少諸司許指名申提  
刑司選差詔諸州軍每歲專委通判試補將試中人籍  
記以備差補 五年四月八日詔諸路提刑司行下所  
屬應州縣承勘人吏並從上名選差諸曉鞠獄人從大  
理評事周邛請也紹熙三年五月二十九日臣僚言伏  
覲法文應州縣分為等降許置吏額皆有定數近者所  
至多於額外巧作各色添置乞行下監司守令照應見  
行條制額外一人不許存留揭示姓名使民通知捨是

許入越訴廣凡民不被其侵漁之害從之 慶元六年  
六月二十四日臣僚言州府吏人有級自正額手分處  
遷都孔目官及照檢文字其衙前職員資級自客司客  
將處遷押衙等昨來臨安府陳乞本府係車駕駐驛之  
地事務不一委是勤勞竊見兩浙轉運司人吏年滿已  
降指揮補承信郎緣本府與外郡不同比漕司尤重乞  
比附開封府格法上降二等補承信郎欲乞除兩浙轉  
運司臨安府自依見行條法指揮外今後諸路監司州  
軍人吏并衙職等並不許解發所有已保明在部之人  
亦不許補授庶免攀援僥濫之弊仍乞令敕令所循立  
成法從之

宋會要

都鈐轄鈐轄 朝官及諸司使以上充或一州或一路  
兩路三路亦有無都字者 兩朝國史志有都鈐轄以  
朝官及諸司使以上充有一州有一路或兩路者官高資  
深充都鈐轄官卑資淺稱鈐轄 舊州鈐轄除本州知州  
已帶本路帥臣并本路兵職高及管內安撫使者依舊  
稱鈐轄餘知州見帶本州兵馬鈐轄其州鈐轄依新制  
改稱兵馬副鈐轄 真宗咸平五年四月以知鎮戎軍  
李繼和兼涇原儀渭州駐泊兵馬鈐轄真宗曰李繼和  
累請益兵朝廷難以應副本路總管司軍馬之數已足  
不少繼和益者慮至時總管司不為策應朕細思莫若

若就命繼和充四川駐洎鈐轄其鎮我軍駐洎兵士却  
令總管司通連管轄宰臣等以為然故有是命 景德  
元年十月詔川陝四路兵甲賊盜事內益利兩路令西  
川鈐轄司提舉梓夔兩路今陝路鈐轄司提舉其逐州  
都監但主本州兵甲盜賊事 先是咸平四年詔分川  
陝為四路以四川轉運使馬亮為益州路轉運使總益  
州漢彭州嘉州簡州黎雅威茂永康凡十五州軍以  
知益州宋太初崇儀使楊懷忠並為益州鈐轄提轄兵  
馬捉賊事陝路轉運副使李防為梓州路轉運使總梓  
州果資昌普渠合戎瀘懷安廣安富順凡十四州軍  
以知梓州王涓提轄兵馬捉賊事四川轉運副使張志

言為利州路轉運使總利洋興初文集壁巴達龍關興  
元劍門三泉西縣凡十五州府軍縣以益州都監王沆  
知利州提轄兵馬捉賊事以缺路轉運使丁謂為夔州  
路轉運使總夔施忠萬開遠渝黔涪雲安梁山大安凡  
十二州軍監以知夔州李漢資提轄兵馬捉賊事今復  
更制故有是命 大中祥符五年六月涇原路駐泊都  
鈐轄兼知渭州曹瑋言乞依舊例別差人知渭州臣止  
乞一面管勾鈐轄司事帝宣示王欽若等曰邊防軍馬  
所屯之地若別置知州即各生事體可降詔以此意諭  
之 十月詔廣州鈐轄兼提舉在城煙火賊盜事 天  
禧三年五月延州言閤門使鄧延路鈐轄高繼勳以私

買部民馬抵罪。乃停其軍馬公事。乞交與知延州趙湘權管。勾帝曰：邊防軍馬公事既已停罷，即合畫時交對。自今當條約之。仁宗景祐二年五月二十七日，樞密院言：高州蠻僚驚劫人戶，英州亦有賊盜。雖已差人捉殺緣朝廷路遠緩急奏報不及，欲於廣南西路各置鈐轄司。其廣州知州兼充東路鈐轄，并舊鈐轄外更添駐泊都監一員，桂州差近上臣僚知州兼充西路鈐轄一員，及舊駐泊都監每路各三員，差指使使臣二人從之。寶元三年七月二十三日，樞密院言：河東安撫使段少連乞罷。陝西河東兵馬鈐轄等巡邊名目，或欲令兵馬司臣僚察視兵甲城寨經度隣界事由等，即令簡徑。



並位其下提  
點刑獄朝臣  
許歷州鈐  
轄而與路分  
鈐轄以官  
敘之皇祐元  
年正月二十  
日兩浙轉運  
司言請自今  
知杭州等管  
勾一路兵馬  
鈐轄

出入不須張皇從之 慶厯二年四月詔諸路轉運使

副為按察之官其路分兵馬鈐轄司事仍選諸司使副

一員為本路駐泊兵馬都監司管勾鈐轄司事如本路

軍犯法許鈐轄司量輕重斷遣從之 至和元年八月

二十三日樞密院言今後三路權鈐轄差遣並實有或

藝或勇出眾堪任戰陣者允候及五年與正鈐轄如非

時特立戰功朝廷酬獎者不拘此限自餘更不差權仍

不許陳乞從之 二年五月罷河北河東陝西三路知

州軍兼路分鈐轄都監其正任團練使以上只為本州

總管諸司使以上為本州鈐轄餘管勾本州駐泊兵馬

公事其員多處將來有闕更不除 嘉祐元年十一月

詔武臣為路分鈐轄及六周年者給添支錢五十千

二年九月七日詔內臣為鈐轄都監者逐路止置一員

四年五月二十四日詔淮南東路揚州西路廬州江

南東路江寧府西路洪州湖南路潭州福建路福州長

史並兼本路兵鈐轄神宗治平四年本改閏三月詔

今後三路分內臣鈐轄都監闕並領選擇如內臣中未

有可選者即於前班互換選差熙寧元年十二月十

七日樞密院言自至和年條貫後凡諸司使知州軍並

乞帶鈐轄蓋是誤用條制今欲差除武臣知州除須合

兼鈐轄去處外餘並只用兼管內駐泊軍馬公事者為

定式如前任首高令未所差知州軍不是責降即許理

為資叙其正任防團以上知州自依舊制從之 三年

五月二十一日樞密院言武臣知州未立定合原銓轄

州軍去處今定除河北河東陝西知州軍帶經畧安撫

使及都總管外河北雄滄二州河東代潞二州知州自

今並兼本州駐泊兵馬銓轄除本州軍兼管勾本州駐

泊軍馬公事其正任防禦團練使以上知州自依舊制

從之 六年十二月三日詔六宅副使邢佐臣充太原

府路銓轄兼給路分銓轄添支自今諸司副使充正路

分銓轄准此 九年二月十三日詔改新知廣州祠部

員外郎史館修撰劉倓知虔州兼江南西路安撫兵馬

銓轄其洪州即罷銓轄司候南事平日依舊 元豐元

年八月十八日詔自今路分兵官與將官互差 二年  
正月十七日以下藏庫使季希一為永興軍路鈐轄  
希一物授本路都監自陳乞一路分鈐轄上批希一累  
經外任恐合陞鈐轄可具資序進呈遂命之 二月十  
八日詔成都府路鈐轄哥任頗重與他路不同其知府  
處置鈐轄司職事自今並須參議於接待儀範並依蔡  
延慶未到任以前體例毋輒裁損 先詔坐次與本路  
通判敎官其罷之初趙抃為京以前執政為安撫使故  
見鈐轄儀稍殺故也 三年三月十四上批京西路轉  
運使務洵乞移梓夔路鈐轄司於其資州應接夾事頗  
為近便但轉運鈐轄兩司皆不欲徙故言者雖眾詎卒

不行且依陶奏直處分仍專委轉運使高秉處畫自今  
委中書選人知賓州帶主管梓夔兩路兵馬司事 四

年十月十四日英州刺史步軍都虞候林廣言梓夔路  
鈐轄司欲乞依舊止於遂州安置如戎瀘州遇有謀叛  
夷賊事入急遞飛申轉運鈐轄司同議處置賊勢稍大  
即鈐轄領兵赴就近照應從之 五年四月十九日詔  
徙梓夔路鈐轄司於瀘州遇有邊事安撫鈐轄司措置  
施行轉運司更不干預 七月二十九日詔已置瀘南  
安撫司其遂州鈐轄司事並隨安撫司移瀘州 七年  
十一月二日詔增差廣東鈐轄張整為廣西鈐轄駐桂  
州其廣西上供錢禁軍缺額錢米並令稽留其常平免

後寬剌經畧司和羅度僧牒緩急並奏聽支用從知  
貴州黃時中請也尋又詔整馭軍太急委苗時中覺察  
無致生事 哲宗元祐元年十月二十八日樞密院言  
臣僚奏梓夔路鈐轄司元在遂州昨因蠻賊作過慮報  
應遲速遷往瀘州今乞依舊在遂州詔候邊事寧息奏  
聽朝旨 十一月二日詔三路京東鈐轄並只差內臣  
一員如未有可選之人即權於前班內差 五年九月  
十三日詔除三路外諸路鈐轄司各權添差大使臣兩  
員充準備差使 六年五月十二日太原府路鈐轄兼  
第一將皇城使康州刺史訾虎罷兼將依舊專充本路  
鈐轄以帥司籍虎緩急統制諸將故有是命 閏八月

六日給侍中兼侍講范百祿言梓夔路鈐轄及沿邊安撫兩司專委武臣既不隸帥府又無別官同領當用兵之際或可從權於無事之時則為偏重乞依祖宗舊制以鈐轄司移歸遂州其瀘河止存沿邊安撫司詔梓夔路鈐轄梓州路轉運提刑司相度瀘州樂共城差大使臣充知城更不帶路分都監以梓夔路都監一員知瀘州兼管勾瀘南沿邊安撫司公事移梓夔路鈐轄歸遂州與遂州共治鈐轄司軍馬及同議戎瀘州邊事其合行更改等事並條畫以聞 八日江南東路鈐轄司言本路舊有路分都監二員緣本司統制江東軍政乞循舊制差路分一員詔東南第五將武端民兼權 元符

三年三月十八日詔建寧州為都護府以漳州團練使  
熙河蘭會路都監兼本路鈐轄王瞻為隴右都護知湟  
州兼隴右都巡檢使東上閤門副使知湟州兼隴右公  
邊都巡檢使王厚為隴右同都巡檢使都護職事如公  
邊安撫司例施行仍令經畧司以時檢校 五月七日  
詳定一司敕令所言臣僚奏路分兵官駐劄處不係將  
禁軍不因本司牒差許與不許巡覲教閱及點檢軍中  
差遣所有不係將禁軍指揮小分亦未審路分兵官合  
與不合管轄等事檢會樞密院劄子節文諸路分鈐轄  
都監自置將後來所管職事訓練軍馬繫書銜位皆未  
有定制逐路事理不一除三路二廣係邊帥統屬舊成



倫緒及元置係在控扼去處如淮南兩浙江南東西荆  
湖南北福建路並合依舊外其餘諸路今相度到路分  
兵官合管職務一管轄本路不係將屯駐駐泊就糧禁  
軍應駐劄處歲首揀選及排連轉補公事並與知州等  
同共商量行道兼提舉本處所管諸軍教閱若與鈐轄  
司共州者應鈐轄司行道軍馬公事並簽書同行不同  
州者亦繫銜書其某處一路分兵馬兼將者除管轄本  
將軍馬外亦依前項指揮如因巡教揀選將兵所至有  
管轄不係將兵亦仰巡覲教閱點檢軍中差違一每年  
春秋許安撫鈐轄司相度有不係將兵兩指揮以上州  
軍輪定三兩處隊差不兼將路分兵官一員前詣仍與

隨處長吏同共商量措置務在勞逸均平奉聖旨依令  
欲依上件指揮施行從之 徽宗建中靖國元年正月

十八日永興軍路安撫都總管司奏逐司久未行遣文

字管下縣鎮將領訓練官司之類並用劄子行下詔依

所申

詳門見

徽宗二年正月二十六日中書有言四川

北邊軍防不修乞利州夔州依成都府例各置於轄移

利州路分於劍門關兵卒增倍成都府舊以便宜從事

罷去已久軍民所犯巨蠹首令酌情處斷四川監司於

轄大州守臣不差蜀人所轄兵馬求軍與土人參用如

舊法從之 大觀二年九月十四日詔應東南路於轄

司置簿每月各具見管開水兵馬文狀具帳聞奏

詳見總管

門 三年六月二十七日内降劄子帥府舊無路分鈐  
轄者許置一員無路分都監者望郡置一員參總軍政  
並選材武有功人充東南除舊有路分鈐轄或路分都  
監去處依舊差置於帥望州駐劄外其餘添置路分鈐  
轄路分都監許令終滿今任更不差人 政和五年十  
二月二十八日詔瀘南自克復晏州疆理益廣可令帶  
梓夔路兵馬鈐轄仍充瀘南安撫使 六年十一月七  
日詔應見理路分鈐轄路分都監州鈐轄資序人並改  
正今後如敢奏陳乞理為資序者以違御筆論仍委御  
史臺覺察 宣和二年四月四日詔近緣諸路州軍多  
占破有手藝人充白直更代不時軍士嗟怨委廉訪使

者據籍照檢深慮日後經隔歲月差使依前不均便行  
改造新簿無憑照證今後諸軍差使簿籍並限三年一  
易仍申鈐轄司照會違者以違制論 二年四月二十

日詔荆湖北路荆南府歸峽安復州荆門軍漢陽軍為  
荆南路帶兵馬都鈐轄治荆南府鼎澧岳鄂辰沅靖州  
為鼎澧路帶兵馬都鈐轄治鼎州 五月六日詔杭越

州江寧府守臣並帶安撫使兩浙東西江東路鈐轄並  
依三路法選差詳見安撫使門 六年四月十四日詔潼川府

守臣可帶潼川府夔州路兵馬鈐轄瀘州帶管勾瀘南  
公邊安撫司公事仍差武臣 九月三日詔近降潼川  
府守臣帶潼川府夔州路兵馬鈐轄瀘州止帶管勾瀘

南汾邊安撫使公事差武臣指揮勿行以言者論瀘川  
控扼南夷移師瀘川地遠不便也 高宗建炎元年六  
月二十一日詔松江要郡江宣州文臣各一員帶兵馬  
鈐轄武臣各一員充副鈐轄 二十八日詔諸路要郡  
兵馬鈐轄以武臣為之副 八月八日詔諸路都監改  
為副鈐轄其請給人從序位等並依舊定監例仍於要  
郡駐劄 四年七月八日詔臨安府依舊帶浙西路兵  
馬鈐轄 八月二十五日知洪州軍州江南西路安撫  
使馬步軍都總管高衛言洪州舊來係帶江南西路鈐  
轄後緣帶馬步軍都總管却令虔州帶江西路鈐轄今  
洪州既隸江州路其江州路安撫大使已帶馬步軍都

總管欲乞却令洪州守臣帶江州路鈐轄應本州駐劄  
及時暫差發到本州統制統領兵將官等並聽節制從  
之 十一月二十一日詔鄧州置兵馬副鈐轄一員

紹興元年二月三十日詔建康府池饒宣徽信撫太平  
州廣德建昌軍為江南東路依臨安府例改作江南東  
路兵馬鈐轄 十一月一日詔諸路諸州鈐轄自今差  
除兵官令樞密院更切遵守見行條格其添差除係隨  
龍并宗室及歸明歸朝官外更不差人 二年四月十  
九日詔逐路分充聽候差使依條許差撥去處每司不  
得過六人二年一替其見帶兵馬鈐轄州軍充聽候差  
使人並罷 五月十八日知臨安府兼兩浙西路兵馬

永輝言臨安  
府車駕駐蹕  
事體愈重  
即與要郡兵  
馬鈴轄  
漳州府上

鈴轄州府不同即今並屬官欲乞差置主管文字一  
員從之 三年三月十七日詔要郡決要郡守臣已罷兼  
帶兵職其逐路官兵亦合措置鈴轄改元路分都監內  
增置副鈴轄去處皆係衝要控扼州軍方今多事之際  
未可使罷副鈴轄依見置員數改作路分都監權且存  
留並候寧息日取旨仍仰逐路帥司開具見任人申樞  
密院將不應格法人別行選差內見添差人依舊 十  
一月十五日淮南轉運司言諸州禁軍指揮自經兵火  
之後例皆缺額見在兵級不多除廬州係帥府合存留  
鈴轄外其餘州軍鈴轄欲並行減罷從之 七年閏十  
月十六日右正言李誼言乞樞密院今後選差路分鈴

轄及州鈴轄當以軍功武藝及累歷邊任之人從之

十年二月十一日詔淮南東路兵馬鈴轄移就揚州帥

府駐劄 十八年七月十日樞密院言諸路鈴轄循例

陳乞差破隨行指使即無寄一許差條法指揮詔今後

更不差破 二十八<sup>年</sup>二月十五日知鎮江府楊揆言

舊法一路則有路分鈴轄一州則有州鈴轄如常秀州

平江府皆有之獨鎮江府無州鈴轄目今不廉將及廂

軍緣無總轄之官甚不整肅欲乞差置州鈴轄一員從

之 二十九年二月十二日詔復置淮南西路兵馬鈴

轄一員依舊廬州駐劄 孝宗隆興二年二月八日臣

僚言都副總管至州鈴轄差遣乞依祖宗六等格法將



尚

立戰功有履歷人等第除授庶可杜絕僥倖整肅軍

容從之 乾道元年八月十四日詔今後應文武臣知

州軍諸路釐務總管副總管鈐轄都監見辭並令上殿

批入料錢文歷如托避免對並未得差除舊任委臺諫

監司常切按察以遵制論 三年七月四日樞密院言

諸路鈐轄到任二年過滿不候差替成資罷除揀汰應

初離軍第一任添差到任人在乾道二年四月十四日

指揮之前並令終滿三年為任從之 八年五月十五

日宰執進呈降下吳玠劄子乞令本司統制王世但離

軍添差兩浙西路兵馬鈐轄平江府駐劄奉御筆批依

虞允文奏曰王世但在軍中日已帶江南東路兵馬鈐

轄太平府駐劄今既離軍自合前赴新任上曰既有現帶差遣此劄子不必施行可特添差兩浙西路兵馬鈐轄平江府駐劄不釐務請給人從却與依正官例支破

九年閏正月十七日上諭宰執臨安府既有路分都監一員而平江府又有一員何也可并路分鈐轄員數契勘創始之由梁克家奏初因特添差後遂因仍作闕上曰可盡刷諸路所增數見任人許終滿後不再差亦不許指揮於外但行下樞密院吏房遵守 四月四日

宰執進呈貫和仲乞添差副都總管梁克家等奏曰考之格法觀察使以上方除副都總管廢官止合除總管而和仲前三任乃已除副總管上曰既於格法有礙且

當守法可除江南西路正任總管 淳熙二年九月十  
三日詔揚<sup>州</sup>廬州荆南襄陽金州興元府興州依舊分為  
七路每路文臣一人充安撫使以治民武臣一人充都  
總管以治兵其逐路都總管職事且令帥臣依舊帶行  
候正官到日交割 六年六月八日詔諸路兵馬鈐轄  
除訓練將兵逐路各留一員餘並有罷見任並差下人  
令於任內浙東路兵馬鈐轄時令依舊 以浙東路鈐  
轄紹興府駐劄為管幹昭慈永祐陵攢官修造汝也  
八年正月六日詔添差兩浙西路副總管提舉德壽宮  
陳源與在京宮觀免奉朝請先是奉太上皇帝聖旨以  
源應奉有勞特轉兩官權給事中趙汝愚因論內侍不

可參預軍政狀觀建炎三年詔書自崇寧以來內侍用  
事循習至今理宜痛革自今內侍不許與主兵官交通  
假貸饋道借枝禁兵且猶不可今乃假以一路總戎之  
任恐非太上所以防微杜漸之意神宗皇帝時始令王  
中正李憲稍預邊事是時朝廷法度峻整若無甚害而  
卒之黃緣攀引覺致童貫開邊之禍上以汝愚之言進  
呈太上皇帝繼而又宣諭宰執凡有似此差遣者皆改  
差在京宮觀云 九年九月一日詔諸路帥司行下訓  
練路於每歲一詣州軍按教分作春秋兩番前去不許  
越赴筵會收受折送多帶人從過驛驛券差顧夫脚須  
索買物并犒設等仰帥臣監司常切覺察如有違戾按

劾以聞 以湖南安撫李椿奏諸州被擾故也 十三年十月二日上曰押行門久在殿陛出職差遣拘以兩州鈴轄太狹可降指揮存留五州於是詔建康府隆興府福州三處依舊存留總管案關專差轉員後合得恩例人 先是六年詔諸州總管內留二關差轉員恩例外餘闕史不差人至是復 十六年閏五月二十三日樞密院言諸路副總管許差破指使一名別無職事委是虛破員缺詔見任人且令終滿日後更不差人 十月二十三日詔今後差諸路訓練路鈴並要年六十以下曾經從軍或有材武人充其已差人且令依舊 詔熙元年四月十五日詔州鈴將官如係別路無統攝准

令序官如本路有統攝依乾道元年三月二十六日已  
降指揮序職 九月二十五日臣僚言近年以來戎職  
寢雜其最甚者國信所人吏是也昨來國信所通事如  
聶攸薛師道之徒久年祇應官止州縣路分都監而  
已未聞任路鈐者今既任路鈐矣所餘若止副總管爾  
有王舜臣者頃以夤緣僥冒而得之臣僚失於論列今  
者孟守忠復除江東副總管然則止緣王舜臣一人破  
例遂皆源源而起乞罷孟守忠新任止與前任一般差  
遣仍降指揮今後雜流出身之人不得過路分州鈐差  
遣從之 慶元六年四月十八日樞密院言嘉興府申  
本府路當津要歲解朝廷上供錢斛應辦金國往來使

人并月支廩禁土軍遞鋪宗室蘇廟歸正忠順歸朝大  
寄居等官俸給百色費用日慮窘乏即與豐餘大郎事  
體不同本府慶元四年八月內蒙朝廷特添差武節大  
夫兵鈐仍釐務張卓續又特添差武節大夫浙西副總  
管乃釐務曾組并以副將馬立闕差武功大夫果州團  
練使總管程孝廉以將官修武郎李顯闕特添差武節  
大夫浙西副總管壽昌以忠靖郎張祐闕特差訓武郎  
浙西兵鈐董致中今將替官請給除豁外張卓五員自  
到任止今年二月計增支錢二萬一百一十九貫米五  
百七十二石麥二百八十二石竊念本府所收財計有  
限深慮雜軍棟汰寺官經朝廷作闕陳乞注授在本府

實有利害欲望朝廷日後有本府路分總管差遣人須要資格相當庶幾○即稍可扶持詔將嘉興府戰功歸正添差缺今後更不差總管餘照應逐州軍體例施行

慶元六年七月九日樞密院言檢會知江陵府充荆湖北路安撫使楊輔言江陵為今重地財計所入○顯虧所出益廣令帥司及本府官兵有總管有路鈴有州鈴有正任添差路分正副將而入隊禁軍不滿三百人實無職事可管欲乞朝廷于除授之際如差總管則免差路鈴差州鈴則免差路分若向上五員之中減兩員則歲可省五六十緡已降指揮依續據楊輔申鈴轄江大濟身故乞省併州鈴一員并本路副總管吳漢英終滿



乞不差替官從之 開禧二年五月十二日汪條言乞  
行下諸路安撫司遍牒諸路所管州軍見任總管路鈐  
鈐轄路分將副有昏耄癯疾及七十以上人許自行陳  
乞解罷特與官觀差遣今所居州軍應副請給無致失  
祿或身居兵職不能當繁難任使而願位不去帥臣監  
司按劾以聞仍疾速確以次官赴上內有曾從軍者與  
存留在任講究軍事詔令逐路安撫司逐一從公鈐量  
保明申樞密院 嘉定十三年十二月十日詔張威特  
差充利州路馬步軍副總管利州駐劄三年<sup>滿</sup>日罷更  
不作閔

全唐文

# 巡檢

宋會要

掌巡檢州邑捕詰盜賊之事以閣門祗候以上至諸司使將軍或內侍充自兩州至十州及沿邊寨或路當險要者亦因其地為名亦有同都巡檢使供奉官以下為者不云使沿邊人有巡檢都監之名巡檢使自一州至九州軍有或從道路便宜不限境土亦有同巡檢使三班為者不云使自二縣至七縣開封府諸縣有巡檢一員二縣至三縣有駐泊巡檢各一員府界東西路都巡檢使各一員京城四面各一員緣海有刀魚缸戰棹巡檢江河淮海亦有捉賊巡檢使又有駐泊捉賊及巡馬

遞鋪巡河巡捉私茶鹽之名太祖乾德五年二月詔諸處巡檢監押自今捕得盜賊及犯竄鹽人並送本屬州府不得擅行決斷太宗太平興國元年十二月以前登州刺史翟美為濠州刺史兼江南諸州巡檢使樞密副承旨潘仁謀副之二年正月以廣南諸州巡檢唐州刺史曹光實為本州團練使依前巡檢二年五月以單州團練使劉延欽為兩浙諸州巡檢真宗咸平三年正月十一日<sup>以</sup>京左藏庫使康州刺史楊允恭為荆湖江浙都巡檢使內殿崇班楊守遵副之符禁閤門祇候焦守節為都監景德二年三月以殿直知雄州機宜司趙延祚為左侍禁雄州北關城巡檢 延祚本州之大姓自

太宗廟帝出家財交結虜中豪傑伺戎人動靜以白州將因授殿直令掌其任至是以契丹和好廢機宜司而有是命 三年五月十日置京東五路巡檢司以應天府曹濮州廣濟軍為一路淄齊青州為一路登萊維密州為一路單濟鄆兗州為一路沂徐州淮陽軍為一路先是京東諸郡常有羣盜依阻山河州縣苦之乃令閭門祇候胡守節與京東轉運使張知白等相度所部州軍分為五路令便於警捕也 九月詔選使臣二員為長城口巡檢一緣西山一東抵順安軍各給兵百人分道巡邏以邊民多齎禁物及盜賊北界為故也 大中祥符元年八月詔自京至應天府曹濟單蔡許汝潁陳

檀濮淄青州廣濟軍並增置巡檢兵捕賊使臣及令寄  
班忠佐提振之 二年八月令湖州發卒數十人屯洞  
庭山初帝出山圖以示輔臣曰此山在水中四面去岸  
各十餘里間歉歲則寇盜多匿其中故命警巡之 九  
月徙廣州都巡檢使廨於州東南之海澳後轉運使所  
請也 五年正月京東都大巡檢胡守節言部民王吉  
知羣盜所匿密以告官請俟擒獲以其贓給之帝曰然  
則被盜之家不已重傷乎宜賜官錢三萬贖物悉歸其  
主 二月詔三班院擇使臣為諸州都同巡檢 先是  
多用補廕未愿事者故申明之 三月京城都巡檢言  
京城宿鋪兵士自來官中不曾給與杵棒只逐旋借代

及有私買欲乞逐銷官給三釐銀子各三條置簿管係  
遞相交割壞即官為易換從之 九月二十八日淮南  
轉運使王隨請差使臣一員充盧壽等州提轄橋道兼  
巡檢量給兵士器械仍與巡檢添支從之 十二月命  
吏部員外郎知延州李及兼管界公邊都巡檢使仍給  
衙隊馬步兵士如邊境無事即不得出巡 六年十一  
月分命閣門祇候寄班三班使臣等為在京新城外駐  
泊畿縣巡檢以奉祀故也俟車駕回悉如舊 七年九  
月詔選可班四員充京城四面巡檢仍優與添給各差  
禁軍馬軍五十人步軍八人支給器甲帝以京城四面  
巡檢疆界闊遠兵士至少其使臣復不諳練故有是命

十月以侍禁閤門祇候龔德為慶州沿邊都巡檢使  
管勾慶州華池縣平戎鳳川柔遠淮安廊延州子午狗  
道巖義位連磨洛河川至保安軍小胡族地分置廨於  
華池縣歲給緡錢五十萬備牢酒以犒蕃族帝以慶州  
管熟戶尤眾其間有納質夏州者故特置是職 十一  
月置戎瀘賓榮州富順監都巡檢使一員時內殿承制  
閤門祇候馬守遵言戎瀘等州夷獠雜居本路鈐轄在  
遂州緩急不能扞禦故特置此職 八年十一月京東  
轉運司言青澗等州提舉巡檢捉賊寄班侍禁劉元最  
等到任已來獲賊殊少手下軍馬甚多所至寧無搔擾  
况遂州自有巡檢使臣乞廢提舉巡檢捉賊一司却移

登萊等州都巡檢於案州安邱縣廨宇安泊從之 九  
年五月五日以來 院使平州刺史知辰州曹克明為  
宜融桂照柳象筵欽廣白等州都巡檢使安撫使殿直  
馬五為閤門祗候充同巡檢兼安撫都監並管勾涯洞  
事時蠻人屢入寇故有是命仍發潭州駐泊虎翼兵三  
百人以從歲給公費錢三十萬 七月以入內西頭供  
奉官楊守珍為東頭供奉官宜融等州權同巡檢兼安  
撫都管勾溪洞公事兼傳之任 九月詔如間諸道巡  
檢兵士老病不任事宜令該路轉運提點刑獄司分行  
點檢悉以強壯兵卒易之其衣甲器械損弊者亦然  
天禧元年三月詔徙戎瀘資榮州富順監都巡檢使於



江安縣解先是其解在戎州去清并監押將百里緩急  
夷寇驚擾即應授不及故也二年正月詔川峽巡檢提  
賊隨行兵卒無料錢者月給醬菜錢二百其見請不及  
者足其數初壽春郡王支張士遜言捕賊食不及時皆  
須自市食物故望加給之故有是命 二月從泗濠州  
路巡檢解字子龜山先是僧智悟

缺

轄之人為

行者計千餘人凌殿平民恐為 逆帝遣內侍任守忠  
取新隸籍盡逐之因命從巡檢以防察焉 四月詔自  
巡檢使臣宜令選脚色有武勇者充如軍職出身及化  
外歸朝班行當更詳酌差遣八月新城內權都巡檢周  
仁美言地分巡檢軍士捕亡卒賊盜不獲皆有決罰而

獲之者無賞今請獲亡卒一人賞錢二百賊一人錢五百從之 三年九月二日供備庫使傅其旭言廣州多蕃漢大商無城郭雖有海上巡檢又往復不常或有剽劫則全乏禦備請徙廣祥恩州海上都巡檢一員廨於廣州市舶亭南以便防禦從之 二十九日令諸路巡檢不得以犯罪配軍卒景跡百姓於地內緝賊 時京東提點刑獄言巡檢使臣差軍卒於地分緝賊所差之人皆犯罪配隸者恐鄉村擾民故有條約仁宗天聖四年九月詔諸路轉運使提點刑獄知州知軍等今後常切提舉覺察巡檢捉賊使臣若有盜賊之處不住催促擒捕如顯是怯懦即具式以聞仍於部內選有武勇使

臣權差替換候有勞績則具奏聞如不切覺察當行朝  
典 十月上封者言在麗水路巡檢使臣每至警巡船  
載骨肉隨行或遇賊驚劫皆有顧恋不盡時尋趁捉殺  
致令潰散乞今後不得船載骨肉隨行從之 五年六  
月二十一日同提點開封府界諸縣鎮公事張君平言  
汴河至泗州千里堤多盜賊剽劫雖有縣鎮監押巡檢  
人緣地里遙遠各有煙火倉場庫務所繫欲乞每兩驛  
添置巡檢使臣一名却廢自京至楚州夾河巡檢樞密  
院請於汴河每兩驛置提賊使臣一員選差與人員兵  
卒七十人器甲六分人船一隻於空迥處立解舍却省  
夾河巡檢從之 七年八月開封府界提點諸縣鎮公

事張仲宣言府界諸縣頗有賊徒蓋巡檢使臣只於縣  
宇端坐並不用心望降詔旨鈴轄府界東西路都同巡  
檢駐泊提賊使臣等自今常切於地分內往來所到縣  
鎮不得往過三五日仍令諸縣每遇巡檢駐泊到彼却  
具到發日時文狀報本府如有諸縣申報賊盜令本府  
盡時勾收巡檢駐泊印紙眉子批上候獲銷破從之  
八年十月供奉官閻門祗候康文德奉舊制都同巡檢  
及提賊使臣在任至得替提到強劫竊盜及殺人賊分  
數磨勘升降施行其諸州軍縣鎮兼巡檢使臣提獲賊  
盜不該磨勘賞罰之法事体未均欲望目今依都同巡  
檢提賊使臣例許令磨勘從之  
慶曆三年九月置開

封府諸縣巡檢各一員分東西二路置提舉捉賊各一員是月詔諸路轉運按察使提點刑獄及諸州長吏舉所部兵馬都監至監臨場務使臣有材勇堪任巡檢者以名聞若捕賊有功即不次遷擢之 年四月詔

州廣信安肅軍巡檢都監仍舊每月輪一員出巡遼六年正月詔道州桂陽監倭賊未息權置都巡檢使一員七年八月詔以保州公遷巡檢司隸定州路雄霸等州界河隸高陽關路其兩司守捍之計委逐路主將處置仍分屯兵馬控禦賊盜毋令侵軼 八年六月二十五日以禮賓副使喬銓充廬壽光州兼公淮都巡檢使皇祐元年二月六日涇原路都總管知渭州夏安期言

乞今原州等處揀選弓手分作三等分屬東西兩路都  
巡檢下管係乞差土人使臣四人充弓箭手巡檢從之

七月二十四日京西轉司言相度滑州韋城開封府  
長垣東明曹州冤勾南華五縣之間自來多有賊盜合  
添置使臣一員充五縣管界巡檢從之 至和二年二

月增置

城巡檢一員兼管勾城池事

八月置

寧化軍東陽西陽州至天池東西巡檢使臣一員專管  
勾弓箭手公事 以富弼言寧化 招耕禁地弓箭

手已千餘人其土人石班殿直高政材勇絕倫可使為  
巡檢因以命之 嘉祐元年五月權置京城裏外巡檢  
以晝夜大雨是年七月罷京 城裏所增巡檢 三

年十二月詔諸路每一州軍巡檢有至三五員者又三  
兩州至八九州有都同巡檢或駐泊提賊員數過多非  
往軍馬勢分兼過驚劫罕能獲賊惟逐縣弓手習知賊  
所匿藏而捕獲之其一州軍止留巡檢一員數州留都  
同巡檢一員其沿邊公海及河汴江潮險僻之地舊有  
巡檢處並留之其增逐縣弓手減散從承符脚力代以  
剩員四年二月二十一日減罷京東西路鄆齊等七  
州軍管界巡檢及駐泊兵士以起居舍人知制誥劉敞  
上言而本路安府轉運司相度以為便也五年三月  
詔京城外四面巡檢自今並選閑門祗候以上常經外  
任親民而無贓私罪者為之是月罷倉州路嵐石及高

陽關路保州廣信等軍都巡檢司 六年七月六日廣

南東路轉運司言廣州東江水路至東莞縣界海水至  
濶多盜賊去東南通巡檢至遠難為防遏有地名亭頭  
千餘家日有市井乞添置巡檢一員於亭頭仍分東南  
通巡檢水軍二百人防截後之 十月詔京東西淮南  
浙江荆湖南北路比年水災盜賊仍起其令逐路安撫  
轉運提點刑獄鈐轄司控扼之地相度權增置都同巡  
檢候向去豐熟即復減罷英宗治平元年二月樞密院  
言請自今使臣充替及降監當者歷任曾經親民實有  
武勇堪捕賊者元犯情輕許舉充權巡檢理監賞資序  
其入親民差遣曾犯賊私罪實有武勇者亦聽舉差以



邊任使從之 二年十二月二十八日詔界河巡檢三  
員自今當以一員屯獨流寨一員屯信安軍一員居霸  
州治本司事仍一月一本巡每季番休相代 三年十  
月以泰州團練使郭緒為滄州總管兼雄霸州沿界河  
至海口及滄州界沿海都巡檢使 都巡檢使巡檢巡  
檢 國朝以閭門祇候以上至諸司使將軍或內侍充  
自西州至十州及緣邊寨或路當險要者亦因其地以  
為名亦有同都巡檢使若供奉官以下為之者即不云  
使緣邊又有巡檢都監之名巡檢使自一州至九州軍  
有或從道路便宜不限境土亦有同巡檢使三班為之  
者亦不云使自二縣至七縣開封府諸縣有巡檢一員

二縣至三縣有駐泊巡檢各一員府界東西路都巡檢  
各一員京城四面各一員緣海有刀魚船戰棹巡檢緣  
江河淮海亦有提賊巡檢又有駐泊提賊及巡馬遞鋪  
巡河巡提私茶鹽之名景德三年置京東五路巡檢司  
以應天府曹濮州廣濟軍為一路單濟鄆兗州為一路  
淄齊青州為一路登萊濰密州為一路沂徐州淮陽軍  
為一路大中祥符五年詔三班院擇使臣為諸州都同  
巡檢七年詔選寄班四員充京城四面巡檢慶曆三年  
置開封府諸縣巡檢各一員又分東西二路置提舉提  
賊各一員嘉祐元年權置京城裏外巡檢以晝夜大雨  
尋罷舊城裏所增巡檢三年詔諸路每一州軍巡檢有

至三五員者人兩三州至八九州有都同巡檢或駐泊  
捉賊員數過多非往軍馬勢分兼過驚疑軍能獲賊惟  
逐縣弓手習知賊所匿藏而捕獲之其一員軍止留巡  
檢一員數州留都同巡檢一員其緣邊緣海及河汴江  
湖險僻之地舊有巡檢處並留之 景祐三年上封者  
言諸處巡檢務在武勇心力強明者乞不以福建荆湖  
江浙川峽及街前首職文資出身人嶺其事真宗謂樞  
密使王欽若曰人之勇怯豈拘南北若此臣別非任人  
之道 歸田錄太祖時郭進為西山巡檢有告其陰通  
河東劉繼元將有異志者太祖大怒以其誣害忠臣命  
縛其人予進使自處置進得而不殺謂曰爾能謂我取

繼元一城一寨不止贖尔死當請賣尔一官歲餘其人誘其一城來降進具其事送之于朝請賞以官太祖曰爾誣害我忠良此纔可贖死尔賣不可得也命以其人還進進復請曰使臣失信則不能用人矣太祖於是賞以一官君臣之間蓋如此太祖時李漢超為關南巡檢使漢超武人所為多不法久之關南百姓詣關訟漢超貸民錢不還及掠其女以為妾太祖召百姓入見便殿賜以酒食徐問曰自漢超在關南契丹入寇者幾百姓曰無也太祖曰往時契丹入寇邊將不能禦河北之民歲遭劫虜汝於此時能保其貲財婦女乎今漢超所取孰與契丹之多又問訟女者曰汝家幾女所嫁何人

百姓具以對太祖曰然則所嫁皆村夫也若漢超者吾  
之貴臣也以愛汝女則取之得之必不使失所與其嫁  
村夫孰若處漢超家富貴於是百姓皆感悅而去太祖  
使人語漢超曰汝須錢何不告我而取於民乎乃賜以  
銀數百兩曰汝自還之使其感汝也漢超感泣誓以死  
報提舉兵甲巡檢事淳熙十五年七月八日詔夔州守  
臣兼提舉歸峽州兵甲司公事以知夔州楊輔言夔之  
與歸夔齒相資今以歸州改隸湖北則夔之屏蔽軍弱  
一有緩急事不相應乞依江西贛州兼廣東南雄州兵  
甲公事例庶幾利害相通以備不虞故有是命 淳熙  
元年正月四日詔永州祁陽縣排山增置巡檢一員

五年

巡檢一作衛永州接界巡檢並從前後守戶之請也二年閏九月七日廣南西路

司之邕賓橫貴數州之間有古棘虛通諸州境盜往

來會集之地向來有巡檢今乞依舊置一員乞以廣橫

州同巡檢為名招置土軍五十人為額從之三年三

月十三日成都府路都鈐轄司言威州巡檢即無立定

滿替賞格乞依茂州石泉軍巡檢例減磨勘三年從之

八年二月二日知江陵府高夔言石首監利潛江三

縣巡檢見在監利縣置寨緩急只可照管一縣其魯家

洲在三邑之間欲移就魯家洲置寨把截庶可通照三

縣地分從之十一年正月九日詔壽州博白縣巡

檢移就本縣周羅鄉駐劄仍於衙內帶入從知壽州

施碑奏請也。十二年二月十二日權戶部侍郎蔡萬  
等言近日二浙私鹽公行畧無畏避巡尉任滿不遇宛  
轉請孺提舉司保明卻以無透漏推賞雖曰止得占射  
差遣一次然亦不可以妄予也今欲將提舉司保明巡  
尉令得無透漏賞到部之日未得便與放行須自戶部  
行下權貨務契勘本人在任月日本州軍任賣鹽額有  
無增虧如任賣鹽及額虧即是巡尉任內必有透漏私  
鹽難以與賞若任賣鹽及額所令得無透漏賞却與依  
舊放行從之。六月二十二日令諸州縣不得輒令巡  
檢就寨自行受納有違戾者所差及受差官並坐之十  
一月十三日權發遣黔州蔣介言本州兵官巡檢駐泊

捉賊三關並係大使臣窠闕七八年來久無正官緣川  
蜀大使臣極少並無本等人可以注授乞下夔路轉運  
司凡沿邊大使臣差遣日後無本等人注擬通差試中  
材武小使臣從之 十三年五月十七日詔西和州祁  
山寨巡檢監押二員內一員移充威遠鎮巡檢於威遠  
鎮置司兼煙火公事從本路帥憲司請也 十四年二  
月八日知福州賈選言乞今後應沿海巡檢須係武舉  
或軍功出自年五十諸曉兵機行陣之人方許差注吏  
部看詳欲將沿海巡檢窠闕從條先選曾經海道捕賊  
立功諸會船水人次注武舉出身人如無即依見行條  
法差注止不注流外出身之人從之 十五年七月四



日詔成州天水縣巡檢移就黃竹置司徒四川制置司  
請也淳熙十六年八月二十三日詔施州廢罷同巡檢  
窠闕一員今任滿更不差注將同巡檢下土軍併入管  
界巡檢司補填闕額司徒路請也紹熙元年九月二十九  
日權發遣廬州趙鞏言安豐軍花靨鎮巡檢兼監河渡  
後來多有不帶兼監今來創置推場全藉巡檢機察私  
渡乞於差劄內照元降指揮以花靨鎮巡檢兼煙火公  
事酒稅河渡四字繫街從之二年六月二十四日宰執  
進呈許及之奏盱眙軍浮山鎮巡檢李漢超已經三任  
於本地及北界人情稔熟與姦為市因致透漏錢寶乞  
別差官承替只以二年為任上曰此說極是大率人情

稔熟不能無弊

四年九月二日權發遣郢州羅頌言

京山縣疆界遼遠不時盜賊竊發乞自罷添差指使四  
員復置巡檢一員吏部勘當乞省罷指使并聽候使喚  
各二員日後更不作闕添置巡檢一員於永隆市駐劄  
乞<sup>作</sup>郢州長壽京山兩縣巡檢繫衝從之 十二月二  
十一日樞密院言吏部擬注沿海巡檢并諸路押隊差  
遣並申樞密院鈐量竊慮行遣迂滯詔今後並委本部  
長貳一面于鈐量差注施行 嘉泰元年九月十二  
日辰州奏沅陵縣管下有黑栗堡與浦口堡相距止十  
數里尋常多是黑栗巡檢界之其浦口地分不數十里  
為巡檢者絕無職事乞將黑栗浦口巡檢共為一關通

管兩處地分事却將浦口巡檢開改作楠木山巡檢注  
擬合入關人下湖北諸司相度公共保明及吏部勘當  
委為經久利便從之 開禧二年正月二十九日知盱  
眙軍常諸奏本軍所管戶口不及江浙一大縣而卻監  
乃有五員闔境之內已有五巡檢而外有沿淮巡檢兩  
闕其間一員至無一職可為亦地可管乞省罷一都監  
一巡檢卻於天長盱眙各置主簿詔減罷沿淮巡檢一  
員更不差人增置盱眙縣主簿一員 五月二日吏部  
言夔路諸司乞從臣僚奏請將施州建始縣巡檢司移  
屯南寨卻廢南寨監押一員令巡檢兼領任滿從監押  
酬賞條格本部卻欲從所請將施州建始縣管界巡檢

衙內繫帶南寨兵馬監押及催綱巡捉私茶鹽礬私鑄  
銅器令本路轉運司認定永遠使闕專一定差小使臣  
所有建始縣巡檢地分專責建始縣尉巡捕并移置巡  
檢司土兵於南寨屯駐從之 七月十日戶僚言乞專  
委諸路守臣銓量巡尉如有年老昏耄不堪任職之人  
即與改授祠祿若年高精力未衰之人即與管下主簿  
或監當對易職任其已注未上之人與別官兩易差遣  
仍今後應恩料吏職雜流非材武之人不許注授巡檢  
役之詳見縣門嘉定元年九月七日淮西運判張孝仲奏  
本路見任知縣縣令許諸司審量有不勝任人選辟承  
替若縣尉巡檢監鎮所管人煙盜賊於邊頭利害實有

關係欲乞一体審量或不稱職許從辟替詔從之淮東  
準此 四年十月七日詔添置郴州桂東縣縣丞巡檢  
各一員從知潭州曹彥約之請也詳見州縣同日詔郴  
州英田巡檢隸于邛縣資興巡檢隸于資興縣五年六  
月二十四日詔吳江巡塘以兼權巡檢入衙以平江府  
言長洲縣尹山小長橋及吳江縣四橋等處一帶接  
連太湖盜賊出沒措置創蓋鋪屋寨屋分差兵士乞以  
巡塘兼權巡檢故有是命 十二月一日廣西諸司奏  
梧州蒼梧一縣譚甫山則有巡檢西岸則有同巡檢在  
州則有都監都巡以郭言之不過三百餘戶而有都巡  
檢使將安用乎乞將都巡檢除罷其都巡司額管一百

二十名土軍內將五十名撤付譚南寨招填把截外餘七十名併付同巡司收管使之 六年五月二十二日江西轉運司奏筠州申上高縣銀場土豪請買招集惡少採銀山中入於近山清谿創立市井貿通有無大小嗜利無厭輕命好鬪乞遷移兩縣巡檢置於清谿市防拓本司相度合於袁州分宜縣白斜園創置巡檢為宜却以筠袁州分宜上高縣巡檢繫衝可以彈壓蒙山方山大槩之患已得旨依令臨江軍新喻縣尉陳朴厚陳乞蒙山係上高分宜新喻三縣之界去本縣治九十餘里地形峭拔姦滑所聚三縣均以為病今者巡檢繫衝只以公宜上高兩縣則姦徒不容於彼界必致奔聚於

本縣巡檢於本縣既無統攝則必置於度外自此蒙山之民不獲安枕乞於巡檢衙內增入新喻繫衙本司照得所乞委涉新喻尉司利害從之 八年三月二十五日准東安撫司奏滁州之三縣全椒來安皆有巡檢惟清流一縣正介西北之衝乃獨無之本縣心有令尉兩入勢尤單弱願置清流巡檢一員俾立寨於關山紮拖土兵五十人平居可以遏盜便安行旅緩急可以助大軍之耳目仍將本州添差將官兵官員闕並行有罷廢幾減有冗員無益之費增添巡檢有用之官詔滁州清流縣添置管界巡檢一員令淮東安撫司從公選擇一次 八年三月二十六日湖州奏本路歸安縣管下地

召荷葉浦水面宏闊寇盜出沒今於韶村建立寨屋招募土兵添造巡船其安吉縣酒稅官三員一員係在昇慈專差武臣今欲省此官卻置荷葉浦巡檢一員所是新置巡檢乞從朝廷選差一次自後徑作部關其請給卻從本州勘酌量行添增使之可以養廉專一巡警從之九年三月二十三日准西安撫轉運司秦照得除州中無為軍盧江縣金牛鎮市有居民二百餘家本軍酒坊一所從例係差本軍指使官權攝兼煙火公事今乞創差巡檢一員置在彼處兼煙火酒務使之巡視城壁關防盜賊庶幾其職稍專詔無為軍金牛鎮創置巡檢一員專一巡視修治城壁關防盜賊等事今准西安



撫轉運司公共奏辟一次其請給等並依本軍指使則  
例支破餘依十二月十七日詔天水軍移就天水縣舊  
治其天水縣巡檢一員令四川制置司選辟一次

宋會要

監當

淳熙七年三月二十八日利州東路安撫諸司言利州  
紹興監監官一員欲改注應選大使臣先親民次監當  
並銓量人材注擬從之諸司言其原係本路提舉鑄錢  
官踏逐武臣中宣撫制置司差辟昨來撥付轉運司每  
季使闕集注先職官次從政修職郎次迪功郎緣本監  
所管人兵並係充惡免死配隸之徒以此多是掛闕無  
人願就間有指射率皆怯懦不能彈壓其錢監官吏部  
四選皆有差注條格許差文武官故其請 九年三月  
二十七日詔監興元府在城商稅兼合同場二員撥歸

利州路轉運司依見條法差注以知興元府張堅奏本  
府稅務監官二員皆監管合同茶場頃歲茶馬司或乞  
專辟或乞踏逐人才關轉運司通簽奏差其間累年變  
革雖不同大抵皆借茶以為重而稅務事則恬不顧恤  
且被茶司之檄而來者必有夤緣興元既在屬部豈敢  
誰何乞撥上件開歸轉運司則茶司與本府皆可考其能  
否事下吏部以為允當故有是命 八月十一日詔光  
州稅務監監一員依舊歸部差注 淳熙十六年十一  
月二十一日戶部尚書葉翥言乞撥還獨賞酒庫內監  
官及二萬貫以上許置二員不及二萬貫去處各乞省  
罷一員從之 紹熙三年閏二月二十三日湖廣總領

所鄂州大軍庫經常收支浩瀚止有監當一員委是關  
官管幹照得紹興二十三年五月內得旨許令添置一  
員自後未蒙差到今踏逐大林郎程愈可以任上件職  
事其請給人從理任酬賞並乞依見任監官體例從之  
己上光宗會要慶元三年二月四日詔紹興府添差不  
釐務支鹽官今後以十五員為額見任人許令終滿以  
浙東提舉司言紹興府諸鹽場官吏及押袋官并諸處  
監事官吏食錢逐時修葺諸處鹽教食場屋宇收買行  
遣紙扎雜物并扛鹽腳錢從條係將支監倉每袋所收  
客人別納袋息錢四百四十文專一支給每年約支錢  
一萬五千餘貫續蒙省部注下添差不釐務支鹽忠順

歸正官其添給食錢亦循例于上件窠名錢內幫支蓋緣別納袋息錢所支數多逐年所收不償所費以致支遣不行照得添差不釐務支鹽官已於紹興府隨資序每月支破驛料及供給等外入於支鹽倉逐月添給鹽事食貨錢二十貫文委是優厚在乾道淳熙年不過一二十員而已今來節次承準都省注下三十員每月支錢六百貫以一年計之約支錢六千餘貫蓋緣貧圖前項添給多有指射上件差遣致見侵支袋息窠名深為不便故有是命 八月十七日詔嚴州復置神泉監差監官一員權隸工部將諸處拘納到銅器並鑄當三錢俟鑄足十萬貫日監官取旨特與優異推賞仍令嚴州

知通日下修蓋監屋其餘事件檢照舊來監例施行  
四年三月十八日詔潭州衡山縣贍軍酒庫官改作監  
橋口鎮乃湖南封域下流之地當長沙益陽湘陰三縣  
界首商賈往來多於此貿易盜賊出沒亦於此窺伺市  
戶二千餘家地狹不足以居則於夾江地名暴家歧者  
又為一聚落亦數百家緣暴家歧縣屬湘陰縣管去縣  
六十餘里其本地分巡捕官司則地土山巡檢寨相去  
又一百一十里忽有警急官兵在遠難以救應而橋口  
巡檢又以非其界分坐視不顧其橋口鎮雖有巡檢一  
員職兼煙火專注右選大使臣往往不堪更練民事遂  
致群不逞陽為市人陰為鼠竊本官又卻聽長沙寧鄉

兩縣差使每遇差出本鎮動是十日半月無人彈壓及領接日逐相爭鬪打公事項年常有劫盜入市剽掠富家財物而去無可誰何改緣其地四通八達水陸無遮若不措置恐啟小人窺竊之心今欲添置文臣監領專管煙火緣不敢創為此關卻契勘得本州管下衡山縣有贍軍一員別無職事坐糜廩稍乞將衡山縣贍軍一員改作監橋口鎮主管煙火公事就將見任人迪功郎姜必差大改差所有已差下人如願承替從赴部陳乞換付身其請給本州自行支給於衡山酒務初無妨廢而於橋口一鎮可以倚仗所有本鎮巡檢卻責其專一巡捕盜賊仍乞以橋口鎮暴家歧橋江水陸巡檢入衡

應募家歧沿江二十里內如有彊竊盜賊並仰巡捕庶  
幾事任歸一委是經久利便故有是命 五年四月二  
十九日臣僚言場務監官越集課額乃職分之常事設  
有不辦或遇譴罰亦法禁之當然身所自為彼將安咎  
今乃有前政拖欠數必欲後官官抱認補填程督移  
催急於星火卑官小吏惟命是從前日之額未填後來  
之數已闕因仍展轉虧欠愈深或濫俸錢或索印紙間  
有追呼受辱質貸備償罹此非辜誠可憐憫乞戒勅州  
郡自今場務監官或有虧欠課額即令將本人任內所  
虧分數申嚴批書以為殿罰不得抑令後政抱認以貽  
場務小官久遠之患從之 六年三月二十六日監登



聞檢院吳英雋言諸路州軍多以諸軍揀汰養老不釐  
務使臣差管發賣酒醋監門河渡之類其間多有曾立  
戰之功之人無力待次率就養老以贍其家朝廷立此  
窠闕以優其老今州郡不能體察多與釐務使臣混同  
差使兼其平日捨金鼓之外素所不習既不善委曲於  
人又不能規為措置多為吏輩肆欺或有折欠悉以俸  
資陪備捫心飲恨無路自明由是觀之所謂優之者乃  
害之人也乞下諸路州軍今後不得差養老不釐務使  
臣管賣酒醋及監門河渡之類如或違戾當職官吏重  
寘典憲專委提點刑獄司總領所覺察奏聞從之 嘉  
泰元年三月六日詔鄂州在城酒務撥併付湖廣總領

所兼都統司承認課額已差下監官領吏部別行改注  
以北諸司有請改也四年正月二十三日詔省罷紀興  
府諸暨縣楓橋鎮稅官令鎮官兼領從守臣辛棄之請  
也開禧元年閏八月二十四日吏部言提領建康府酒  
庫所申監建康府戶部東西南北中酒庫五庫各添監  
官二員乞將見任監官各有罷一員見任人許令終滿  
已注未上者別行注授仍乞下吏部照格法選差使臣  
五員赴所準備差使分幹諸庫事務以提領建康府戶  
部瞻軍酒庫所準備使喚結銜召部經任識字校尉  
小使臣指射仍從本部銓量差注從之十月七日知  
建昌軍趙汝礪言本軍監瞻軍酒庫一員曩時酒務分

局故有監酒稅二員復有監膽軍酒庫一員今三務合而為一且酤賣徵細日計息錢不登三數十緡既有兩酒官則膽軍自不必置又有監太平銀場一員頃歲銀坑興發故置官以辦使臣之俸月錢百緡米幾十石或大使臣以上其數又不止此豈不重為州縣之蠹乞將監膽軍酒庫監太平銀場二員省罷從之 嘉定元年

三月九日詔行在膽軍激賣酒庫所都錢庫監官令吏部侍左<sup>侍</sup>右通行差注依條使闕如同日有文武官指射先差選人 八月十六日吏部言小使臣任課利場務監官一時被監司郡守差檄部綱不曉法意不曾給到所屬自陳辭避干照被差在路風濤險阻交納了足動

涉百日之外洎至回任仍舊管幹趨辦課利無虧欠批  
成二考皆罷卻將所差此日月不許理為在任往往皆破  
考任反以為害乞將似此小使臣監當被差部綱不曾  
給到自陳干照即取索印紙見得任內課利數足即與  
批書滿罷權與理為在任月日從之 二年正月二十  
日權知開州王煒言本州監稅官一員係轉運司定差每  
一日課額止二十千又添差一員不墜務之人坐食耗  
盡清酒務初無正官員闕日課五十千止是本州措置  
酤賣每日輪差公吏而已乞下轉運司減添差監稅只  
令正員稅官兼監清酒務許令文武官通注從之 三  
年八月二十三日知邛州舊管蒲江縣鹽井一監僻居

窮谷之間民居不滿百家鹽夾僅供一郡而監官乃以兩員為額內一員兼賣引商稅煙火一員兼買茆支鹽職小而任不一事簡而官獨繁乞省減兼買茆支鹽監官從之 二十八日詔漳州船料場造船場都作院在城酒稅監官五員見任人且令終滿已差下人依省罷去以湖南諸司言從漳州所請廢罷所有錢米添助贍軍支遣故也 五年九月二十一日臣等言行在酒所以贍軍激賞為名合都城內外列為十有七庫事煩責重專在監官得人叢歲多注文臣近來庫官除四員注差文臣外其餘皆右選也攷其出身往往非盡由科目世家或自軍伍奮身或從吏胥出職其間有不顧廉恥

者有不知文墨者則上無以趣辦國課下無以檢核吏  
姦照得列庫監官其有雙員者縱不能盡差文臣而以  
一文一武相湏並任不惟增重其官而左選士流希望  
陞改有所顧藉必能盡瘁乃職欲望下三省詳酌施行  
詔將瞻軍諸酒庫雙員監官自今後並以文武官對差  
見任人許令終滿已差下人元係雜出身及流外人並  
令赴部別行注授內堂除人赴尚書省別行陳乞合入  
差遣續勘會已降上件指揮除見任并已差流內武臣  
一闕存留外所有合差文臣闕次開具下項而上庫藩  
封庫南庫東庫西庫北庫南外庫北外庫中庫餘杭庫  
詔十闕並令堂差經任有舉主選人一次內堂差闕令

後仍舊堂差部關今後令吏部照應已得指揮差注流  
內文臣其藩封庫內一員自後令點檢所奏辟流內文  
臣 十二月四日樞密院言勘會內諸司等處吏職出  
官之人多是出官之後卻差充內諸司等處幹辦監門  
等官差遣既先於本司執役後趣於監官同職委是分  
守無別其元係吏職出官卻任在京局務監當差遣事  
體亦同詔自今後內諸司等處吏職出身之人並不許  
差充內諸司等處幹辦監門等官差遣其以吏職出官  
亦不得任在京局務監當差遣仍令三省樞密院常切  
遵守 五日詔賀州稅官一員省罷以本所官監及添  
差稅官一員并監廟二員不欲盡行省減監廟於內止

省減一員與太平錫場監官一員並省罷象州稅官一員省罷以本州官兼又有添差監廟三員指使兩員各存留一員梧州添差監稅一員省罷從廣西諸司奏請也六年七月八日都大主管川泰茶馬監牧王鈞言本司馬務錦院最係繁夥去處皆係使臣兼攝竊見本司管押茶船官三員舊來運茶應副陝西博馬遂有此官今不過昭化一處用船餘皆茶鋪陸運全無職事誠可省併內二員係成都幫請一員係漢州幫請欲乞存留成都府一員外省罷一員并漢州一員卻於前件案關許令本司辟差馬務監官一員錦院監官一員並以小使臣奏辟兩年為任詔從之今本司於小使臣內踏逐



曾經任有舉主無過犯人充 七年八月五日淮西提  
舉喬行簡言訪聞兩淮州縣榷場商旅般運物貨過淮  
邵打博北界鈔鹽回歸其弊皆緣州郡利於收稅更不  
覺察禁戢邵將捕到北鹽拘沒入官置鋪出賣或分與  
鹽鋪戶發泄合行措置本司近準指揮今後兩淮榷場  
監渡官選差見任官兼管令提舉司常切覺察逐行下  
光州安豐軍其花鹽鎮中渡兩榷場不得差補攝公吏  
去後據安豐軍申選差本軍花鹽鎮巡檢兼管光州中  
中渡係屬光山縣巡尉亦當任責逐差本縣縣尉仙居  
巡檢砂窩巡輪流兼管三月一易本司已備申朝廷照  
會訖外訪聞淮河兩渡非特北鹽過界近來本界私茶

渡淮而北亦復不少尤當嚴亦何愛一二差遣不使之  
專一管幹今欲乞將中渡花屬兩渡監官創置員闕選  
差曾經任有舉主人充應內有補獲到茶鹽與照巡尉  
格推賞其透漏者罰亦如之庶幾職思其憂亦可使之  
巡檢姦細機察盜賊體探邊境事宜詔從之增置中渡  
花屬兩渡監官各一員仍令淮西運司選辟經任有選  
舉主選人一次今後作堂除使闕 十一月四日提領  
建康鎮江府轉般倉監門職事自來係差武臣自嘉定  
六年內準指揮專差經任有舉主無過犯選人永作堂  
除照得本倉監官亦係堂除選人昨因提轄鎮江權貨  
務詹阜民陳乞倉官任滿推賞已蒙行下任滿與減二

年磨勘訖惟是門官雖係改差文臣與倉官事均一體未蒙比附推賞乞明降指揮詔今後建康府鎮江府轉般倉監門官任滿如能搜檢無透漏官物比倉官與減半推賞施行 八年十一月二十三日淮東總領宋鈞言諸軍分屯田淮南已多而揚州為最月支糧米計一萬七千餘石本所每歲截撥不下十三四綱而倉教不增築監官不專差但委之本州司戶大率視為他司委送之事漫不屑意交納稽時今欲乞轉致置揚州戶部大軍官一員從本所選辟廉潔有才力一次使之措置添架倉教一意出納自後歸之部闕注選人曾經任無過犯者庶幾職掌專一詔令淮東總領於揚州見任縣

官內選辟一員仍以兼監戶部大軍倉掣銜候任滿日  
於本州及總領所批書訖方得離任任滿合得酬賞與  
照條放行已上寧宗會要

全唐文

宋會要 監押

以閣門祗候以上充三班為者名監押諸州府軍監皆有之領本城及屯駐兵掌屯戍邊防訓練之令以肅清所部有至二員者或為同監押禁兵駐泊則增至一員不領本城兵邊州有至三員者亦有一路兩路三路者其關城縣鎮寨津堡亦有置者縣或知縣兼充朝官為都監京官幕職為監押畿縣則云簽書兵馬司公事國初以諸州都監或雜用文臣為之其後遂罷止以武臣為之兩朝國史志都監有路分有州府軍監有縣鎮有城寨關堡並以閣門祗候以上充然以參用三班使臣凡監押則專用使臣焉都監押悉充在城巡檢自都監而上至路分大率皆置一員亦有一州一路數員者其知縣監鎮朝官即兼都監京官即兼監押畿縣則云同簽書兵馬司公事掌屯戍邊要訓練之政令以肅所部以上續國朝會要太祖乾德三年五月詔差起居舍人劉兼通判泗州兼兵馬都監七月以尚食奉御劉儀充西路兵馬都監十二月詔西川管内監軍巡檢使不得御州縣公事太宗太平興國三年五月以客省使翟守素為兩浙諸州兵馬都監莊宅使花光進兩坊副使弭德超並充監押五年十一月以太

子中允董頌充唐州方城縣兵馬都監兼監商稅真宗咸平六年十月長樂郡主高氏為其弟殿直處約求亳州兵馬監押真宗曰護戎之任實司軍旅處約未歷事不可從也景德元年七月以水部郎中三門發運使許玄豹兼河陰都監知縣事河陰領汴口每歲均節水勢以濟江淮漕運玄豹上書自言習知利害願兼領以自效故也是月又詔西路沿邊有都監監押處罷駐泊都監三年六月詔以六宅使康繼英如京使苗忠右領軍衛將軍潘璘右司禦率府率劉文質充昇洪杭福涿州駐泊都監各提舉本路諸州軍兵馬巡檢公事仍於泗州各選置都監巡檢使量益駐泊兵甲時司天言星文灾異主吳越之分帝曰西北兵民雖漸息肩而東南久安當深慮之近臣曰數歲前司天亦言吳越有灾宜過為備陛下分遣使命周恤黎民釋逋租選良吏雖小有險歎而終保證寧今郡邑豐穰過前遠矣復何患也帝曰居安思危有備無患古之善教也故有是詔三年八月以禁衛步騎兵分屯河陽澶州各三千人曹滑徐許州陝府白波各二千入陳汝懷虢州各千人仍選使臣充監押命御前忠佐同管轄之九月詔三班院自今使臣年及三十累經勾當者乃得選差充監押巡檢先是宿泗州巡檢王文用受賊父賂而釋其賊復慮敗露即謀剽劫伏帝親

案見文用裁二十歲未嘗歷事因有是詔四年八月令環慶路都監二員  
每歲一巡沿邊戍寨更迭而往時上封者環慶諸軍多分屯淮安洪德秦  
時總管未嘗按視戎事弛慢故也十二月詔川陝節度州及衝要兵多處  
監押用侍禁已上為之時興元府言有小校對護軍無禮其人乃三班奉  
職以秩輕故也大中祥符元年八月以車駕巡幸東京陝西淮南諸州  
地當衝要者權增屯兵命諸司使已下為駐泊都監又以內殿崇班劉文  
質為齊州駐泊都監兼巡檢以泰山北面有路抵齊州故增警備也二  
年六月詔西北諸路駐泊司事並與知州同管勾以事多違戾故也八月  
以閭門祇候康訓同管勾陝路駐泊公事時峽路倭延責有疾帝以壁寇  
未寧發兵招道慮施黔曼峽夷人擾懼故擇訓蒞事仍令慰撫之三年四  
月八日詔京東西河北東有屯兵處並選諸司使副及御前忠佐為都監  
駐泊令以時訓練五年二月詔開封府諸縣軍民相毆訟者令知縣都監  
同議裁斷以上封者言緣與本軍各底所部多致相抑故也六年五月二  
十八日前荆湖北路轉運使陳世卿上言新立澧州武口等寨其監  
押尤須得人請自今歲滿即委本路轉運使本州知州保舉使臣授之俟  
其任滿有勞特與酬獎從之七年十二月陝西轉運使請增置慶州柔遠

審鳳川柳泉等鎮環州合道鎮監押各一員從之八年五月詔江淮西浙  
駐泊及巡檢兵士並遣習水者往以舊兵不習船水難於捕寇故也六月  
供備庫使劉知訓言廣州人煙闊遠軍營最多其兵馬都監監押解宇並  
在古廟請徙一員解宇於左廟從之八月十四日增置忻州駐泊都監一  
員從河東安撫司之請也十七日新知永興知府李迪言永興所部慮非  
時寇賊望今駐泊使臣量領兵捉搦帝曰大段寇劫即令駐泊使臣與巡  
檢捕捉如小可賊盜勿令差出十月益州路轉運使薛田言綿州路當要  
衝見管戍兵甚衆請依彭州例增置駐泊都監一員從之十一月權涇原  
路鈐轄兼知渭州郭崇言涇州戍兵甚衆請用閤門祇候一員充都監從  
之天禧四年六月三班院言自今內地駐泊捉賊使臣請以合任遠地監  
押巡檢殿直以上習戎事者充仍支監押添給代還日復任遠地從之五  
年四月知秦州陳充咨上言慶州監押以奉職而所屯軍校多軍廂主忠  
佐都虞候並係統攝事體非便詔三班院自今差陝西沿邊州軍兵馬監  
押須慎擇曾經邊防任使少壯有武勇殿直以上使臣充乾興元年十一  
月仁宗已即位未改元詔開封府諸縣兵馬都監自今應係縣郭煙火賊  
盜軍人與百姓聞爭公事並仰與縣司同共施行二年十月三日三門白波



發運使張方言望差京朝官充河陰知縣仍乞依鞏縣例同僉書兵馬司  
事詔白波發運判官文泊兼知河陰縣同僉書兵馬司公事天聖三年八  
月河北緣邊安撫司言近以奉職張可久充廣信軍兵馬監押竊緣本軍  
最處窮邊屯兵不少其張可久新自舉人得官不惟未諳邊事兼恐職卑  
難為彈壓管勾欲望於殿直以上別選曾歷邊任監押者充從之四年  
二月同管勾河東緣邊安撫司王世文言代州界竇興軍寨主李繼忠見  
任右班殿直其新差到本寨監押王格乃是左班殿直職序非便恐致不  
和望下三班院自今凡監押職位須在寨主之下從之格仍移他任七年  
六月鳳州防禦使何俊上言環慶州沿邊鎮寨借職本職充寨主監押  
巡檢者其間有年高不諳武藝之人又緣鎮寨及巡檢下各有禁軍或軍  
主都虞候在彼駐泊慮官卑不為畏懼欲望自今並以殿直以上充從之  
九月上封者言河北沿邊州軍兵馬監押多是近裏州軍小吏監當一  
任後便即差充全未知邊任事體欲望自今於曾任監押巡檢及曾任沿  
邊指使使臣內差充從之景祐三年八月置廣南西路駐泊兵馬都監  
一員實元二年六月九日益州路轉運司言威州是蕃部出入要路乞選  
使臣一員充兵馬監押從之威州舊曰維州控制吐蕃之要害地形絕險

唐天寶後陷于吐蕃宣宗朝收復景祐中改州名 康定元年六月涇原  
路總管司言諸堡寨有寨主監押二員者請月遣一人行遣若斥候不謹  
者劾其罪從之 慶曆六年五月置青鄆州路分都監以知登州吉州刺  
史劉渙兼青州路兵馬都監內殿崇班黃舜卿為鄆州路兵馬都監以上  
封者言京東武衛宣毅軍皆土人凶悍者衆請選置青鄆州路分都監各  
一員以時訓練之 七年十二月詔陳留雍丘襄邑尉氏咸平陽武等六  
縣兵馬都監自今開封府及府界提點司更舉閣門祗候以上曾經外任  
者為之 皇祐二年二月二十五日奉鳳路經略司言竊見本路都監崔  
懿文在管路諸事周知欲乞就差再任從之 嘉祐二年八月詔內呂為  
鈐轄都監押逐路止置一員 九月樞密院言河北陝西河東路分都監  
自轉運崇班以上更三任親民有本路安撫經畧轉運前兩府五人同辭  
奏舉者方得差其京東減親民一任舉主二人若有戰功者勿拘從之  
三年正月十八日詔開封府陳留襄邑尉氏縣兵馬都監自今差諸使副  
使以上三年一代與減磨勘一年 閏十一月十九日大名府路駐泊  
兵馬都監鈐轄潘若冲言三路州軍所差駐泊都監本城都監監押朝廷  
於虛任中分別高下以定資序自來多是本城都監監押為見駐泊司差

占管直兵士數多要近上禁軍當直或抽禁軍手藝人占役却於所轄處乞兼同管駐泊軍馬公事事體不便欲乞本城都監監押除在即臣手下自未例差管將分軍馬外其餘州軍不得擅差同管駐泊公事其駐泊臣僚如有不職及闕官於隣近處選差往彼填替所貴各司其局免致相侵如違乞重寘之法其免同管勾駐泊軍馬去處令勾收所差文字各守本職從之 八年十月詔自今陝西四路極邊城寨主都監監押巡檢令帥臣舉官以上因稍會要 哲宗正史職官志路分都掌本路禁旅屯戍邊防訓練之政令州府以下都監皆掌其本城之禁兵甲訓練差役之事資茂者為監押 治平四年六月 詔知欽州宜州候見任官年滿差官日更不兼安撫都監 熙寧元年七月二日詔秦州大甘谷口寨新築城可名甘谷城仍置知城監押從陝西經畧使韓琦請也 二年閏十一月京東轉運司言乞今後應係本路都監監押並與選差曾經任都監監押任使精歷之人所責軍政得人况所養禁軍乃是准備河北戰士軍政當與三路一同主兵之官資選即與三路不等亦乞今後並與河北兵官一體選任從之 三年七月三日詔增開封府陳留兵馬監押一員從本府請也 十三年樞密院言秦州兵馬都監只兼管勾訓練本

州駐劄本路兵馬所有路分兵甲公事即不得管勾從之 是月詔減衛  
州駐泊兵馬都監一員從權河北監牧使周革之請也 九月郎延路走  
馬承受公事歐育言沿邊監押官即寨主却為監押所壓人情不能相下  
由是宰得和同乞自今選心力武幹者充寨主不以官資並在監押之右  
從之 十月詔諸路見闕兵馬都監處如未有本等合入即於選差一州  
駐泊都監內管勾本路都監公事 十一月詔減同陝二州駐泊都監各  
一員上以西陸用兵多在邊內地官冗故也 四年三月二十七日詔所  
界諸縣兵馬都監今後樞密院選人 五年五月三日詔河北陝西河東  
京東路都監自轉大使臣後歷三任親民內一任選任有舉主五人者充  
第二任親民者與權第一任親民者與權發遣其京西等路自轉崇班後  
經親民一任及曾經選任方許差其因戰功陞擢者雖未成一任亦與權  
並不許陳乞 元豐元年八月十八日詔自今路分官與將官互差 三  
年三月十四日上批近差梓潼路都監王宣雖後累曾簿立戰功然皆就  
本路陞擢未嘗一至京師朝廷得以親審其材否問宣人品椎鈍全少識  
略常須得人指蹤或且稍堪驅策今若委以處置職任不惟於選事無補  
亦恐緩急別致乖方貽朝廷憂可別邊一稍可思慮者代宣遂以左藏副

使高遵治兼開門通事舍人代之 五年二月十三日詔陝西經略都總  
管司至路分都監並加開會二字 六年五月十七日熙河蘭岷路制置  
司言王慤已至本司乞依舊充本路都監詔賜裝錢二百千速發赴郡  
延奉任 哲宗元祐元年十一月二日詔三路京東路都監並只差內臣  
一員如未有可選之人即權於前班內差 六年閏八月六日給事中兼  
侍講范百禄言乞依祖宗舊制以鈐轄司移歸遂州其瀘州止存沿邊安  
撫司詔瀘州兼管勾邊南沿邊安撫司公事移梓夔路鈐轄歸州 紹聖  
四年九月二十一日詔佚倫虛副使劉永安令尚書吏部添差充楊州駐  
泊都監永安以先朝隨龍人有請也 元符二年五月二十一日定州路  
撫司言涿州係次邊州欲乞城外更差兵馬監押從之 三年二月四日  
中書省勘會本省吏房元豐八年三月二十四日刺韋恩文臣除在京職  
事官武臣樞密都副承旨帶御器械開門通事舍人閤門祇候內臣都知  
押班之類職任各除逐項聲說外其餘差遣依例並權不帶所有見充兵  
馬監押處因今來轉官合陞為都監者即令吏部於申狀內勘當聲說一  
就行下今來本房見行軍恩轉官人欲乞元豐八年故例施行從之 徽

宗大觀二年四月十六日吏部狀勘會元降指揮帥府望郡通判蔣職兵  
官並朝廷選差慮上件指揮內兵官字止為駐泊都監兵馬都監及監押  
兼後刺杭越等州都巡檢使令本部擬注申三省審察差人致未敢施行  
詔東南帥府望郡駐泊都監兵馬都監監押及杭越等州創添都監巡檢  
並朝廷差 三年六月二十七日詔帥府舊無路分鈐轄者許置一員與  
路分都監者望郡置一員參總軍政並選材武有功人充東路除舊有路  
分鈐轄或路分都監去處依舊差置於帥望州駐劄外其餘添置路分鈐  
轄路分都監許令終滿令任更不差人 政和六年十一月七日詔應見  
理路分鈐轄路分都監州鈐轄資序人並改正今後如敢奏陳乞理為資  
序者以違御筆論仍委御史臺覈察 七年七月五日真定府路安撫使  
趙道奏昨乞差武義大夫吳子厚充本路兵馬都監奉御筆依奏近承降  
到宣命就差權易澄路都監契勘子厚係太原人累任河北沿邊差遣於  
北方利害素來諳練出官所立戰功奇功悉係三路備見得力若蒙聖慈  
許令再留本路緩急以備驅使不致闕事詔依舊充真定府路兵馬都監  
宣和二年四月六日詔度州地接廣東江山險阻私鑄盜販習以成俗  
囑察出沒民被其害可於江南西路廣南東路添置路分都監各一員

十月二十三日樞密院言臣僚奏國家養兵訓卒分屯州縣因其大小而  
立多寡之數掌兵之官則又隨其多寡而定負其額以舊制也並邊極塞  
藩府節鎮屯軍稍衆自有將帥統轄外其餘路分州鈐轄都監監押各有  
常數至如東南列郡及非邊州舊來不過一二人而已比歲正額之外添差兵  
官有及數倍者略行取會如湖州舊額一員今乃添七人平江舊額三  
員今乃添五人江寧信德襄陽慶源府等處見任各六七人下至宣慈小  
壘六皆五人悉有添差之數若此之類未易殫舉是非以兵多而增官也  
殆以州郡供給優厚而溢員漸增官溢員豈特卒伍有將迎之勞至於占  
破人從逐州往往差使不足其害百出閱習武藝則又未聞也太過之弊  
遂至於此臣契勘昨降處分已嚴添差後未減省溢冗員願肅清銓曹差  
注頗便宸翰申敕使之遵守舉而行之不應增溢如是之多也若額管兵  
官一員處宜不可暫闕令獨不然有至七年而不補者禁州是也四年而  
不補者寧州是也見今全關亦踰十數郡至於城外巡檢專以警捕為職  
若間有盜賊竊發要在晝時掩捕今有累歲闕官不差者其利害得失與  
東南兵官豈可同日而語哉朝廷之上運化變通顧不難也伏望聖慈詳  
酌減罷添差人數其諸州見闕兵官及巡檢去處即乞降旨速賜差注庶

無一偏不舉之獎詔額外人並放罷見關官仰樞密院限三日差填員是  
將上奏知及今尚書省吏部勘會關官去處係樞密院案關申樞密院差  
人補繼而十一月十三日樞密院言勘會除將額外人依所降旨揮先次  
放罷外本院即未審依條許添差宗室并歸明蠻官尤當遴選比來所除  
諸路鈐轄都監諸州鈐轄一州之間多至三四員或是貴戚子弟或是胥  
吏出身或是臣僚子家給賜恩澤不惟坐糜厚俸兼諸州士卒不多僅能  
充其徒從無復教閱甚失祖宗建置兵官之意乞詔樞密院今後專用武  
藝出身累立戰功資序應入之人其添差案關除隨龍人及宗室外餘減  
罷詔差除兵官令樞密院更切遵守本院見行條格其添差除條隨龍并  
宗室及歸明歸朝官外今後更不差人 三年三月四日中書舍人趙思  
誠言祖宗朝兵馬都監監押大州不過三員小州止一員今一州之中至  
有六七八人職事不修任人使自倖與不倖依令未旨揮減罷兼勘軍班  
換校之人逐時降旨揮許添差三路都總管司教押軍隊即別無正額及  
昨蒙旨揮為李奎冒用階官換武臣奉御筆許添差都監監押本院已添  
差訖今未即未審依令降旨揮一別減罷亦未審合依舊存留在任有此  
疑惑未敢擅便施行詔並條合添差以上條關前合案 高宗紹興元年



十月九日內侍楊公恕以潛邸舊人乞差遣三省欲與都監上曰若以潛  
邸之恩與一都監亦不為僥倖但其為人難使之近民可別與一差遣  
十一月一日臣僚言方今用武之時諸處掌兵之數多騷擾乞降睿旨令  
後惟忠義勤勞之後朝廷特加優恤者許添差外餘更不添差詔吏部除  
宗室外具諸路添差過負數并元差因依申尚書省 三十年七月二十  
一日詔武翼大夫兼閤門宣贊舍人李唐義添差兩浙東路兵馬都監台  
州駐劄武節大夫李珣添差兩浙東路兵馬副都監衢州駐劄並簽務唐  
義等以隨龍恩自陳乞有是命 以中興令 孝宗隆興二年八月  
二十二日真州申援本州兵馬都監胡永等狀真州正當水陸衝要累經  
兵火自隆興元年應辦軍期糧草即無間誤伏觀楊州已申乞將楊州官  
任滿賞依舒州無為軍例內選人許到部一併收使今乞比類楊州舒州  
無為高郵軍例施行吏部勘會無為軍舒州係是次邊昨緣遂州叙陳與  
極邊州軍事體一同已 降指揮並依光州減半推賞楊州真州亦次遞並  
許依舒州無為軍推賞今欲依本州所乞從之 乾道元年三月二十五  
日三省樞密院奏近降旨揮諸路州軍禁軍開額已行招填專任武將各  
統一路之兵循環教閱內一項遂州都監令吏部依格注授內整務都監  
今月之

除煙火公事捉捕盜賊外不得預雜務從之 四月二十四日詔成忠郎  
蔡江府駐劄御前軍第二將正將魏方添差鎮江府兵馬監押不釐務  
請給人從並依正官制支破候三年滿罷更不差人從故節度使魏勝妻  
乞姪照恤孤遺故有是命 五月六日詔今後差州郡監監押雖應格法  
並令吏部長貳躬親驗量人材堪充兵官許擬差如精力衰弱不能治軍  
及病患不堪職任之人並不得差注 十二月十日詔前軍第一副將魏  
均添差常州兵馬監押不釐務候三年滿日罷更不差人 以鎮江府駐  
劄御前諸軍者統制郭振申據故齊安郡夫人于氏狀亡夫贈守國軍節  
度使魏勝昨在楚州淮陰縣戮力鏖戰死於陣前蒙朝廷追贈節鉞加謚  
建廟令子郊襲父元官令男魏郊年尚幼小未敢就根雖有賜到田土係  
在常州軍界無人管當今有姪魏均見充前軍第一副將欲乞家便  
差遣庶得專令照管莊產故有是命 二年九月十八日詔今後諸路釐  
務總管鈐轄都監已授未赴任人依監司郡守已降旨權劄到前半年赴  
罷上朕訖之任 三年三月十九日樞密院劄子奏檢會建炎四年七月  
二十五日已降旨揮今後應堂除並權替二年為任有旨諸路分別都監  
州鈐轄以上已到任二年過滿之人不候差下替人合照上件旨權成資

滿羅 十月五日軍執進呈使臣張鑑差遣魏杞奏曰張鑑監費若除  
兵馬都監恐太高上曰可與副都監其人亦派文達方召來須有以處之  
四年九月十一日詔武翼郎曹澤添差明州兵馬都監兼在城巡檢不  
釐務以澤係慈聖光獻皇后親姓孫陳乞故也 八年六月一日吏部狀

准江淮等路提點錢江夢申乞立定都監巡檢縣尉任滿獲私錢堆賞  
格法其在城都監任內批書失覺察其獲私錢因依今勘當依所乞都監  
任內添入批書逐項因依與巡尉一體施行從之 九年閏正月十七日

宰進呈先得旨臨安府既有路分都監一員而平江府又有一員可并路  
分鈐轄員數契勘創始之由梁克家奏曰初皆因添差後遂因而作闕上  
曰可盡刷諸路初增數見任人許終滿後不再差亦不須降旨揮行下衣  
院吏房遵守 淳熙元年五月二十八日詔兩浙東路移處州路分副都  
監一員於婺州駐劄浙西路移常州路分副都監一員於江陰軍駐劄江  
南東路移池州路分都監一員於廣德軍駐劄江西路移江州路分都監  
一員於臨江軍駐劄淮南東路移揚州路分都監一員於泰州駐劄荆湖  
北路移岳州路分副都監一員於鄂州駐劄見任人且令終滿已差下人  
權依今未改移駐劄州軍之任以樞密院言諸軍所管禁軍有人數多而

全無兵官駐劄訓練總領者有禁軍數少而兵官多者今欲以諸州軍禁  
軍多寡參酌均定故有是詔上國朝會要三年十一月十二日南郊赦棟  
汰雖軍曾經立功應修武郎以上見在部係親民將序應材武格法年六  
十以上令吏部長貳鈐量人材精力不衰堪充兵官與免呈試許指射淳  
熙三年六月終以前見榜破格都監巡檢闕一次其後六年九年明堂赦  
亦如之十年十二月二十一日詔成都府路兵馬都監仍舊於三都統下  
兵將官內選擇素諳戰陣年尚強壯之人具職次取旨差官從知成都府  
留其請也以上孝宗會要 淳熙十六年五月二十三日四川制置司言  
欲將珍州通義嚴卓兩寨監押二員省罷却存留通義高富兩寨巡檢一  
員於思義寨駐劄從之 紹熙元年四月二十九日臣僚言外郡禁軍唯  
藉兵馬都監日逐監視教閱間有宗室戚里奏薦子弟未諳從事一旦責  
以訓練懵然不曉乞令吏部將逐州兵馬都監監押合差員數之內專以  
一闕近授曾從軍有材武及軍班換授曉習行陣之人庶可倚仗吏部看  
詳今後乞將諸軍兵馬都監係獨員去處專注應材武次曾任主兵官之  
人內有合差都監二員以上及都監押共差兩員以上去處並乞通融注  
授一員應材武曾任主兵官之人從之 二年十一月二十七日南郊

救勘會棟汰驍軍曾經立功應修武郎以上見在部係親民資序應材武  
格法年六十以上人可令吏部長貳鈐量人材精力未衰堪充兵官者與  
免呈試許指射紹熙二年六月終以前見榜破格親民都監巡檢闕一次  
嘉定二年十一月五日荆湖北路轉運司言岳之為郡盜賊出沒紹興  
初制賊楊公甫聚朝廷特遣大將以平之其州雖有廟禁兵然三都監權  
輕職卑不可倚仗乞者都監一員復置路分從之 五年十二月一日廣  
西諸司言賀州有添差不釐務兵馬監押一員委實冗贅乞下所屬銷豁  
又柳州已有正任監押又有添差監押並無職事管幹又象州合城內外  
不過二百餘家軍籍不滿二百既有兵馬監押又有添差是誠為贅見任  
之人乞聽其終滿自後並乞住差從之 十二年十一月十七日詔利州  
更與差置兵馬監押一員仍釐務以四川宣撫司言極利路轉運司申利  
州地臨劍外正係蜀漢往來衝要去處總所倉庫之聚戎司軍馬之屯嘉  
定而後始以漕臣兼之今止有兵馬都監一員獨力管幹乞依興元府例  
更置兵馬監押一員仍釐務其差注格例照興元府見差小使臣親民資  
序人竊見目即正任添差指使數內多是廢老虛廢帑庫無補公家所當  
減汰乞將見任指使三員候終滿日並乞廢罷却以此俸補助支給故有

是命以上宗會要

金唐文

宋會要

邊使巡撫

太祖建隆元年三月命武勝軍節度使宋延渥等領舟師緣江巡撫而貽書於江南國王曰朕自勉徇推業志安兆庶顧邊陲之罷警欲疆理之大同乃睦江濱近屬中夏當開創之方始諒巡撫以攸宜耶會帥臣往諭朝旨今差鄧州節度使宋延渥為都總管舒州團練使司巡閱之量率兵棹自襄州下江直至通州以來緣北岸經畧巡檢提舉口岸止絕偷渡舟船安撫人民若或經過之處須經南岸即令先發文字告諭本處人員然後過往載惟明達當體所懷 太宗淳化四年二月分遣

使於諸路巡撫工部郎中直昭文館韓援考功員外郎  
直秘閣潘慎修淮南司員外郎直昭文館李繼水部  
員外郎直史館樂史兩浙翰林侍讀左司諫呂文仲秘  
書丞直史館陳充叟陝西殿中侍御史陳載右司諫直  
史館馮起江南皆賜緡錢以遣之仍下詔曰去年以來  
愆亢茲甚江浙淮陝最被其災歲既荐飢人則艱食大  
聞康庾以救荒亡常平之蓄屢空轉徙之民相斷頗恣  
攘奪多罹刑辟繫狴牢者既衆斃枯木而亦繁當官者  
謹守科條不體好生之意按察者專務循默罔伸刺舉  
之文盡然疚懷明發不寐用擇通方之士俾宣欽卹之  
仁韓援等所至可勞問疲羸申明詔旨首詢獄行周訪



惇縠招輯流亡俾復其所導揚壅遏使得上聞刑辟之  
間哀矜為務率從輕典寧失不經有可以惠燕下民悉  
得以便宜從事官吏罷軟不勝任苛刺不撫下者上所  
行詔令有所未便等事咸宜條奏附疾置以聞八月以  
虞部員外郎高象先為本曹郎中充江南荆湖廣南路  
巡撫使 真宗咸平二年三月以度支刑部員外郎直  
史館陳克叟為廣南東路巡撫使賜金紫三年七月以  
翰林侍讀學士夏侯嶠為江南巡撫使知制誥趙安仁  
副之翰林侍講學士邢昺為兩浙巡撫使倉部郎中直  
秘閣矯慎修副之所至問民疾苦疏理滯獄厚賜而還  
復命中使餞于郊外四年十二月命司封郎中樂崇吉

欠

閩門祇候郭盛巡撫荆湖路 景德三年四月二十一  
日遣屯田員外郎謝濤為益利等州巡撫使閩門祇候  
王承僅副之左正言直史館孫冕為梓夔等州巡撫使  
閩門祇候郭盛副之太常丞直史館路振為福建等州  
巡撫使閩門祇候鄒恩副之所至存問鰥設官吏將校  
父老等疎決見禁罪人雜犯罪人至死及官典犯贓依  
法外流已下遞減一等其雜犯死罪情理可憫者諸員  
改官物累經赦宥除放而尚令理納者悉條其事以聞  
仍按察官吏能否民間利害以聞內出名香付冕等令  
所經名山大川及古聖先賢祠宇精虔至禱為民祈福  
二十八日命職方郎中直昭文館韓國華為昇宣等州

巡撫使閤門祇候張士宗副之審刑院評議官殿中丞  
周寔為江洪等州巡撫使閤門祇候王德信副之度支  
郎中裴莊為兩浙路巡撫使閤門祇候張雄副之其存  
閤按察使決如謝濤等例 大中祥符二年正月命右  
司諫直史館張知白按巡陝西路自去冬華解少雪穀  
價騰貴流民入唐鄧州轉運使言瀕河倉庾止有二年  
之蓄故遣使視之十月二十三日遣使巡撫舒州以霖  
雨害稼故也八年二月命知制誥陳知微閤門祇候曹  
珣巡撫淮南路三司戶部判官虞部員外郎袁成務閤  
門祇候王承僅巡撫兩浙路候到逐州軍政索覓在斛  
斛數目內有少闕之處即相度撥填仍密切體量巡檢

使臣能否如老而慢職者即對換訖聞先是真宗以淮  
浙去秋不稔物價稍貴民頗藉食故遣使賑卹時上封  
者人言淮右物價貴民家積穀者多請勸其減價出糶  
以惠貧民帝慮其擾止令知微等勸諭富民出糶無得  
抑逼民間九年三月命虞部員外郎張懷寶開門祇候  
王守榮巡撫溫處州發庫粟救貧民因令按視杭州江  
岸具事狀以聞 天禧四年閏十二月以龍圖閣學士  
陳充盜為鄆巡鄆寧環慶涇原儀秦渭州等路巡撫使  
皇城使劉承宗為副時邊臣言哨廝囉作文法竊恐為  
患曹瑋又言其文法已散必無生事頗致異同故遣使  
撫察仍詔曰春姦列郡實介西陲輟內閣之近臣登禁

度之信使屬邊防之無事示晏犒以中恩尤為原隱之  
釋華且訪閭閻之疾苦至於官吏之治行州縣之賦徭  
宿負之未蠲滯訟之或訴即當平處並以敷聞仍就決  
於薄刑在廣宣於寬詔勉遵朝命用副予衷仍以七事  
付堯咨等一到逐州軍並官備酒食犒設軍校使命官  
員等一察訪民間利害條上其目一有朝廷轉運司配  
率物色及鄉村追紂工匠打造官物累擾民者並件折  
其事一體量官員使臣能否內有貪濁深刻昧於緩撫  
者速上其狀一州軍係逋欠錢物見依三司定限校料  
無可償及該赦放三司未與指揮者並仰件折其  
事一應諸邑人陳訴屈抑已經轉運司提照刑獄司行

遣戾斷稱是不當便仰杖接文狀詳事理按鞠得實杖  
罪已下即仰戾公從罪已上飛驛以聞其斷遣不當事  
狀仍候回日齎赴闕進呈一候到逐州軍取案見禁罪  
人當面錄問如已結成公案催促疾速結絕不得淹延  
其小罪即當面詳度決放